

DE PRINCI-  
PIIS ASTRONO-

MIAE LIBRI DVO:

authore Iosia Simlero

Tigurino.



TIGVRI APVD FROSCHO  
VERVM IVNIORVM.

M. D. LIX.





# IN LIBROS DE

PRINCIPIIS ASTRO-

*nomiae ad Samuelem Pellica-*

*num Iosiae Simleri*

*Præfatio.*



V M hisce dieb. typographus Institutiones nostras astronomicas, quas dudū tuo Samuele suasu & cohortatu inchoaueram, in publicum edere statuisset, existimaui in hoc quasi aditu operis mihi exponendum esse, cū totius artis finem & usum, tum causam et rationem, quare post tot doctissimos uiros, quib. me lōge inferiorem agnosco, mihi quoq; de Principijs Astronomiæ scribēdum putarim. Est enim hoc in omnibus artibus tradendis & percipiendis longe utilissimum; meo iudicio, ut statim ab initio usus artis proponatur: sic enim animi alacritas utilitate rei ante oculos posita, excitatur, & ea quæ tradūtur facilius percipi possunt, cum iam ante cognitum habemus, quò nam omnia referri oporteat. Utilitas uerò omnis, quæ ex singulis artibus

# P R A E F A T I O.

percipitur, posita est aut in communi uita usu, aut in mentis nostrae intelligentia illustranda. Ad utrumque plurimum prae alijs artibus, solida Astronomiae cognitio conducit. Nam, ut de primo priori loco agamus, suppeditat nobis haec doctrina certam temporum rationem. Nam per Solis & Lunae motum, anni & mensium spacia terminat: per summi uero globi reuolutionem dies, horas, caeterasque diel partes metitur. Est autem certa temporum ratio, totius uitae quasi lumen quoddam, necessarium ad omnes uitae partes. Nam per hanc rerum a ueteribus gestarum certa cognitio & memoria conseruatur, impriorum mutationes distinguunt, & cum priuatim tum publice pactorum, foederum, contractuum, iudiciorum certa & constans ratio seruari potest. Ideoque semper uiri praestantissimi in certa anni ratione constituenda laborarunt. Athenis Solon anni rationem Thaletis consilio constituit, quam deinde Eudoxus emendauit. Romae Iulius Caesar consilio Sosigenis mathematici nouam anni rationem descripsit. In alijs quoque gentibus magi

## P R A E F A T I O.

magistratuū ac sacerdotū ea cura semper fuit, ut certa anni ac temporū ratio constaret, qua tamē in re multi Astronomiæ imperitiā lapsi sunt. Est enim cœlum uerum calendarium, & temporum canon, in quo stellæ huius rei indices positæ sunt, ad quem etiam ueram temporū notationem congruere oportet. Nam hoc ipsum etiam sacræ literæ testantur, astra condita esse ut sint signa in tēpora, dies, menses, & annos. Non autem mensura tantum & numeratio temporum ē cœlo petitur, uerum etiam rerum agendarum uices & occasiones hinc sumuntur. Docent enim Physici, & rerum experientia probat, corpora superiora arctissima cognatione his inferioribus deuincta esse, & in illa magna sed tamen occulta ui agere. Solis accessus & recessus æstatis & hyemis causa est, eius calore inferiora corpora uegetantur, & uiuificant, unde ueteres non immerito uia Solis Zodiacum, à uita nominarunt. Lunæ accessu ad nos, maria intumescunt, & eiusdem decessu subsidunt & refluunt. Lunæ augmenta & decrementa non modo inani

## P R A E F A T I O.

mæ res, & animata quædam ut conchilia & cancri: sed humana quoque corpora sentiunt. Syderum alia calores augēt, alia tempestates cient, nonnulla pluuias, alia alios effectus generant. Et in uniuersum immensæ & admirandæ sunt uires horum præstantissimorum corporū. Neque mihi quisquam facile persuaferit, lumina hæc non alium in usum in cœlo posita esse, quàm ut noctu aut bubonibus & noctuis, aut brutis solum animantibus luceant, quæ tum ad pastum exeunt, aut paucis etiam hominibus, qui per maria & lacus nauigant, cum maior pars hominum, uel nunquam uel raro hæc inspicat. Quin potius sic statuo, deum principem causam omnium rerum, æque uti syderibus in mundi gubernatione, atque alijs secundis causis. Neque interim probo superstitionem Chaldaeorum, qui omnibus de rebus ex astris uaticinant, quos merito cum scriptores ecclesiastici, atque alij uiri boni suis scriptis, tum etiam multi Imperatores et Pontifices suis legibus damnarunt. Sed nolim propter superstitionem ne dicam an curiositatem, manifestos

P R A E F A T I O.

flos effectus syderum sperni, quos esse magnos in his inferioribus corporibus, omnium Physicorum & totius antiquitatis consensus, atque experientia longo tempore confirmata, testatur. Horum autem tempora & uices Astronomia ostendit, & hac re Agriculturæ, Architecturæ, Rei nauticæ (quibus artibus uita hominum carere non potest,) inseruit. Agricultura enim ab Astronomia petit arationis, plantationis, sationis, messis, autumnii tempora. Eamque esse multorum seminum naturam, experientia docuit, ut nisi certa Luna serantur, nunquam ad frugem perueniant. An non autem Architectura ab Astronomia discit cœli partium situm, ut ædificia salubribus locis condantur? An non etiã Astronomia tempora cædendæ materiæ architectis indicat? Nautica uero res ueterum tota ab astris pendebat, et nunc quoque quauis magnetæ naues regantur, tamen suus Astronomiæ usus est in nauigando. Docet enim accessum & recessum Lunæ, quæ maris motus sequitur, & tradit stellarum exortus, quibus tempestates in mari excitantur.

# P R A E F A T I O.

tur, quos cum Romani negligenter, primo bello Punico, classe naufragio amissa, poenas dederunt. Alios usus, quos syderum notitia communi hominum uitae affert, ut non commemorem, hoc tamen praeterire non possum, superstitionibus uanis eam mentes hominum liberare. Quis non ridet, cum commemorari audit ueterum superstitionem, qui in defectu Lunae existimabant magicis artibus Lunam ex coelo deuocari, ideoque are concrepabant, quousque illa suum lumen reciperet? Ridicula fateor est haec uulgi superstitione, nata ex Astronomiae ignorantia, at non ridiculus est error Niciae, ex eadem imperitia ortus. Hic enim cum posset quod de exercitu Atheniensium reliquum erat, noctu ex castris & ex Sicilia educere, ignorantibus hostibus, territus Lunae defectu in castris mansit, et una cum exercitu perijt. Quanto melius fecit Paulus Aemilius, qui defectu Lunae non est territus, quo minus cum Perseo rege praelium committeret: didicerat enim a Sulpitio Gallo eclipsium causas & rationes, & huius rei praclarum fructum tulit, amplissimam

# P R A E F A T I O.

plissimā uictoriā. Atqui hi sunt magni  
& ampli fructus quos necessitatibus ui-  
tae nostrae Astronomia affert, uerum illi  
longe sunt praestantiores quos affert co-  
gnitioni mentis nostrae. Nam cum prae-  
cipua sapientiae pars sit deum agnosce-  
re & admirari, praeter ipso autē cetera om-  
nia contemnere, post sacras literas non  
alia doctrina quam Astronomia aequae  
hoc docet. Quod & diuinus uates uidit  
& agnouit, qui cecinit, coelos enarrare  
gloriam dei, & firmamentum, opera ma-  
nuum eius. Nam immensitas coeli, quod  
totum mundum complexu suo continet,  
& magnitudo & splendor siderum, eo-  
rumque motus certi ac statim, & stellarum er-  
rantium motus non errantes, sed ordina-  
riae progressionis, regressionis, & quasi  
stationis, omnino quasi uoce altissima  
clamant, immensum, infinitum, aeternum,  
& sapientissimum esse horum omnium  
opificem & architectum. Si autem cum  
his praestantissimis corporibus, non di-  
co opes & facultates priuatorum homi-  
num, sed amplissima regna, & totum ter-  
rarum orbem conferamus, uidebimus



## P R A E F A T I O.

quàm hæc omnia nihili & planè contem-  
nenda sint, & quàm stulti simus rerū no-  
strarum admiratores, qui cum formica-  
rū instar in globo terræ repamus, tamen  
nescio quæ magna de nobis & rebus no-  
stris prædicamus. Veluti autem is qui è  
casa in domum ornatam ueniat, ex do-  
mo in urbem, ea quæ ante admirabatur  
uili pendebit; ita si in rerum naturæ con-  
templatione, ab imis ad summa, & ad ip-  
sum Architectum considerandum, ani-  
mo conscendamus, splendore superiorū  
inferiora obscurabunt, nō minus quàm  
solis lumine, non modo lumina, sed etiā  
stellæ splendidissimæ teguntur. Et quem-  
admodum pastor ille, qui Romam pri-  
mū Mantuæ similem existimauit, agno-  
scit & fatetur suum errorē his uersibus;

*Urbem quam dicunt Romam Melibœæ putauit  
Stultus ego huic nostræ similem, quo sæpe solemus  
Pastores ouium teneros depellere factus.*

Et rationem ac causam huius opinionis  
sux hanc affert:

*Sic canibus catulos similes, sic matribus hædos  
Noram, sic paruis componere magna solebam.*

Idem postquam Romam uidit, agnoscit  
errorem opinionis, & iudiciij sui, ac fate-  
tur



P R A E F A T I O.

tut Romam omnes alias urbes longe  
superare.

*Verum hæc tantum alias inter caput extulit urbes,  
Quantum lenta solent inter uiburna cupressi.*

Ita nos quoque miramur opes, imperia,  
potentiã, & alia huiusmodi terrena, pro-  
pterea quod in hæc tantum oculos defi-  
gimus. Verum ubi animo cœlum con-  
scendimus, & inde terram contempla-  
mur, non in somnis modo, ut Scipio ille  
nō tam Africanus quàm Ciceronianus,  
sed pia et diligenti contemplatione, tum  
nō modo amplissima imperia, sed totus  
quoque terrarum orbis cœlo compara-  
tus, exiguus admodum uidetur, & nos  
ante perperam iudicasse agnoscimus. Si  
uerò datur diuino spiritu duce, non Ro-  
mam sed cœlestem Hierosolymam ui-  
dere, tum uerò præ illa totus mundus,  
immensus alioqui, & undique ornatus,  
exiguus & inornatus uidebitur. Itaq;  
sacræ literæ cum amplitudinem & maie-  
statem dei exprimunt, nūc cœlum eius  
sedem, terrā scabellum pedū nominant:  
cœlum eū instar tabernaculi extendere  
dicunt, terrā manu eius cōtineri, totum

## P R A E F A T I O.

deniq; mundum roris guttulam apud illum esse. Quæ certe amplissimâ eius maiestatem esse docent, ad quem mundus adeo immensus, nullam cōparationem habet. Confirmat autem hæc consideratio nostram de diuina prouidētia, qua omnia administrantur, fidem, nō modo propter certissimam & omnibus sæculis constantem motuū rationem, sed etiam cum mūdus dei collatione paruus sit, uideamus non esse uel difficile, uel impossibile illi, ut nos opinamur, omnia gubernare. Imò cū totus orbis manu eius concludatur, & nos quasi inter digitos eius cōclusi simus, fieri nō potest, ut ille nullā nostri rationē habeat. Quod si hos fines in cœli & astrorum contemplatione huius rei studiosi sibi proposuerint, neq; in hoc mundi theatro otiosi spectatores fuerint, percipient suæ contemplationis fructus uberrimos.

Et quoniam satis mihi exposuisse uideor, quid ad communis uitæ necessitatem, & illustrandā mentis notitiā Astronomia conferat: exponam deinceps causas quæ me ad hos libros conscribendos impuler

## P R A E F A T I O.

impulerunt: tibi quidem Samuele notas & probatas, sed quas per te alios quoque cognoscere & approbare cupio. Cū em̃ proxima æstate, illis diebus quibus propter æstum dierum canicularium feriæ sunt in omnibus ferè scholis, statuisssem nostris adolescētibus principia artis Astronomicæ pponere, nec apud nostros bibliopolas extarent ulla exēplaria eorū, quæ de hac arte à multis sunt edita, cum aliorum amicorū hortatu, tum in primis tuo Samuele, hunc libellū conscripsi, & edidi. Existimabas enim, & in eo tibi assentiebar, maiorē temporis partem mihi perituram, si expectandum foret donec aliunde exemplaria afferrentur. Videbam etiam mea facilius à me, quàm aliorum scripta explicari posse. Itaque facile à Christophoro Froschouero iuniorē, cū pro eius prompta uolūtate ad iuuandas bonas literas, tum pro singulari erga me amore, multis officijs mihi cognito & perspecto, impetraui, ut statim primas quasque paginas excuderet, ne auditores nostri dictata excipere, & multis molestum scribendi laborem subire cogerent.

# P R A E F A T I O.

tur. Hac autem festinatione factum est, ut nullæ figuræ, quæ alioquin scriptis Astronomicis multum lucis afferunt, his libris interseri potuerint. Neque etiã nostris adolescentibus, quibus hæc potissimum conscripsimus, admodum necessaria uidebantur. Nam si quæ delineationes necessariae erant, eas magna forma depictas illis proposuimus, quod & quicuis harum artium præceptor facere poterit. Magnis autem in picturis singula exactius conspici posse nemo ignorat. Præterea qui ad huius libri lectionem adhibuerit Sphærâ armillarẽ, cuius descriptionem Iacobus Zieglerus in Pliniani commentarijs tradidit, is non ualde desiderabit alias picturas. Statuerã præterea, unã cum hoc libello edere circulorum spheræ picturas, quæ ligno aut densæ chartæ induci, & in sphericam formã compingi possent, idẽ primo libro pollicitus sum. Verum id nunc quibusdam rebus impeditus præstare non potui, alio tamẽ tempore (uolente deo) hoc non absque scœnore rependam. Quicquid autem hoc est laboris nostri, neque enim

# P R A E F A T I O.

enim mea admiror, aut illis multum tribuo, tibi Samuele inscribo & offero. Nā cum te sciam his studijs delectari, & mihi huius scriptionis author fueris, tuāq; operam non modo uerbis liberaliter pollicitus sis, sed etiam re ipsa praestiteris, neminem habui cui iustius quā tibi hunc libellum inscriberem. Praesertim cū huc accedant multa beneficia quibus me cumulauit Conradus Pellicanus, piæ memoriæ parens tuus. Et præter cetera hoc amicitia nostra postulare uidetur, quam multis ante annis studiorū communione & uitæ coniunctione coeptā, tu quoque sanctiore uinculo confirmasti, cum in primogenita tua filia baptizanda me adhibuisti testē, & me quasi uicariū tuas partes suscipere uoluisti in prole tua deo initianda & consecranda. Itaq; ego nunc uicissim hūc libellum quasi meam prolem ad te mitto, teneram sanè adhuc & infirmam, neque illis quibus oportebat eloquentiæ aut eruditionis uiribus ornatam & instructam, sed tamen amici nihilominus prolem: tu uero eo magis amici nomine illam in tutelam suscipito

P R A E F A T I O.

& defendito. Forsitan enim quemadmo-  
dum infantum ætatis progressu vires &  
prudencia augmentur, ita etiam hic noster  
libellus post aliquot annos maius doctri-  
næ robur & simul etiam ornatum,  
uel nostra, uel aliorum ope-  
ra, sibi comparabit.

# DE ASTRONOMIAE

## PRINCIPIIS,

### LIBER PRIMVS.



**A**STRONOMIA EST ARS Astronomiae definitio.  
quæ metitur ac numerat motus, magnitudines, interualla ac distantias  
cælestium corporum. Coniunctæ sunt  
huic duæ artes, *Astrologia* & *Physice*. *Astrologiam* recentiores nominant eam artem quæ obseruato positu & *ἡμετέριον* seu configurationibus  
syderum, ex uiribus & effectis eorum uaria prædicit. Veteres tamen eam doctrinam motuum  
*Astrologiam* nominarunt, & *Ptolemæus* quam nos *Astrologiam* nuncupamus *Astronomicas*  
prædictiones nominat. Nos tamen docendi causa uulgatam distinctionem sequemur, ut  
*Astrologiam* diuinatricem illam disciplinam nominemus, *Astronomiam* uero alterâ quæ de motu tractat.  
*Physice Astronomiæ* est cognata, Quid differat ab Astrologia.  
quoniam utraq; de cælo stellis tractat, sed diuersa ratione. *Physica* enim cælum quidem docet  
nō necessitate aliqua impellente, sed sua sponte ac natura propria moueri. Deinde locorum cælestium  
differentias inquirat, quid sursum, quid

A



# DE AST. PRIN.

deorsum: quid ad dextram, quid ad leuam: quid à fronte, quid à tergo dicatur esse. Tum quæ de causa plures in cælo motus sint, & globi inferiores contrario motu nitantur atq; cæli extremas. Ostendit etiam globosam esse cæli figuram atq; rotundam. Deniq; cur à dextra semper ad leuam primus cæli motus fiat, & non contra. Postremo perpetuum quendam ordinem atq; immutabilem seruare primum cæli motum, ita ut semper equalis sit, docet. De astris uero quærit, quæ sit eorum natura, quæ figura, qui ordo, qui motus: & ostendit unam cum cælo, cui colligata sunt, nullo proprio motu sed communi moueri. Deinde cur planetarum alij uelociiores, alij tardiores sint, generatim exponit. Omnes etiam stellas, siue errantes, siue inerrantes fuerint, globosam atq; rotundam habere figuram. Postremo docet cur singuli globi qui errantes dicuntur, unam tantum stellam habeant, cum his superior fixarum globus tam innumerabiles stellas habeat. Terram etiam declarat in medio totius mundi esse collocatam, & minimam simplicium omnium esse corporum: ut si ad cæli complexum conferatur, puncti instar habeat: esse etiam globosam ac rotundam, atq; immotam perpetuo manere, cum interim cælum circa ipsam sine ulla requie torqueatur. *Astrom-*



miã autẽ adhibita Geometria & Arithmetica, in cælum quasi euolat, & dimetitur ac numerat motus & interualla corporũ cælestium, stellarũ magnitudines & distantias, diurnas & nocturnas concursiones, circuitiones, ortus, obitus, stationes, & regressiones, ac in uniuersum causas & rationes rerum cælitus apparentiũ cum in erroribus, tum etiam in stellis errantibus, inquit.

Quæ uero in Physicis libris de cælo, astris ac terra docentur, hoc est,  $\chi\epsilon\iota\varsigma\ \omicron\lambda\eta\varsigma\ \tau\eta\varsigma\ \gamma\eta\varsigma\ \pi\rho\omicron\varsigma\ \omicron\lambda\omicron\upsilon\ \tau\omicron\upsilon\ \omicron\upsilon\rho\alpha\nu\omicron\upsilon$ , ut Ptolomæus nominat, <sup>Hypothesi suas Astronomia sumit ex Physica:</sup> ab Astronomo cognoscenda sunt: quoniam autẽ hæc illic copiose explicantur, nos ea tanquam certa & demonstrata sumimus, & eũ qui hæc principia in dubiũ uocat ad illos remittimus. Quemadmodum enim cæteræ artes principia & hypotheses quasdam ab alijs artibus mutuuntur, ita has quoq; hypotheses Astronomia à Physica mutuatur, & super illas quasi fundamentum quoddam ædificium totius Astronomiæ extruit, quod cum aptissime & firmissime cohæreat, facile apparet hoc firmis fundamentis niti. Astronomia igitur his quasi fundamētis, quæ de figura, motu, ac situ cæli & terræ Physici tradũt, motum, magnitudines, interualla ac distantias cælestiũ corporum metitur. Cælestia corpora orbes seu glo-

# DE AST. PRIN.

Globorum  
caelestium  
diuifio.

hos & stellas orbibus infixas nominamus. Quot  
globi sint, diuersae sunt ueterū et recētiōrū opinio-  
nes. Antiquissimi octo orbes numerant, qui etiā  
sensu percipiuntur, septē quidē stellarū errantiū,  
octauū fixarū & inerrantiū. Ptolemæus his ad-  
dit nonū orbem, quandoquidē deprehēdit stellarū  
inerrantiū sphaerā duplici motu moueri, cum au-  
tem unicus motus uni sphaerā sit proprius, necesse  
est aliam sphaeram superiorē alterius motus cau-  
sam esse. Qui Ptolemæum secuti sunt, addiderūt  
decimam sphaeram, & postea etiam undecimam.  
Nos in numero & ordine caelestium globorum  
Ptolemæum sequemur. Primum & terra proxi-  
mum orbem Luna tenet: hanc sequitur Mercu-  
rius, qui  $\sigma\iota\lambda\beta\omega\upsilon$  appellatur: deinde Venus, qua  
 $\phi\omega\sigma\phi\acute{o}\rho\omicron\varsigma$ : postea Sol mediam ferē regionem in-  
ter erroneas quasi dux & princeps & moderator  
reliquorum syderum obtinet: Solem sequuntur  
Mars  $\pi\upsilon\rho\acute{o}\varsigma$ : Iupiter qui et  $\phi\alpha\epsilon\delta\omega\upsilon$ : Saturnus  
 $\phi\alpha\acute{\iota}\nu\omicron\upsilon$ : globus deinde stellarum inerrantiū: &  
postremo Sphaera summa, quam ab ipso ordine  
nonam nominamus. Mouentur hi globi duobus  
diuersis motibus, uno concitatissimo ab Oriente  
ad Occidentē, qui horis quatuor & uiginti per-  
ficitur: hic noni orbi proprius omnes inferiores  
sphaeras stellarum inerrantium & errantium se-  
cum

Motus coe-  
lestis diui-  
sio.

cum rapit, Græci hūc  $\nu\upsilon\chi\theta\mu\epsilon\pi\iota\nu\omicron\upsilon$ , hoc est diurni nocturniq; temporis spatium, item  $\pi\epsilon\gamma\omega\tau\eta\upsilon\ \phi\omicron\sigma\epsilon\alpha\upsilon$  primum motum, nos quotidianam reuolutionem, & uulgo motum primi mobilis nominamus. Hic cōmunis omnium motuum mensura est, cum etiā tempus ipsum numero potissimum dierum metiamur. Alter est motus quo stellæ inerrantes & septem erronum globi retro contrario motu ab occasu in ortum uoluuntur & diuersis temporum spatijs reuolutiones suas perficiunt, hunc  $\epsilon\iota\varsigma\ \tau\alpha\ \epsilon\pi\omicron\mu\epsilon\nu\alpha$ , &  $\epsilon\iota\varsigma\ \tau\alpha\ \epsilon\nu\alpha\nu\tau\iota\alpha$  &  $\delta\epsilon\upsilon\tau\epsilon\rho\alpha\upsilon\ \phi\omicron\sigma\epsilon\alpha\upsilon$  &  $\pi\omicron\lambda\upsilon\mu\epsilon\pi\eta\upsilon$  nominant. Nō autem in ijsdem polis in quibus primus ille motus perficitur, neq; etiam in ipso circuitu æqualiter uidentur ferri, nam Sol & Luna modo tardi modo uelociores cursu deprehenduntur, ceteras autem quinq; errantes stellas quandoq; etiam repedare & hinc inde stationes facere cernimus. Et cum Sol suo semper & directo itinere proficiscatur, illi uarijs modis errant, modo in Austrum, modo in Septentrionem euagantes, unde & errores dicti sunt. Aliquando etiam propinquiores  $\iota\epsilon\ \rho\alpha$  fiunt, & Perigæi uocantur: aliās remotiores, & dicuntur Apogæi. Duo hæc reuolutionum genera duas quoq; Astronomiæ partes faciunt. Prima diurnum primum simplicissimumq; motum explicat,

Astronomiæ diu.  
Ro.

## DE AST. PRIN.

Argumen-  
tum horum  
librorum.

& hæc pars in libellis, qui de Sphæra inscribuntur, traditur: ad hanc etiã referuntur primi duo libri μεγάλῃς συντάξεως Ptolemæi, atq; tabulæ primi mobilis. Altera pars uarietatem secundi motus enarrat, hanc exponunt Theoricarum, ut uocant, libri, quibus addendæ sunt demonstrationes ex Ptolemæo & alijs, & coniungendæ tabulæ motuum. Nos in hoc libello de priore parte agemus. Et quoniam omnis motus globi fit super axe & polis, & in circulis numeratur, ac cum circulis syderum positum & distantias metimur, primum de axe & polis, deinde de circulis tum de dimensione quæ per illos fit agemus, postea ἀναφορὰς circulatorum quæremus, ortus item & occasus syderum, dierum & horarum rationem: hæc autem etsi absq; motu Solis cognosci non possunt, tamẽ maiori ex parte à prima reuolutione dependent, & solarem motum non perfecte, sed καθόλου καὶ ἀπλοῦς εἶδος cognoscere oportet ad hæc intelligenda. Ad hæc autẽ oculis subiicienda utemur sphæra armillari, cuius structuram Iacobus Zieglerus in commentarijs ad secundũ Plinij, docet. Cuius typum nos cum hoc libro edidimus additæ structuræ ratione.

## O DE AXE ET POLIS.

Omnis sphæra quæ mouetur, super axe & polis

polis mouetur, axe tamen & polis immotis. Id quod uidere licet, si quēuis globū rotemus. In tor-  
no etiam globus dum fabrili manu politur, circa  
duorū clauorū acumina circumagitur, in quo ea  
solum puncta quiescunt, quæ sunt in recta linea  
clauorum acumina connectente, quæ sola est *axis* Axis quid  
sit.  
tornationis, reliqua uero circumferuntur. In mun-  
di reuolutione lineam circa quā mundus uolua- Poli quid  
sint.  
tur, imaginatione cōcipimus: hāc Græco nomine  
axem nominamus, Hyginus dimensionem uo-  
cat, Arabes Nigear. Huius termini  $\omega\lambda\omicron\iota$  Græ-  
cis ἀπὸ τοῦ πολεῖν à uoluendo nominātur, quod  
sphaera circa ipsos immobiles circumuoluitur, La-  
tini *cardines* & *uerices* nominant. Horū unus Polorum  
diuisio.  
dexter est soli orienti, et arcticus aut septentrio-  
nalis uel boreus: alter uero sinister, & antarcti-  
cus ac austrinus appellatur: hic nobis semper oc-  
cultus est, ille manifestus. Et axem quidē Ma-  
nilius eleganter his uersibus describit.

Aëra per gelidum tenuis deducitur axis  
Libratumq; regit diuerso cardine mundum:  
Sidereus circa medium quem uoluitur orbis  
Aethereosq; rotat cursus, immotus at ille  
In binas Arctos magni per inania mundi  
Perq; ipsum terræ directus conspicit orbem.  
Nec uero è solido stat robore corporis eius,  
Nec graue pōdus habet, quod onus ferat etheris alti,

# DE AST. PRIN.

Sed cum aer omnis semper uoluatur in orbem,  
Quoq; semel coepit, totus uolet undiq; in ipsum:  
Quodcumq; in medio est circa quod cuncta mouetur  
Usque adeo tenue, ut uerti non possit in ipsum,  
Nec iam inclinari, nec se conuertere in orbem,  
Hoc dixere axem, quia motum non habet ullum,  
Ipse uidet circa uolitantia cuncta moueri.

*Polos autem Aratus sic depingit.*

Καὶ μὴ παρὰ τὸν οὐρανὸν δ' ὅτι πάλαι ἀμφοτέρωθεν  
Ἀλλ' ὁ μὴ οὐκ ἐν τῷ οὐρανῷ, ὅδ' ἀντίθετος ἐν βορρᾷ  
Υψόθεν ὀκτανόει,

Methodus  
inueniendi  
poli appa-  
rentis.

Quoniam uero tam axis quam poli sensum effu-  
giunt & ratione tantum percipiuntur, methodus  
indicanda est inquirendi polum, quo cognito facile  
axem imaginatione nostra formabimus. Stel-  
la extrema in cauda Cynosurae obseruetur: hac  
proxime circa polum uoluitur, & ideo polaris stel-  
la nominatur, abest uero à polo quatuor partibus  
& nouem scrupulis, itaq; imaginatione describen-  
tes circulum paruum reuolutionis eius, in medio  
eius polum habebimus. Quod si polaris stella ali-  
cui est ignota, is obseruet Elicen, quæ uulgo nota,  
plaustrum nominatur: huius duæ stellæ, quas ro-  
tas nominat, recta linea coniungantur, & ea pro-  
ducatur à tergo Elices, ad eam scilicet partem  
ad quam tres stellæ caudæ Elices, quas equos  
uulgius appellat, apparent, hac linea in stellam po-  
larem incidet. Est & alia ratio inuestigandi  
Polum

Altera ra-  
tio quæren-  
di poli.

*Polum semper apparentem. Constituatur horoscopiũ uulgare, quod Compassum appellatur, sic ut lingua magnetis tincta immota maneat, ut solet in horis quærēdis, deinde filum seu trianguli sciotherici hypotenusam uisu ad firmamentũ usq; producat: linea hæc axem, & eius extremitas polum apparentem refert. In sphaera nostra armillari polos indicant adscripta illis nomina.*

## DE CIRCVLIS.

**C**irculos in globo nominamus quãdoq; circulares peripherias quæ designantur in globo, quãdoq; uero superficies circulares quæ his lineis cõprehenduntur & globũ diuidunt: & cũ hac significatione circuli nomen ab Astronomis accipitur, plerunq; superficiei nomen addunt, ut superficies eclipticæ aut æquatoris. (De latitudine Zodiaci suo loco dicemus.) Omnes uero circuli globi diuiduntur in maximos & in minores circulos. Maximi in globo circuli sunt, qui per globi centrum transeunt, & eum in duas æquas partes diuidunt. Hi autem eandem in globo rationem habent quam diametri in circulo. Secant etiã sese omnes magni in globo circuli in partes æquas: et à suis polis quadrante alterius magni circuli distant. Minores circuli sunt, qui aliud à globo habent centrũ,

Circulorũ  
alij magni,  
alij minores.



# DE AST. PRIN.

& ipsum in partes inæquales diuidunt. Quò au-  
 tem centro globi propiores fuerint, eo sunt maio-  
 res & plus à polis suis distant: quo uero remotio-  
 res à centro sunt, eo etiā minores & suis polis ui-  
 ciniores sunt. *Circuli æquidistantes* Præterea circularū alij æquidi-  
 stantes  $\omega\alpha\phi\lambda\lambda\alpha\iota$  sunt, qui inter se æquidistant,  
 & superficies eorum, si in infinitum producatur,  
 non concurrunt. Magni uero circuli inter se non  
 sunt paralleli, sed minores cū inter se æquidistare  
 possunt tum magnis circulis, & qui magno ali-  
 cui circulo æquidistant, eosdem cum illo habent  
 polos. *Circuli obliqui & per polos ducti* Magni uero circuli uel sunt inter se ob-  
 liqui  $\lambda\omicron\phi\omicron\iota$ , qui sese ad inæquales angulos secant,  
 uel transeunt per polos aliorum magnorum circulo-  
 rum, & sibi ad angulos rectos insistant. Hu-  
 iusmodi circulos magnos & paruos, æquidistan-  
 tes, obliquos, & qui sese ad rectos angulos dispe-  
 scant in cælo plures imaginamur. Veruntamen  
 omnes ad paucos, quasi ad duces, referri possunt.  
 Omnes enim circi reliqui præter principes, mag-  
 num aliquem ut comites consequuntur, & aut la-  
 titudinem metiuntur & parui sunt, ac à magno  
 æquidistant, aut longitudinē & polos magni tra-  
 seunt, ac ipsi quoq; magni sunt. Tres autē mag-  
 ni circuli in Astronomiæ usu quasi principes sunt  
 reliquorum, Equator, Zodiacus, & Horizon  
 cæmi



cæteri ferè omnes, quorū singularis aliquis usus est, uel horū uni æquidistant, uel per eius polos ducuntur. Ex his autē tribus duo, *Equator & Zodiacus*, cū suis comitibus in ipso cælo nostra imaginatione sic describuntur, ut unā cum cælo uoluuntur. *Horizon* uero, & qui huic sunt æquidistantes, aut per polos transeunt ut *Meridianus*, immoti in mundo sunt, uno eodemq; in tota mundi reuolutione seruato positi. Et priores quidem illi cælum in partes diuidunt, & stellarum distantias demetiuntur, ipsumq; motum, & omnibus in regionibus ijdem manent. Per alteros ea quæ in cælo obseruantur ad certas in terra habitationes deducuntur, & globi quidem motu non uoluuntur, sed loco mutato ipsi quoq; mutantur. Quidā priores circulos intrinsecos, *Horizontem* autē & *Meridianū* extrinsecos nominant, quoniam hi in instrumentis sphaeræ solidæ & armillaris reliquos amplexu suo ambiunt, alij autem interiorē partem tenent. In cælo tamen hos omnes intra concauā superficiem noni orbis contraria atq; in sphaericis instrumentis ratione imaginamur, nam *Aequatorem & Zodiacum* cum circulis ipsis æquidistantibus aut qui per eorum polos transeunt in ipsa superficie uisu & imaginatione delineamus. *Horizontem* uero & *Meri-*

Circuli uolubiles.

Circuli fixi.

Circuli intrinseci & exteriores.

Circulos ubi sitos esse imaginemur.

## DE AST. PRIN.

Circulorū  
diuīſio in  
partes.

dianum, non ipsa superficie, sed illi contiguos, ſin-  
gimus, ſic ut hi quidem fixi maneant, reliqui ue-  
ro motu ipſius orbis circa hos uoluantur. Di-  
uiduntur uero omnes circuli quos in ſphæra ani-  
mo concipimus tã maiores quàm minores, in par-  
tes 360. quas uulgo gradus, ueteres partes, Græci  
μέρη & μοῖραι nominant: ſingulã deinde partes  
in ſexaginta minuta, minutum uero in ſexaginta  
ſecunda & id in totidem tertia diuiditur, & ſic  
deinceps: & has quidam partes aliqui ſuo nomi-  
ne ſcrupula, & ab ordine prima, ſecunda, tertia,  
quarta, appellare conſueuerunt. Græci δὲ  
πρώτη, δευτέρα, τρίτη, τέταρτη nomināt. Qua  
autem ratione circuli hi in cælo imaginatione co-  
cipiendi & cognoscendi ſint, poſt ſingulorum de-  
ſcriptiones explicabitur.

## DE AEQUATORE.

Aequato-  
ris defini-  
tio.

**A** Equator maior eſt ſphærae circulus, qui  
eoſdẽ cum mundo polos habet, & medio loco inter  
eos poſitus aequaliter ab utroq; diſtat. Nomina-  
tur ἰσημερινός aequator & æquinoctialis, quod cū  
Sol hunc occupat, æquinoctium eſt in toto orbe.

Aequato-  
ris uſus.

Eſt uero aequator regula primi motus, nam quo-  
niam eoſdem cum mundo polos habet, perpetuo  
aequaliter mouetur, ſic ut ubiq; & ſemper aquali  
bus

bus temporum spatij, æquales æquatoris arcus  
 orientur aut occidunt. Singulis enim horis ex  
 360. partibus æquatoris quindecim oriuntur &  
 totidem occidunt, & tota circuli huius reuolutio  
 perficitur quatuor & uiginti horis. Græci, quo-  
 niam æquatoris motu tempora metimur, partes  
 eius *ῥοῖοις* nominant. Neq; solum primum  
 motum æquator metitur, sed etiam Zodiaci *ἄντα*  
*ῥοῖοις* & stellarum ortus atq; obitus, de quibus  
 secundo libro. Habet quoq; magnū in Geogra-  
 phia usum, quando ab ipso latitudines & in ipso  
 longitudes locorū numerantur. Distinguit  
 præterea æquator cælum in duas partes seu he-  
 misphæria, septentrionale & austrinū. Quæcunq;  
 igitur stellæ ab æquatore distant uersus polum  
 arcticum, sunt in septentrionali parte cæli: quæ  
 uero ad polum oppositum recesserunt, austrina in  
 parte posite sunt. Æquatorem Manilius sic de-  
 pingit:

Tertius in media mundi regione locatus  
 Ingenti sphaera totum percingit Olympum  
 Parte ab utraq; uidens axem, quo limite Phœbus  
 Componit paribus numeris noctemq; diemq;  
 Veris & Autumni currens per tempora mixta.  
 Cum medium æquali distinguit limite cælum  
 Quatuor & gradibus sua fila reducit ab æstu.  
 Distinguit autem Manilius circulum in partes

## DE AST. PRIN.

sexaginta, & quatuor partibus inquit *Æquator* rem ab æstiuo *Tropico* distare, quatuor scilicet & uiginti partibus circuli in 360. partes diuisi, nulla habita scrupulorum ratione.

## DE CIRCVLIS AEQVIDI- stantibus *Æquatori*.

**A**B *Æquatore* uersus utrunq; polū in qua-  
cunq; ab eo distantia innumeri quidem paralleli  
describi possunt, nam & *Sol* quotannis ultra &  
citra *æquatorē* 182. circulos quasi parallelos de-  
scribit, & *stellæ* in æquidistantibus circulis quoti-  
die uoluuntur. Inter omnes tamen æquidistantes  
circulos quatuor circulorū præcipua ratio habe-  
tur duorum *Tropicorum* & totidem *Polarium*,  
& hi ut insigniores uel soli uel inter ceteros ali-  
qua singulari nota conspicui in organa *Astrono-*  
*mica* assumuntur. *Tropici* ἀπὸ τοῦ τροπῶν, à cō-  
uersionibus solis nomen habent: sunt enim hi duo  
circuli quasi metæ quædā solaris cursus, ad quas  
cum *Sol* peruenit, non ultra uersus polos progre-  
ditur, sed ad *æquatorē* reuertitur. Distant hi tan-  
tum ab *æquatore* quantum *Sol* cum ab ipso ma-  
xime declinat, quod spatium nostra ætate est 23.  
partium & semissis ferè. *Tropicorum* alter, *Can-*  
*crici Tropicus*, *Æstiuus* itē, *Solstitialis* & *Bori-*

*Tropicorū*  
nomen &  
usus.

*Tropicus*  
*Cancrici*.

alis, & à Græcis θερινὸς τροπικὸς nominatur.  
 Describitur à sole conuersione diurna in Cancrī  
 initio, cum longissime ab æquatore ad Septentri-  
 onem recessit. De hoc Manilius:

Alter ad extremi decurrens sydera Cancrī,  
 In quo consumit Phæbus lucemq; moramq;  
 Tardaq; per longos circumfert lumina flexus,  
 Aestiuum medio nomen sibi sumit ab æstu,  
 Temporis & titulo potitur metaq; uolantis  
 Solis & extremos designat feruidus actus.

Alter tropicus Capricorni & Brumalis atq; Au <sup>Tropicus</sup>  
 strinus & χειμερινὸς τροπικὸς Græcis nomina <sup>Capricor-</sup>  
 tur. Describitur à Sole diurna conuersione in Ca <sup>ni.</sup>  
 pricorni initio, cum scilicet Sol longissime ab Æ=  
 quatore ad Austrū recessit. De hoc idem pœta:

Proximus hunc ultra Brumalis nomine cingens  
 Vltima designat fulgentis lumina Solis,  
 Inuiatq; obliqua radiorum munera flamma.  
 Dat pariter minimum nobis, sed finibus illis  
 Quos super incubuit longa stant tempora luce,  
 Vixq; dies transit candentem extenta per æstum.

Polares circuli tantum à mundi polis distant,  
 quantum Tropici ab Æquatore, & describun-  
 tur à polis Zodiaci, qui diurna conuersione perpe-  
 tuo circa polos mūdi uoluuntur. Horum unus, <sup>Arcticus.</sup>  
 qui polo nobis apparēti propinquus est, Arcticus  
 ab Arctis ursis duabus, quas ferè totas suo com-  
 plexu continet, nominatur. De hoc Manilius:  
 Circulus ad Boream fulgentem sustinet Arcton

## DE AST. PRIN.

**Antarcti-  
cus.**

Sexq; fugit solidas à cæli uertice partes.  
Circulus huic oppositus, quem Zodiaci polus con-  
uersione sua circa Austrinum mundi uerticem de-  
scribit, Antarcticus nominatur, de quo Manil.

Vnus ab his superest extremis proximus axi  
Circulus Austrinas qui stringit & obsidet Arctos  
Hic quoq; Brumalem per partes quinq; relinquit,  
Et quantum à nostro sublimis cardine Gyros  
Distat, ab aduerso tantundem proximus illi.

**Arctici  
Græcorū.**

Græci tamen, ut Proclus & Aratus, Arcticum  
nominant maximum circulum perpetuo appare-  
tium, Antarcticum maximum eorum qui nun-  
quam apparent. Mutato autem loci situ hi quoq;  
mutantur, & maiores minoresq; fiunt: sed de his

**Æquidistā-  
tes quomo-  
do in sphæ-  
ra concipi-  
antur.**

postea. Quatuor hi minores & æquidistantes cir-  
culi in sphæra nostra armillari nō sunt descripti,  
puncta tamē solsticij & brumæ, & polorum Zo-  
diaci sunt designata: reuoluta itaq; sphæra imagi-  
natione concipiendi sunt circuli ex horū punctorū  
reuolutione. In cælo autē hac ratione concipiun-  
tur Equator & Trōpici, si obseruemus conuer-  
siones Solis in Arietis & Libræ initio pro Equa-  
tore, in Cancri & Capricorni initio pro tropicis  
concupiendis. Antarcticum in cælo concipere in  
nostris regionibus non possumus, ea enim pars cæ-  
li nobis nunquam apparet.

## DE COLVRIS.

**A**Equatorem etiam consequuntur omnes maiores circuli, qui per polos eius transeunt & ipsius longitudinem dimetiuntur, ac tot imaginatione concipiendi sunt, quota est media pars totius aequatoris, ita ut quiuis per duas partes inter se oppositas ducatur. Hi omnes rectarum ascensionum circi & coluri appellantur, quod partes aliquas in se minime conspectas habeant: reliqui enim magni circuli emergentes conuersione cæli, cernuntur per partes, sed colurorum partes quadam nunquam emergunt. Hoc tamen solummodo in illis regionibus uerum est, quæ ab æquatore ad alterum polum distant: sub æquatore enim coluri in uniuersum per partes uidentur. Duo ex his in organa Astronomica assumuntur, & magis quàm ceteri in usu sunt: Colurus solstitorum & Colurus æquinoctiorum. Colurus solstitorum, est magnus circulus ductus per polos mundi & polos Zodiaci & puncta tropica. Colurus uero æquinoctiorum, est magnus circulus ductus per polos mundi & intersectiones aequatoris ac Zodiaci siue puncta æquinoctiorum. Secant se ipsos hi circuli & Zodiacum atq; Aequatorem omnesq; æquatori æquidistantes ad rectos angulos: & hos omnes in suos quadrantes diuidunt, puncta solstitio

Colurus  
solstitorum.Colurus æ  
quinoctio-  
rum.



## DE AST. PRIN.

rum & æquinoctiorū indicant: alter etiam sol-  
stitiorum Colurus fert polos Zodiaci. De his  
Manilius:

Sunt duo quos recipit ductos à uertice uertex  
Inter se aduersi, qui cunctos ante relatos,  
Seq; secant, gemino coeuntes cardine mundi  
Transuersosq; polo rectum ducuntur in axem,  
Tempora signantes anni cælumq; per astra  
Quatuor in partes diuisum mensibus æquis.

## DE ZODIACO.

**Z**odiacus secundus est ex principibus cir-  
culis: est autē hic circulus canon secundi motus.  
Nam ut primus motus in partibus Aequatoris,  
ita secundus in partibus Zodiaci numeratur.  
*Est autem Zodiacus magnus sphaera circulus,*  
*obliquus aequatori, quem duobus locis secat, &*  
*tantum ab eo recedit, quantum Sol, qui suo motu*  
*hunc circulum describit, partibus scilicet 23. &*  
*ferè semisse: & quantum ipse ab aequatore, tan-*  
*tum poli eius à polis mundi & aequatoris distant.*  
*Græci hunc circulū ζωδιακόν, & λόγον κύκλον,*  
*item ἁλιακόν κύκλον καὶ διὰ μεσῶν τῶν ζωδίων*  
*nominant: Latini à signis Signiferū, item obli-*  
*quum & declinem circulum ac inflexum orbem.*  
*Huius circulo soli ex omnibus latitudo tribuitur*  
*duodecim partium, idq; propter Planetarum mo-*  
tum.

Zodiaci  
definitio.

Nomina  
Zodiaci.

Latitudo  
Zodiaci.



rum. Sol quidem perpetuo mouetur in circulo qui per medium signorū describitur, neq; ab eo in alterutram partem Austri aut Septentrionis recedit, ideoq; etiam ἡλιακὸν κύκλον nominant, & lineam eclipticam, quod tum cum Luna in hoc circulo aut prope Soli coniungitur, uel opponitur, eclipses fiunt: at uero reliqui erronei à media hac uia quandoq; ad Austrum, quandoq; uero ad Septentrionem aliquot partibus recedunt: quam obrem Zodiacum, qui semita Planetarum est, latum fecerūt, & ab utraq; parte circuli per medium signorum, descripserūt duos circulos æquidistantes illi, sex partium interuallo, ut hi quasi limites essent errantium syderum. Sed recentiores quoniam obseruauerūt Martis & Veneris sydus, plus sex partibus euagari ab ecliptica, Zodiaco latitudinē tribuerunt octo partium utring; à medio circulo, ita ut integra latitudo sit partium sedecim. Verum quoniam alia ratione sydera ad Zodiacum referuntur, & non Planetarū solum, sed reliquorum quoq; syderum latitudo obseruatur, non omnino necessaria uidetur hæc latitudo Zodiaci. Euclides certe in Phenomenis, & Ptolemaeus, ubiq; ferè de Zodiaco, ut de circulo qui per media signa ducitur, loquuntur, non de lata aliqua fascia. Zodiaci recessuum ab æquatore li

## DE AST. PRIN.

mites sunt duo Tropici, de quibus ante. Obli-  
quitatem eius Sol motu suo proprio describit.  
Causam obliquitatis Physici exponunt, qua peri-  
porest ex posteriore libro Aristotelis de ortu &

Diuisio Zo-  
diaci secun-  
dum longi-  
tudinem.

Quare duo  
decim sint  
signa.

Partes sig-  
norum.

Nomina si-  
gnorum.

interitu. In distributione in longum hoc quoque  
peculiare habet Signifer, quod prima diuisione in  
duodecim partes secatur, quas nos Signa, Graeci  
Ζῳδια & δώδεκα ἡμέραι nominant. Cur autem  
duodenarius numerus electus sit, uariae rationes  
afferuntur, ex numerorum mysterijs deprompta,  
quas non tam spectasse priscos Astronomos ueri-  
simile est, quam commodam distributionem huius nu-  
meri, quae in asse & eius partibus apparet. Prate-  
rea quod Sol duodecimam ferè Zodiaci partem per-  
ambulat, à Lunae congressu donec illidenus iun-  
gatur, atque hoc iter mense uno conficit: ueluti igitur  
in anno duodecim menses, sic in Zodiaco, qui  
anni mensura est, duodecim sunt signa. Diui-  
duntur deinceps singula signa in partes triginta,  
ita ut totus Zodiacus 360. partes habeat: has  
partes gradus nominant, quod Sol suo motu quo-  
tidie per unam ferè huiusmodi partium gradi-  
tur. Est & alia Zodiaci diuisio, quam Alphonsus  
in suis tabulis secutus est, ut Zodiacus totus  
in sex signa, & signum in 60. gradus diuidatur,  
hac quidam physica signa nominant. Habent

uero

uero duodecim signa nomina sua ab animalium  
 asterismis, non quod nostra ætate in his Zodiaci  
 dodecatemorijs hæc stella sint à quibus nomina ha-  
 bent, sed quod aliquando fuerunt: stella namq; po-  
 sita in asterismo Arietis, ætate Ptolemæi omnes  
 fuerūt in dodecatemorio Arietis, nunc uero motu  
 octauæ orbis εὐς τὰ ἐπόμενα, progressæ sunt in  
 Tauri signum. Et qui ante Ptolemæum in A-  
 stronomia uersati sunt, non satis exploratum ha-  
 buerūt hunc εὐς τὰ ἐπόμενα motum, ideoq; & octo  
 solum globos numerarūt, & merito Zodiaci par-  
 tes, quas in eodem globo describebant, à proximis  
 asterismis denominarunt. Signorū nomina hæc  
 sunt: Aries αἰῖος, Taurus ταῦρος, Gemini δι-  
 δυμοί, Cancer καρκίνος, Leo λέων, Virgo παρ-  
 βύρος: & hæc Borealia nominantur, quoniā sunt  
 in Boreo hemicyclo Zodiaci: Libra seu Chelæ χη-  
 λαι & λίτρα, Scorpious uel Nepa σκορπίος, Sa-  
 gittarius τοξότης, Capricornus ἀγριοκέρως, Aqua-  
 rius ὕδρoχόος, Pisces ιχθύες: hæc autem postero-  
 ra à situ Austrina nominantur. Eadem Mani-  
 lius his uersibus complectitur:

Aurato princeps Aries in uellere fulgens  
 Respicit admirans aduersum surgere Taurum.  
 Summisso uultu Geminos & uoce uocantem,  
 Quos sequitur Cancer, cancrū Leo, Virgo leonem,  
 Acquato tum Libra die cum tempore noctis

## DE AST. PRIN.

Attrahit ardenti fulgentem Scorpion astro,  
 In cuius caudam contentum dirigit arcum,  
 Mixtus equo uolucrum missurus iamq; sagittam.  
 Tum uenit angusto Capricornus sydere flexus.  
 Post hunc inflexam diffundit Aquarius urnam,  
 Piscibus assuetas auide subeuntibus undas,  
 Quos Aries tangit claudentes ultima signa.

Initium si-  
 gnorum.

Initium signorū & totius dimensionis in Zo-  
 diaco fit ab intersectione uerna Zodiaci et aqua-  
 toris, & signo Arietis. Aratus quidem à Cancro  
 signa numerare incipit: sed altera ratio usitatio-  
 est, & hanc confirmat ab omnibus ferè recepta  
 sententia, initio Veris Soli existente in Ariete  
 mundum esse conditum, ut merito ab Ariete or-  
 diamur, à quo Sol circulum describere exorsus  
 est. Præterea facilius discerni & cælitus obser-  
 uari possunt æquinoctia quàm Solstitia, & inter  
 æquinoctia id potius est quod Solem ad nos redu-  
 cit et lucem auget, quàm id in quo contraria eue-  
 niunt. Initium ergo signorū est Arietis signum,  
 seu cardo æquinoctij uerni: sequuntur deinceps  
 cætera, quæ omnia quatuor quasi cardinibus di-  
 stinguuntur. Primus est æquinoctij uerni initio  
 Arietis. Secundus Solstitij, prima Cancri parte.  
 Tertius autumnalis æquinoctij, principio Li-  
 bræ. Quartus & ultimus Brumæ, in Capricorni  
 initio. Quatuor hi cardines Zodiaci, initia sunt  
 quatuor

Quatuor  
 cardines.

quatuor anni temporū. Initio Arietis & sectione uerna, Sol Ver nobis affert. Cum uero proxime ad Septentriones accedens ad Solstitiū peruenerit, Aestas nobis est, & maxima dierum, minima noctium spatia. Libræ initio Autumnus incipit, & Brumale punctum Hyemem, cum scilicet ad Meridiem longissime à nobis Sol recedit: tum etiam minimi dies, noctes uero longissimæ sunt.

Distribuitur Zodiacus nō solum in signa, sed Aspectus signorum. ut omnis as, in semisses, quadrantes, trientes, sextantes, & iuxta huiusmodi distantias cum signa inter se conferuntur, tum etiā οὐχὺματισμοὶ Planetarum cum ad Lunam aut Solem, tum etiam inter se considerātur. Velut Luna singulis mensibus primū Soli coniungitur, & οὐνόδος ac οὐζυγία hæc configuratio nominatur, & ρομυρία. Deinde ab eo recedens, si sextante seu duobus signis distat, sextilis seu ἑξάγωνος dicitur aspectus, hexagoni enim latere distat, ac Luna ipsa μνοείδης nominatur: cum uero quadrante seu tribus signis distat, quadratus Τετραγωνος aspectus nominatur, Luna aut διχότομος: cum triente, signis scilicet quatuor, triangulus, seu Τρίγωνος est aspectus, Luna autε ἀμφικύρτος: cum semisse distat, opponitur & πανσελινος. Afferuntur Astrologica signorum diuisiones. etiam multe signorū cælestium differentia: nam

## DE AST. PRIN.

et iuxta qualitatū & elementorum naturam diuiduntur, & à situ alia cardinalia, alia fixa seu solida, alia communia & bicorporea dicuntur, alia item masculina aut fœminea nominantur, alia diurna aut nocturna, multaq; alie distributiones ab Astrologis afferuntur, quas nos omittimus, cum ad iudiciariam artem non autem ad motus & Τῶν φαινομένων considerationem pertineant. Qui Zodiacū comitantur circuli, equidistantes quidem latitudinum circuli, qui autem per polos ducuntur, longitudinum circuli nominantur. In cœlo Zodiacum imaginatione describimus, si uel noctu obseruamus stellas Zodiaci, uel cognitis cardinibus æquinoctiorum, & conuersionum Solis, per eos circulum describimus. In sphaera armillari nomen additum & signorū inscriptio signiferum ostendunt.

Circuli comites Zodiaci.

Methodus cognoscendi in cœlo Zodiacū.

## DE DIMENSIONE COELI

per Aequatorem.

**D**uo mobiles circuli, etsi unà cū sphaera circumuoluntur, atq; diuersa ratione in terris conspiciuntur, habēt tamen eundē perpetuò in cœlo sitū, ideoq; omnes syderū dimensiones ad hos referuntur, & hi cælum in suas partes distinguunt ac in longum latumq; dimetiuntur. Primum igitur  
latum.

latitudinē totius sphaerae aequator diuidit in duas partes, Septentrionalem & Austrinā: quaecunq; uero caeli partes ab Aequatore recedunt, declinare dicuntur. Est autē Declinatio distantia ab aequatore uersus alterutrum polorum. Quaecunq; igitur stella aut partes caeli in ipso aequatore sunt, nullam habent declinationē: ceterae uero omnes, aliae plus, aliae minus declinant. Declinationū alia est Septentrionalis, cum ab aequatore uersus polum nobis apparentē sydera distant: alia uero Austrina, cum uersus alterum polum declinant. Numerantur declinationes in circulo magno, qui ducitur per polos mundi & stellā declinantem: arcus enim huius circuli ab aequatore & stella interceptus, est mensura distantiæ seu declinationis. Adducatur enim in sphaera prima Leonis pars ad meridianum circulum, qui per polos mundi transir, arcus interceptus inter Aequatorem & primam partem Leonis, est declinatio primae partis Leonis, partes scilicet 20. & paulo plus sextante unius partis. Huiusmodi distantia seu declinationes obseruari possunt in omnibus syderibus & partibus caeli, sed tamen praecipue singularum Zodiaci partium declinationes obseruantur: ab ipsius namq; obliquitate dependent ascensionū supputationes, diuersitates die-

Quid sit  
declinatio.

Declinatio  
num diui-  
sio.

Quomodo  
numerentur declina-  
tiones.



# DE AST. PRIN.

Maxima  
declinatio  
Zodiaci.

rum, & multorum apparentium rationes. Ad  
cognoscendas uero declinationes singularū par-  
tium signiferi, primum maxima obliquitas seu  
declinatio est cognoscenda. Veteres existimarūt  
eandem perpetuo esse obliquitatem Zodiaci, sed  
postea diligenti obseruatione artifices deprehen-  
derunt eam mutari, & cum maxime recessit Zo-  
diacus ab aequatore, tum ipsum declinare 23. par-  
tibus & 52. scrupulis, hanc deinde maximam di-  
stantiā minui, sic ut in illis punctis, in quibus ma-  
xime distat, non amplius declinet 23. partibus &  
28. scrupulis: harum duarum declinationū dif-  
ferentia est 24. scrupulorū. Deprehenduntur au-  
tem maxima declinationes Solis, instrumētis ad  
hoc paratis: de quibus nunc non agemus: huius-  
modi enim obseruationes sunt summorum artifi-  
cum, non eorū qui in principijs artis cognoscendis  
uersantur. Cognita maxima declinatione Zo-  
diaci, tabula componitur declinationum singula-  
rum partium Zodiaci (κατόνοιοι τῆς ὁδοῦ, )  
qualem nos quoq; hic subieciimus à Peurbachio,  
Copernico & alijs, qui Signiferi maximam de-  
clinationem nostra ætate statuunt 23. partium,  
& 28. scrupulorū. Componuntur huiusmodi Ca-  
nones declinationū ad quadrantes Zodiaci: par-  
tes enim Signiferi inter se oppositæ, & quæ æque  
distant

distant ab intersectionibus Zodiaci, eandē habēt  
declinationem, ut Aries, Libra, Pisces et Virgo.  
Quantum primæ partes Arietis & Libræ ab in-  
tersectionibus dictis distant, tantū postremæ par-  
tes Piscium & Virginis. In Instrumento autem  
sphærico declinationes non facile supputari pos-  
sunt, nisi ita magnum sit, ut partium quoq; scru-  
pula notari possint, quod difficulter fieri potest.

Ratio tamen inquirendi declinationes in or-  
gano sphærico ex ea quam ante ostendi-  
mus numeratione declinationum  
facile cognosci potest.

Sequitur Tabula declinationum  
partium Signiferi.

DE AST. PRIN.  
CANON DECLINATIO  
*num partium Signiferi.*

Partes Signor.	♈		♉		♊		♋		
	P.	Scr.	P.	Scr.	P.	Scr.	P.	Scr.	
0	00	00	11	29	20	10	30		
1	0	24	11	50	20	23	29		
2	0	48	12	11	20	25	28		
3	1	12	12	32	20	47	27		
4	2	36	12	52	20	58	26		
5	2	00	13	12	21	9	25		
6	2	23	13	32	21	29	24		
7	2	47	13	52	21	30	23		
8	3	11	14	12	21	40	22		
9	3	35	14	31	21	49	21		
10	3	58	14	50	21	58	20		
11	4	22	15	9	22	7	19		
12	4	45	15	27	22	15	18		
13	5	9	15	46	22	23	17		
14	5	32	16	4	22	30	16		
15	5	55	16	22	22	37	15		
16	6	19	16	39	22	44	14		
17	6	41	16	56	22	50	13		
18	7	4	17	13	22	55	12		
19	7	27	17	30	23	1	11		
20	7	49	17	46	23	5	10		
21	8	12	18	1	23	10	9		
22	8	34	18	17	23	13	8		
23	8	57	18	32	23	17	7		
24	9	19	18	47	23	20	6		
25	9	41	19	2	23	22	5		
26	10	3	19	16	23	24	4		
27	10	25	19	30	23	26	3		
28	10	46	19	44	23	27	2		
29	11	8	19	57	23	28	1		
30	11	29	20	10	23	28	0		
	P.	Scr.	P.	Scr.	P.	Scr.			
	♌	♍	♎	♏	♐	♑			Partes Signor.

Declinationes singularum partium in canone  
 queruntur hac ratione. Queratur primū signū:  
 id si à summo adscriptum est, queratur pars signi  
 in latere sinistro: si autem in ima pagina signi no-  
 men fuerit, in latere dextro pars eius querenda  
 est, cum in eadem linea apparebit declinatio sub  
 eodem signo notata. Queratur enim declinatio  
 20. partis Libræ, nomen Libræ in summa pagina  
 adscriptum est, in latere sinistro quare partes 20.  
 & in eo uersu sub Libræ signo inuenio partes 7.  
 scrup. 49. declinationē 20. partis Libræ. Qua-  
 ratur denuo declinatio 11. partis Piscium, nomen  
 signi in ima tabula est scriptū, partes uero in de-  
 xtro latere quero, & in eadem linea sub Piscii  
 signo inuenio 7. partes 27. scrupula declinatio-  
 nem quaesitam. Altera dimensio quæ in æqua-  
 tore fit secundum longum, priori quidem loco po-  
 ni debebat, prior enim latitudine est longitudi-  
 nis ratio, uerum quoniam alio nomine in usu est  
 ac alia ratione consideratur, ideo posteriori loco  
 ipsam posui. Initium huius dimensionis est inter-  
 sectio uerna Aequatoris & Zodiaci: omnes au-  
 tem cæli partes quæ non sunt sitæ in semicirculo  
 qui per mundi polos & dictam intersectionem du-  
 citur, suam habent longitudinem in æquatore.  
 Longitudines autem huiusmodi designantur cir-

Vfus cano-  
 nis declina-  
 tionum.

Longitudo  
 in Aequa-  
 tore.

Initium lon-  
 gitudinis

Longitudi-  
 num desig-  
 gnatio.

## DE AST. PRIN.

Ascensio-  
nes rectæ.

culis magnis, qui ducuntur per polos mundi & stellam uel partem cæli cuius longitudo quaritur. Hi circuli idem sunt cum finientibus circulis sphaera rectæ, & ideo etiam huiusmodi longitudines Rectæ ascensiones nominantur, & hoc nomine & consideratione in usu sunt, ac deinceps in explicatione Ascensionum de illis tractabitur. In terræ dimensione longitudines in Aequatore numerantur, & earum magnus est usus, sed harum longitudinū consideratio ad Geographiam pertinet.

## DE DIMENSIONE COELI PER SIGNIFERVM.

Longitudi-  
nis initium.

Longitu-  
dinum de-  
signatio.

Motus pla-  
netæ.

**A**ltera dimensio cæli in longum & latum fit per Signiferum, & distantia ad hunc relata simpliciter longitudines & latitudines nominantur. Longitudinis idem initium est in Signifero & in aequatore punctum uernæ sectionis, & numeratur  $\epsilon\iota\varsigma\ \tau\alpha\ \epsilon\omega\acute{o}\mu\epsilon\nu\alpha$ , hoc est secundum ordinem & successionem signorum. Designatur in Signifero per semicirculum qui per Signiferi polos & stellæ centrum ducitur, & circumferentia Signiferi à puncto uernæ sectionis secundum ordinem signorū ad intersectionem huius semicirculi, est stellæ longitudo. In stellis tamen erran-

ribus

ribus huiusmodi longitudo uerus motus erroris  
 nominatur, propterea quod erronei perpetuo in  
 Signifero secundum signorum successionem mo-  
 uentur. In stellis autem fixis quamuis etiam ipse  
 eis  $\tau\alpha\epsilon\omega\acute{o}\mu\eta\tau\alpha$  mouentur, tamen eorum distan-  
 tia ab initio signiferi longitudo simpliciter no-  
 minatur: motus enim fixarum est tardissimus,  
 & semel obseruatae longitudines eadem ferè ma-  
 nent, quod si per annos complures motu proprio  
 longius progrediuntur, tum id singularum longi-  
 tudinibus additur, & sic denuo uerae longitudi-  
 nes habentur. Præterea punctum in quo semi-  
 circulus longitudines designans Zodiacum secat,

Locus stel-  
 læ in Sig-  
 nifero.

est uerus locus stellæ in signifero. Hac autem ra-  
 tione omnes stellæ; in quacumq; tandem parte cæli  
 sitæ sint, ad signiferum referuntur. Si tamen ali-  
 quæ stellæ sitæ essent in polis signiferi, ad nullam  
 partem uerè referri possent, earum enim semicir-  
 culi per omnes signiferi partes pari ratione pos-  
 sent describi, itaq; huiusmodi stellæ polares uel po-  
 li signiferi nominari deberent. Latitudo est di-  
 stantia cuiusuis stellæ à medio signiferi. Erronei  
 omnes, Sole excepto, à medio signifero digrediun-  
 tur, & propter horum euagationem, signifero (ut  
 ante diximus) latitudo sex partium à ueteribus  
 datur: uerum non errorum solum, sed omnium stel-

Latitudo  
 stellæ quid  
 sit.

# DE AST. PRIN.

Latitudi-  
num nume-  
ratio.

Latitudi-  
num diui-  
sio.

Quæ stellæ  
latitudinē  
habeant  
aut non.

Latitudi-  
num & de-  
clinationū  
collatio.

larum latitudinis ratio habetur. Numeran-  
tur autē tam fixarum quàm errantium latitu-  
dines in semicirculo designante longitudines, &  
pars huius quæ circulo per medium signorum &  
centro stellæ comprehenditur est latitudo stellæ.  
Latitudinum alia est Borea seu Septentriona-  
lis, cum uersus polum apparentem stellæ à Signi-  
fero distat: alia Austrina, cū in altero hemisphae-  
rio stellæ sita est. Omnes uero stellæ quæ non fixæ  
sunt in circulo qui per media signa describitur, ali-  
quæ habent latitudinē: quæ Signifero uicina sunt  
exiguam, quæ ad polos eius maximā. Fixæ ean-  
dem semper habent latitudinem. Inter erroneas  
autem Sol nullam habet latitudinē, reliqui uero  
sex aliquando per media signa incedunt & nullam  
habent latitudinem, aliquando ad Septentrionem,  
aliquando etiam ad Austrum à medio Signifero  
discedunt, & diuersas latitudines habent.  
Quoniam uero latitudines & declinationes  
diuersi circuli metiuntur, perpetuo ferè sunt in-  
quales, & stellæ in parte Borea quarum longitu-  
do non excedit sex signa, & in Austrina quarum  
longitudo maior est sex signis, habent declinatio-  
nem maiorem longitudine, stellæ uero in parte Bo-  
reali, quarum longitudo maior est sex signis, & in  
Austrina quarum longitudo minor est sex signis,  
si non



si non inter Zodiacum & Aequatorem sita sunt, habent latitudinem declinatione maiorem. Reliquae stellae sitae intra aequatorem & signiferum, aliae declinationem, aliae uero latitudinem habent maiorem. Sunt etiam aliqua stellae quae latitudinem Austrinam, declinationem uero Borealem habent: & rursus aliqua habent declinationem Austrinam, latitudinem autem Borealem. Praeterea quaedam stellae nullam latitudinem habent, sed aliquam declinationem, quae scilicet sunt in circulo qui per medium signorum describitur: quaedam uero habent latitudinem, sed declinatione carent, nempe quae in Aequatore sitae sunt. Om-

Expositio  
latitudinis  
& declina-  
tionum in  
sphaera ar-  
millari.

nibus autem haec uicissitudo latitudinum & declinationum oculis subijci potest in sphaera armillari, si armilla longitudinum suis polis adducatur sub polos Signiferi, & pars aliqua huius armillae adducatur sub meridianum: nam partes armillae à media diametro uersus utrumque eius polum numeri sunt latitudinum: & partes Meridiani deferentis polos à medio uersus polos, numeri sunt declinationum. In solida autem sphaera adducatur polus Zodiaci sub uerticem, tum declinationes in meridiano, latitudines in quadrante altitudinum numerari possunt. Denique ut par-

Alia horum  
expositio  
in sphaera  
solida.

Longitudi-  
num & re-  
ctarum ascen-  
sionum ex  
positio.

## DE AST. PRIN.

Inscriptio  
stellarum in  
globum so-  
lidum.

drantis in globo solido latitudines, & partes me-  
ridiani declinationes ostendunt: sic ipsa armilla  
solida, & quadrans altitudinum sunt longitudi-  
num circuli, & eas ostendunt, meridianus uero  
circulus est rectorum ascensionum. Per latitu-  
dines & longitudes, inscribuntur stellæ in glo-  
bos qui cæli formā nobis representant & in reli-  
qua astronomica organa. Infiguntur globo poli  
ex diametro oppositi, & his adiungitur circulus  
diuisus in partes 360. qui circa globum possit con-  
uertere, huic in media diametro affigitur acicula  
& circa globum conuertitur, ac punctum acicula  
describit circulum medium inter polos, qui est lo-  
cus circuli per medium signorum, hic quoq; circu-  
lus in partes 360. est diuidendus. His sic descri-  
ptis, stellæ imponuntur hoc modo. Numeratur  
in circulo per media signa longitudo stellæ, & ad  
hanc adducitur mobilis circulus, & in illo uersus  
alterutrum polum latitudo numeratur, & illic  
punctum fit: & hic est locus stellæ, quippe in quo  
longitudo & latitudo conueniunt. Omnibus stel-  
lis impositis, si globus usui esse debet, suspenden-  
dus est in meridiano circulo in polis mundi, addi-  
to horizonte: reuoluta autem sphaera sub meri-  
diano æquator & circuli æquidistantes illi facile  
globi inscribi possunt. Qui tamen globum consi-

cere uoluerit ad plura secula, hic stellarũ longitu-  
dines non ab initio Zodiaci, sed ab aliqua fixarũ  
numerare debet, uel à prima Arietis ut Coper-  
nicus, uel à Syrio ut Ptolemaeus docet. Longitu-  
dines enim ab uerna sectionis puncto numeratæ,  
motu stellarum eis τὰ ἐπόμενα mutantur.

DE HORIZONTE ET  
MERIDIANO.

**D**imensiões cæli, quas iã exposuimus, ubiq;  
terrarũ æquales sunt, neq; alicuius stelle uel lon-  
gitudò uel declinatio aut latitudo alia est illis  
qui ad Austrum habitant, quàm nobis qui Sep-  
tentrionem incolimus: circuli enim ad quos di-  
mensiões hæ referuntur, eandem semper in cælo  
positionem habent: qui uero deinceps exponen-  
tur circuli, in mundi conuersione immoti manēt,  
& per ipsos uariæ habitudines syderũ in quauis  
regione deprehenduntur, sed situ & habitatione  
mutata ipsi quoq; mutantur: præcipuus & quasi  
dux horũ est Horizõn, huic cum alij circuli con-  
iuncti sunt, tum præcipue Meridianus, qui prop-  
ter singularem usum inter circulos consequentes  
Horizontem eminet. Horizõn uero est magnus Horizon  
quid sit.  
in mũdo circulus, descriptus ex puncto cæli quod  
uertici nostro ad perpendicularum imminet, qui

# DE AST. PRIN.

Horizon-  
tis nomina.

Horizon-  
tis diuifio.

Horizon  
sensilis.

Horizon  
rationalis.

Planus Ho-  
rizon-  
tis.

Polus Ho-  
rizon-  
tis.

mundi partem apparentem ab ea qua non con-  
spicitur dirimit. Græci hunc circulum nominant  
ὄριζοντα, ἀπὸ τοῦ ὀρίζεσθαι, quod uisum finit et ter-  
minat : Latini finitorem & finientē. Horizon-  
tes duos facit Proclus: unum qui sit, αὐδὸς τὸς σεν-  
σιλῖς: alterum λόγῳ θεωρητὸν rationalem. Sensilis  
Horizon, est terræ spatium rotundo definitum  
ambitu, quod in plano & patenti campo, ubi nul-  
la ædificia aut colles uisum impediūt, prospectus  
oculi naturaliter affecti assequitur & completi-  
tur. Diametrum huius Macrobius inquit esse  
stadiorū 360. Proclus uero 2000. qui tamen lo-  
cus mendoſus uidetur. Rationalis Horizon sine  
artificiali, est superficies plana, circularis, tran-  
ſiens per mediū totius uniuerſi, & excurrens ad  
extremam sphaeram stellarum inerrantiū. Eſt  
autem nō ſemper per centrū Horizon-  
tis tranſire imaginamur, ſed ſuperficie-  
i terræ incumbere: ta-  
men nihilominus cælum in aquas partes diſtin-  
guir, quandoquidem nulla terræ eſt ad cælū com-  
paratio. Exa-  
cta tamen & Geometrica ratio-  
nalis circulus Horizon-  
ti æquidiſtans eſt, pro Ho-  
rizonte autem abſq̃ ullo errore uſurpari poteſt.  
Eodem modo omnis planities ad libellam ſeu æ-  
quilibrium ſtrata, Horizon-  
ti æquidiſtat, & pla-  
num Horizon-  
tis nominatur. Polus Horizon-

tis rationalis, est punctum uerticale, quod in cælo  
 nostro capiti per καὶ τὸν, id est ad perpendicu-  
 lum supraponitur: Græci τὸ κατὰ κορυφὴν σκα-  
 μῶν, Arabes zenith nominant. Meridianus Meridiani  
definitio.  
 est magnus circulus descriptus per polos mundi  
 & Horizontis. Græce μεσημβρινὸς καὶ κύκλος Meridiani  
nomina.  
 ὁ διὰ τῶν πολῶν τῷ ὀρίζοντι nominatur: nos  
 Meridianum & medij diei circulum nomina-  
 mus, quoniam cum Sol ad hunc circulum ascen-  
 dit, meridies est: & Sol ac stellæ cum Meridia-  
 num attingunt, pari spatio ab ortu & occasu di-  
 stant, siue hoc supra siue infra Horizontem fiat.  
 Diuidit hic circulus Horizontē in partes duas: Orientis &  
occidentis  
cardines.  
 quarum hæc pars à qua nobis Sol oritur ἐπιθλή, Summus  
& imum  
cælum.  
 & ὀρίζων πρὸς ἀνατολὰς, Latine Cardo orientis:  
 altera uero in qua Sol occidit, δ' ὕψις, & ὀρίζων  
 πρὸς δυσμαίς, Cardo occidentis appellatur. Vi-  
 ciſſim etiā Meridianus ab Horizonte bifariam  
 secatur, & semicirculus qui in superiori hemi-  
 sphærio consistit, μεσουρανια & μεσουρανύμα, cul-  
 men, fastigium & medium cæli appellatur: alter  
 in hemisphærio non apparente, ὑπογεῶν Græcis,  
 & imum cæli à Latinis nuncupatur. Descri- Verticalis  
circulus.  
 bitur etiam circulus per polos Horizontis ad re-  
 ctos angulos meridiano, hic per polos meridiani  
 transit, & Verticalis appellatur, ac Horizontis

## DE AST. PRIN.

Cardines  
mundi.

Methodus  
inueniendi  
lineam me-  
ridianam.

II. Metho-  
dus inue-  
niendi li-  
neam meri-  
dianam.

orientalem & occidentalem semicirculū equali-  
ter secat, atq; cardines ueri orientis & occidentis  
indicat. Trium horū circulorū axes sex mundi  
cardinū puncta indicāt, & Verticalis quidē atq;  
Meridiani sese ad rectos angulos secant, Hori-  
zontis uero horū sectioni ad perpendicularū erigi-  
tur, & summū atq; imum cæli indicat, Vertica-  
lis orientis & occidentis locum, Meridiani axis  
septentrionem & meridiem. Cognoscuntur ue-  
ro & in quouis plano describuntur cognita li-  
nea meridiana, cuius inquirenda uariae sunt me-  
thodi. Facillime inuenitur horologio uulgari  
quod Compassum nominant, lingua enim Mag-  
nete tincta uersus polum se conuertit & lineam  
Meridianam indicat. Est enim hæc admiranda  
magnetis natura, quod ubiq; ad Septentrionem  
se conuertit, & quoniam magna est ei cum fer-  
ro cognatio & amicitia, hanc suam uim illi con-  
tactu communicat, ut ipsum quoque similem si-  
tum appetat. Quanta uero huius sit utilitas non  
solum in Astronomia, sed etiā in re nautica ma-  
nifestum est. Est etiam alia ratio inuestiganda  
linea meridiana. Obseruetur meridies, & perpen-  
dicali cuiusuis umbra in ipso meridie lineam me-  
ridianam indicabit. Hanc rationem Plinius se-  
cutus est, in cardinibus designandis: iubet enim



numquenaq; hora sexta, ea autem meridies est die in duodecim horas distributo, umbram suam obseruare, ea enim lineam meridianā, quam cardinis uocat, indicat, & est umbra totius diei breuissima. Quod si meridiei tempus ignoratur, ut III. Methodus. plerunq; uulgaria horologia fallunt, obseruetur umbra decrescens, ea cum breuissima fuerit meridiem pariter & lineam meridianam indicabit. Est & hac ratio inueniendi cardines usitata quā Vitruuius tradit. Collocetur tabula aliqua ad III. Methodum. libellā, aut locus ad regulā et libellā expoliatur, supra eius loci centrū medium collocetur aeneus gnomon, stilus aut uericulū aeneū ad indagandā umbram, unde et *σκαβήρας* Grace dicitur, huius antemeridianā circiter horā 11. ueteribus quintam, sumenda est extrema gnomonis umbra, & puncto signanda (ante enim umbra prolixior est quā ut circulo contineri satis commode possit), deinde circino diducto ad punctum quod est gnomonis umbræ longitudinis signum, ex eo à centro circumagenda lineā rotundationis. Itemq; obseruanda postmeridiana istius gnomonis crescens umbra, & cum tetigerit circinationis lineā & fecerit parem antemeridianæ umbræ postmeridianam, signanda puncto. Ex his duobus signis circino decussatim describendū in speciem X Græ



# DE AST. PRIN.

Linea or-  
tus & occa-  
sus.

Ventorum  
observatio.

ca litera, siue eius nota qua nos denarium nume-  
rum signamus, & per decussationē & centrū li-  
nea in medio umbrarum ducenda: cuius pars in  
quam umbra cecidit, Septentrionē, altera Meri-  
diem indicat. Inuenta linea meridiana ducatur  
deinde alia per centrum quæ priorem ad rectos  
angulos secet, illa si faciem ad Septentrionē con-  
uertas, Ortum à dextra, Occasum à sinistra de-  
monstrabit, hanc Plinius decumanam nominat.  
Et cardinis quidem linea Verticalis, decumana  
uero Meridiani axem repræsentat: si his alia ad  
perpendicularum insistant, ea eris axis Horizontis  
& summi ac imi cæli index. Huiusmodi designa-  
tio cardinum magnum habet usum in omni obser-  
uatione syderum. Deseruit etiam ventorum ob-  
seruationi: diuiso enim circulo per lineam cardi-  
nis & decumanam in quadrantes, singuli denuo  
in tres partes diuidantur, & his ascribantur no-  
mina ventorum, à Septentrione uentus Septen-  
trio uel ἀπὸ ἀνατολῆς, huic ad ortum proximus A-  
quilo βορέας, inde Cæcias, ad ortum Subsolanus  
ἀπὸ μεσημβρίας, post hunc Vulturinus εὐρος, & inde  
Phœnix, ad meridiem Auster νότος, post Libo-  
notus, Africus ἀφ’ ἡλίου, ad occasum Fauonius ἐπὶ  
εὐρος, Corus ἀπὸ ὑγρότης, θεατρικῆς. Vel iuxta nau-  
tarum morem in partes 8. quibus quadrans par-  
tiatur,

tiatur, & partibus singulis 32. numero uulgaria uentorū nomina inscribantur. Flante uento, gnomoni, quo ad umbras indagandas usi sumus, filum apponatur, aut aliquid quod facile mouetur, id motū à uento incidit in uenti nomen in plano, cui ex diametro oppositū accipias uentum. *Ac-* <sup>Habitudo-  
nes cœli.</sup> *ciunt etiam cardinum loca nomen ab habitu-*  
*dine seu dispositione, & alij dextri, alij sinistri di-*  
*cuntur. Aristoteles orienti dextrum assignat*  
*(quia illic principium motus, unde cælum uolui*  
*in circuitū incipit,) sinistrum uero occidenti, su-*  
*perum polo latenti, inferum polo conspicuo. Geo-*  
*graphi quoq; orienti dextrum, & occidenti sini-*  
*strum assignant. Plinius uero læua mundi parte*  
*inquit ortum esse, quem astronomorum pleriq; se-*  
*quantur. Empedocles dextras mundi partes sol-*  
*sticiales, sinistras brumales dicit. Cleomedes an-*  
*teriolem mundi partem inquit esse occasum, po-*  
*steriorem ortum, meridiem læuam, septentrio-*  
*nem dextram, imum & medium eandem habere*  
*positionē: nam cælum est, ut Poeta inquit, undiq;*  
*sursum, Poeta quoq; polos in dextra & sinistra*  
*parte statuunt, nam & zonas dextra & sinistra*  
*parte cælum secare aiunt, & apud Lucanū Ara-*  
*bes mirantur se nō amplius umbras sinistras hoc*  
*est meridionales habere. Huius diuersitatis cau*

## DE AST. PRIN.

sa est, quod alij uim & facultatem mouendi considerant ut Aristoteles, alij uel similitudine, uel comparatione & respectu quodam partium corporis nostri has positiones mundo accommodarunt. Vt enim animal natura ad anteriora mouetur, sic etiam Cleomedes occasum ad quem cælum mouetur, anteriorem mûdi partē similitudine quadam statuit, quo posito Meridies læuum, Septentrio dextrum locum obtinebit. Astronomi uero, Geographi, & Poeta, respectu partium sui corporis has positiones in mundo nominarunt. Scatur enim Astronomus facie ad meridiē conuersa, Geographus uero polū intueatur, tū huic oriens dexter, occasus sinister erit, alteri uero eadē loca contrariam positionem habebunt. Poeta faciem ad occasum conuertatur, tū Septentrio à dextra, à læua erit Meridies.

## DE MUTATIONE ET DIVERSITATE HORIZONTVM.

**H**Orizon quocunq; modo mutata habitatione & situ ipse quoq; mutatur. Atq; ut Proclus inquit, κατὰ τὴν πρὸς τὸν λόγον ἀκρίβειαν, ἅμα τῷ σημειᾶν πᾶρόν γίνεσθαι καὶ ὅπου νοῦν μέρος τοῦ κόσμου, μεταπίπτει καὶ ὁρίζων, καὶ τὸ ἔγκλημα, καὶ πάντα τὰ φαινόμενα διαφέρει.

Verum

Verum tamen huiusmodi minimarum mutationum non habetur ratio, alioqui in eadem urbe, iuxta hanc *ἔξω πείρας*, singulae domus, singulos Horizontes haberent, imò singulae domorum partes, & qui ab una in alteram adium partem iret, mutaret Horizontem. Mutationum ratio habetur, quatenus aliquod discrimen affert in ijs quae unicuique climati propria sunt, dierum & umbrarum ratio, ortus & occasus siderum, poli & totius etiam caeli positio. Fiunt aut huiusmodi mutationes aliquando sub eodem parallelo, atque in Horizonte mutato, simul quoque Meridianus mutatur, et pars Aequatoris quae inter duos Meridianos intercipitur, differentia longitudinis nominatur à Geographis. Quemadmodum enim stellarum longitudo numeratur in Zodiaco ab Arietis initio, sic locorum longitudo numeratur in Aequatore ab extremo occidentis nostri orbis, & pars Aequatoris inter Meridianum extremi occidentis & alterius loci comprehensa, longitudo loci nominatur, pars uero Aequatoris duobus quibuscunque Meridianis intercepta, appellatur differentia longitudinis. Quorum igitur Horizontes sub eodem parallelo sola longitudine differunt, hi easdem dierum magnitudines habent: illis tamen qui ad orientem habitant, Sol prius

I. Horizon  
tum muta-  
tio.

Longitudo  
loci quid  
sit.

# DE AST. PRIN.

II. Mutatio  
Horizon-  
tis.

Latitudo  
quid.

III. Mutatio  
Horizon-  
tis.

Horizon  
rectus.

oritur & occidit quàm occidentalioribus. Aliquando etiã Horizon mutatur eodem manente Meridiano, huiusmodi autẽ in terra nominantur differunt. Latitudinem autẽ in terra nominant Geographi distantiam ab Aequatore, quæ in stellis declinatio nominatur. Postremo Horizontes mutantur simul secundum longitudinem & latitudinem, cum duo loca sub diuersis parallelis & Meridianis posita sunt: atq; tum necesse est Meridianum quoq; mutari. Omnis uero Horizontum diuersitas ad duo summa genera refertur: alij enim sunt recti, alij obliqui: & propterea sphaera sita, alius rectus, alius obliquus nominatur. Mundus quidem eundem semper habet situm, neq; uel axis uel circuli, aut reliquæ partes cœli suam positionem mutant, sed à nobis in terra loco mutato diuersa ratione conspiciuntur, & ad alium terræ situm directe ad aliũ oblique posita uidentur. Recta sphaera, ὀρθὴ σφαῖρα, seu Horizon rectus est, quãdo uterq; mundi polus plano Horizontis incumbit, & Aequator cum omnibus æquidistantibus circulis ab Horizonte ad rectos angulos secatur. Huiusmodi Horizon refert Meridianum circulum, quandoquidem etiã ipse per mundi polos describitur, & eodem modo quo Meridianus circulos sphaera secat: itaq; mul

ta in illo & Meridiano pari ratione considerantur. Horizontes rectæ sphaeræ mutantur solum secundum longitudinem, si uero in latitudinem mutantur, obliqua fit positio sphaeræ. Obliqua <sup>Horizon obliquus.</sup> sphaera, ἐγκλινὴν σφαῖρα, siue obliquus Horizon est, quando alter mundi polus supra Horizontem eleuatur, alter uero deprimitur, atq; Aequator cum æquidistantibus circulis facit inæquales angulos cum Horizonte. Horizontes obliqui secundum longitudinē & latitudinē uaria ratione & innumeris modis mutantur, & inter obliquos Horizontes quanto maior est loci latitudo, tanto maior quoque est sphaeræ obliquitas, omnium autem maxima ubi polus mundi Horizonti ad perpendicularum insistit.

## DE ALTITVDINE

## POLI.

**I**N obliquo mundi situ alter polorum (ut ante docuimus) semper supra Horizontem eleuatur, alter deprimitur, & ut Poeta inquit,

Hic uertex nobis semper sublimis : at illum

Sub pedibus Styx atra uidet, manesq; profundi.

Poli huius apparentis distantia ab Horizonte <sup>Altitudo poli.</sup> altitudo poli nominatur, Græci ἐξοχὴ uocant.

Hæc semper æqualis est latitudini loci, quam

## DE AST. PRIN.

Altitudinē  
poli esse æ-  
qualem lati-  
tudini loci.

Methodus  
inueniendi  
altitudinē  
poli.

Græci ἕψλιμα τῆς οἰκίσσεως nominant, differunt autem solo situ. Nam exaltatio poli, est arcus Meridiani ab Horizonte ad polum eleuatum, Latitudo uero loci est arcus eiusdem Meridiani inter Aequatorem & uerticem: hi arcus etsi situ differunt, magnitudine tamen conueniunt, quod hoc modo ostenditur. Accipiātur duo Meridiani quadrantes, alter inter polum & Aequatorem, alter à uertice ad Horizontem: hi quoniā utraq; eiusdē magni circuli quadrans est, inter se aequales erunt. Hoc autem dato, si ab utrisq; subducatur communis arcus, qui est inter uerticem & polum mundi, residua aequalia erunt, nempe arcus inter aequatorem & uerticem, qui latitudo loci nominatur, & arcus à Polo ad Horizontem, qui eleuatio poli appellatur. Inquiritur exaltatio poli multis & uarijs rationibus; nos hic unā exponemus quæ uidetur simplicissima: alias uero alijs in locis. Accipiatur Solis altitudo in Meridiano circulo quocūq; die: hæc aut accipi potest uel quadrante aliquo: uel sphaera armillari aut solida, si Meridianus deferens uertices constituatur in linea cardinis, et gnomon sphaericus meridie ipso sursum ac deorsum moueatur donec umbra apicis in pedē contrahatur & prorsus consumatur, tūc enim pedes seu latera gnomonis indicant altitudinem



tudinē Solis in Meridiano. Cognita altitudine  
 Solis queratur declinatio loci Solis in Zodiaco:  
 & si ea fuerit Borea, ab altitudine Solis aufera-  
 tur: si autem Austrina, addatur, & quod proue-  
 nerit est altitudo seu eleuatio Aequatoris. Si au-  
 tem Sol in puncto æquinotij fuerit, nulla addi-  
 tione aut subtractione opus erit, quandoquidem  
 tum Sol eandem cum Aequatore habet eleuatio-  
 nem, ac declinatione caret. Eleuatio Aequatoris  
 hoc modo inuenta, subtrahatur à quadrante cir-  
 culi siue à nonaginta partib⁹, et relinquetur lati-  
 tudo loci, quæ eiusdē cum eleuatione poli magni-  
 tudinis est. Nam alter quadrantū Meridiani  
 à uertice ad Horizontem duas habet partes, unā  
 à uertice ad Aequatorem, quæ est latitudo loci  
 equalis altitudini poli: alterā ab Aequatore ad  
 Horizontem, quæ est altitudo seu eleuatio Ae-  
 quatoris: una itaq; harum partium à quadrante  
 ablata, necesse est alterā remanere. Inueniatur Calculus ad  
titudinis  
poli.  
 altitudo Solis meridiana pridie calendas Maij  
 60. partium & 30. scrupulorum, locus Solis 19.  
 pars Tauri, huius declinatio partes 17. scrup. 30.  
 hac ablata ab altitudine, quandoquidem Borea  
 est, residua sunt partes 43. eleuatio Aequatoris,  
 hac ablata ex toto quadrante restat eleuatio poli  
 47. partium. Inueniatur altitudo Solis 4. no-

## DE AST. PRIN.

nas Ianuarij partium 21. scrupulorū 20. suis tri-  
entis, locus Solis 22. pars Capricorni, huius decli-  
natio partes 21. scrup. 40. hanc quia Austrina  
est, addo altitudini Solis, fiunt partes 43. quibus  
à quadrante sublati, eadem quæ ante manet ele-  
uatio poli.

## DE LATITVDINE ORTVS.

Verticales  
circuli.

Verticaliū  
us.

**Q**uemadmodum Aequatoris & Zodiaci  
longitudines dimetiuntur circuli per polos illorū  
ducti, sic etiam Horizontem dimetiuntur circuli  
per polos eius ducti, ex quib<sup>9</sup> duos nominauimus,  
Meridianū & Verticalem, qui describitur per  
cardines orientis & occidentis: describuntur uero  
præter hos per omnes Horizontis partes circuli  
qui in polis Horizontis concurrunt, hos omnes  
uerticales nominamus, Arabes Azimuth nomi-  
nant. Verticaliū uicem explet in sphaera Qua-  
drans uerticālis qui uertici affixus per singulas  
Horizontis partes circumducitur. Ostendunt hi  
circuli quibus locis sydera oriuntur & occidunt,  
quantum à Meridiano aut circulo per decuma-  
nam lineā descripto distent. Ortum & Occasum  
nominauimus antè eam partem cæli quam de-  
signat linea decumana ducta ad rectos angulos  
lineæ

linea meridiana: hunc etiam ortum & occasum  
 æquinoctialem nominant, quod *Aequator* & *Sol*  
 quoq; tempore æquinoctij hoc loco oritur & occi-  
 dit. Verum *Sol* ac reliqua *sydera*, etiam alijs lo-  
 cis oriuntur & occidunt, & hoc noctu obseruare  
 possumus, per totum ferè ambitum *Horizontis*  
 stellas aliquas oriri & occidere. Hæc uarietas  
 ortuū uerticalibus circulis distinguitur. *Distancia* uero *syderis orientis* ab ortu æquinoctiali, &  
*arcus Horizontis* inter æquatorē & *sydus* exo-  
 riens, nominatur *amplitudo* uel *latitudo* & *ze-*  
*nith ortus*; in occasu etiā *arcus Horizontis* inter  
 ortum æquinoctialem & locū *syderis occidentis*,  
*amplitudo* uel *latitudo* & *zenith occasus* nomi-  
 natur. *Ptolemæus* tales *Horizontis* partes uo-  
 cat τὰς ἀρχαὺς βαλλόμενας τοῦ ὀρίζοντος περιφέ-  
 ρεας ὑπὸ τοῦ ἰσημερινοῦ καὶ τοῦ λοφοῦ κύκλου.  
*Latitudines ortuum* & *occasus* aliæ sunt *Me-*  
*ridianæ*, cū stella in ea parte *Horizontis* oritur  
 aut occidit, quæ est ab ortu æquatoris ad *Austrū*:  
 aliæ *Septentrionales*, cum ab altera parte stellæ  
 oriuntur & occidunt. Omnes uero stellæ quæ ab  
*Aequatore* uersus polum apparentem declinant,  
*latitudinem ortus* habent *Borealem*: quæ autem  
 uersus alterum polum declināt, *latitudinem or-*  
*tus Austrinam* habent. Quanta autem est lati-

*Latitudo  
ortus.*

*Latitudo  
occasus.*

*Diuisio la-  
titudinum  
ortus.*

## DE AST. PRIN.

Stellas fixas eodem loco oriri.

Planetarum diuersis locis oriri.

tudo ortus alicuius stellæ, tanta etiam est occasus latitudo. Stellæ inerrantes, quas fixas etiam nominamus, et partes Signiferi, in eodem sphaera situ eisdem locis Horizontis semper oriuntur & occidunt, mutato autem sphaera situ, loca ortus & occasus mutantur: & minima latitudo ortus est in sphaera recta, æqualis scilicet declinationi, quando Horizon rectus transit per polos mundi, ut Meridianus, qui declinationum mensura est. In obliqua autem sphaera maior est amplitudo ortus, & quo maior fuerit eleuatio poli, eo etiam latior erit ortus. Sol & stellæ errantes in eodem sphaera situ, quotidie ex alio cæli momento quam pridie oriuntur: & Sol, qui semper incedit per medium signorū, eandem habet latitudinem ortus cum parte signiferi in qua graditur, reliqui uero planeta, quandoq; maiore, quandoq; minorem habent latitudinem ortus parte signiferi in qua gradiuntur, pro ratione suarum latitudinū in zodiaco. Sol qui in zodiaco mouetur, perpetuo oritur & occidit inter duos Tropicos, & maximam latitudinem ortus habet cum est in alterutro Tropicatorum. Intermedijs locis quorū maior est declinatio, eorū maior est latitudo ortus: quæ uero æqualiter declinant, eandem habent ortus latitudinem. Quemadmodū autē declinationes

circa

*tirca æquinoctia subito augentur, ita etiam latitudines ortuum statim crescunt. Atq; hoc etiam docet Euclides in Phænomenis, cū inquit, Signa oriri & occidere in Horizontis inæqualibus segmentis, in maximis quæ ad æquinoctialem, in minoribus quæ hæc sequuntur, in minimis quæ ad tropicos, in æqualibus quæ ab æquinoctiali circulo æquè distent. Non quidem maior est latitudo ortus Arietis quàm Cancrī, sed ad æquinoctialem ortus latitudo ita breui tēpore crescit, ut pars Horizontis per quā totus Aries oritur, quæ scilicet est inter ortū primæ & postremæ partis Arietis, maior sit ea parte in qua oritur Cancer. Hæc autem oculis subijci possunt in sphaera, si ad partem orientalem Horizontis adducatur Aries, & obseruetur quo loco prima & postrema eius pars oriatur: hoc deinde eadē ratione fiat in Cancro, aut alio signo, & partes Horizontis inter se conferantur. Locus orientis Solis cū est in Cancro, nominatur ortus Solstitialis, ἀνατολὴ θερινή: occidentis uero occasus Solstitialis, δύσις θερινή. Locus uero in quo Sol oritur in Capricorno, ortus brumalis, ἀνατολὴ χειμερινή: in quo occidit, occasus brumalis, δύσις χειμερινή, appellatur. Medium inter hæc locum obtinent ortus & occasus æquinoctialis. Consideratione etiā digna*

Ortus &  
 occasus  
 æstiuus &  
 brumales.

## DE AST. PRIN.

Vmbra  
orientis &  
occidentis  
Solis.

Ratio ob-  
seruandi la-  
titudines  
ortus.

Altitudo  
poli quo-  
modo ex la-  
titudine or-  
tus inuenia-  
tur.

sunt umbrae quas Sol facit in his locis oriens & occidens. In æquinoctialibus punctis umbrae Solis orientis & occidentis cadunt perpetuo in vrbem secundum rectas lineas. Solstitiales vero umbrae in ortu cadunt in brumalem occasum, in occasu vero in brumalem ortum: brumales umbrae in ortu cadunt in occasum solstitialem, in occasu in ortum brumalem: & sese secant decussatim. Ex hac autem umbrarum ratione artifices collegerunt terram in medio sitam esse: nam diametri quas umbrae referunt, non alibi quam in medio & centro orbis sese intersecant. Latitudines orientis Solis & stellarum in sphaera armillari observantur hac ratione. Statuatur sphaera in planum Horizontis ad æquilibrium, in loco patenti, ubi aedificia & montes prospectum non impediunt, ac meridianus sphaerae insinat linea meridiana in vrbem: tum adducatur armilla solida poli suis in Horizontem, ita ut undique in Horizontis plano iaceat, & per dioptram observetur Sol uel stella exoriens, partes Horizontis ab ortu æquinoctiali ad dioptram, sunt latitudo ortus: an autem hæc latitudo meridiana sit uel Septentrionalis, in sphaera facile apparebit. Latitudo ortus cognita & loco Solis uel stelle, altitudo poli hoc modo inuenitur. Adducatur locus So-  
lis in

lis in *Zodiaco*, uel stella in globo solido in *Horizontem*, & *polus* in *sphæra* eleuetur aut depri-  
matur, donec locus *Solis* uel stellæ datam latitu-  
dinem contingat, arcus meridiani inter polum &  
*Horizontē* est eleuatio poli. Eadem ratione oc-  
casus latitudo & ex illa altitudo poli inquiritur.

### DE ALTITVDINE SOLIS ET STELLARVM.

**A**ltitudo *Solis* aut stellæ alicuius, dicitur Altitudo quid sit.  
distantia eius ab *Horizonte*, siue arcus circuli  
uerticalis inter *Solem* & *Horizontem*: nam in  
uerticalibus circulis numerantur altitudines, de-  
signantur autem circulis æquidistantibus *Horiz-  
onti*, qui barbaro nomine *Almicantharat* apel-  
lantur. Altitudinum aliæ sunt meridianæ, cum Altitudines diuise.  
*Sol* uel stellæ in meridiano posita sunt: aliæ ante  
meridianæ, cum in parte cæli orientali consistunt:  
aliæ pomeridianæ, cum in occidentali parte cæli  
posita sunt. Altitudines meridianæ omnium sunt  
maximæ, & stella quæ meridianam altitudinem  
habent partium 90. transeunt per uerticem loci,  
& uerticales nominantur. Ante & post meri- Calculus al-  
titudinum  
meridiana-  
rum Solis.  
dianæ altitudines, meridianis minores sunt: quæ  
tamen æqualiter à meridiē distant, inter se sunt  
æquales. Meridiana *Solis* altitudines hac ra-



## DE AST. PRIN.

rione cognoscuntur. Subducatur eleuatio poli à  
 90. partibus, restat eleuatio Aequatoris, aequa-  
 lis eleuationi Solis si in æquinoctij puncto fuerit:  
 si autem Sol fuerit in signo boreali, addatur ele-  
 uationi æquinoctialis declinatio loci Solis: si in  
 austrino, subtrahatur. Sit enim eleuatio poli par-  
 tium 47. hæc auferatur ex quadrante, residua  
 sunt partes 43. eleuatio Aequatoris, locus Solis  
 20. pars Leonis, eius declinatio partes 14. scrup.  
 50. hæc addatur eleuationi Aequatoris, quando-  
 quidem borea est, fiunt partes 57. scrup. 50. alti-  
 tudo Solis. Sit Sol in 20. parte Aquarij, huius  
 declinatio priori est æqualis part. 14. scrup. 50.  
 hæc quia austrina est subtrahitur, residua sunt  
 partes 28. scrup. 10. Eodem modo stellarum alti-  
 tudines in Meridiano cognoscuntur. Declina-  
 tio stellæ, si Austrina sit, subtrahitur ab eleuatio-  
 ne æquinoctialis, & altitudo stellæ restat: si de-  
 clinatio maior est eleuatione Aequatoris, ita ut  
 subtrahi non possit, stella non oritur in hoc Ho-  
 rizonte. Sin uero stellæ declinatio borea fuerit,  
 additur ad Eleuationem Aequatoris: quando  
 autem huiusmodi congeries quadrante superat,  
 subtrahitur à semicirculo, & restat stellæ altitu-  
 do uersus polum apparentem: ab eadem conge-  
 rie duplum polaris altitudinis auferendū, si fieri  
 potest,

Calculus al-  
 titudinum  
 meridiona-  
 rum stella-  
 rum.

potest, & altera altitudo remanebit: stella enim  
 tum perpetuo supra Horizontem est, & duas in  
 meridiano altitudines habet. Spica uirginis  
 declinationem austrinam habet partium ferè 5.  
 hac subtrahitur ab eleuatione Aequatoris 43.  
 partibus, restant partes 38. altitudo stellæ. Re-  
 gia stella in corde Leonis declinationem boream  
 habet 14. partium & 4. scrupulorū, hac additur  
 43. partibus, fiunt partes 57. scrup. 4. Splen-  
 dida stella in pectore Cassiopeæ habet declinatio-  
 nem boream partium 54. & 5. scrupulorū, ad-  
 ditis 43. fiunt partes 97. scrup. 5. his subtractis  
 à semicirculo 180. partibus, residuæ sunt 83. par-  
 tes, 55. scrupula, altitudo stellæ uersus polum ap-  
 parentem: deinde duplum altitudinis poli 94.  
 partes, à 97. part. 5. scrup. subtrahatur, restant  
 3. partes 5. scrupula, altera altitudo stellæ in me-  
 ridiano. De cælo per sphaeram armillarem ob-  
 seruantur stellarū altitudines hac ratione. Ar-  
 milla solida polis suis adducitur in polos Hori-  
 zontis, et per dioptram concipiuntur radij stellæ,  
 partes inter transversam diametrū & dioptram  
 sunt altitudo: ipsa uero armilla locum uertica-  
 lis circuli ostendit. Eodem modo Solis altitudo  
 concipitur, uel si alia ratione libeat per gnom-  
 o-nem sphaericum. Eodem instrumenti situ quæru-

Observatio  
 altitudinis  
 stellarum  
 de cælo.

Observatio  
 altitudinis  
 Solis de  
 cælo.

# DE AST. PRIN.

Observatio  
altitudinū  
pro horis a  
meridie.

tur primum uerticālis, quem indicat umbra gnomonis cadens in mediam eius spinam, deinde gnomino sursum ac deorsum moueatur, donec umbra eius se contrahat & absumatur, tum pedes seu latera gnomonis numerum altitudinis in uerticali indicabunt. Inueniuntur etiam altitudines Solis in singulas horas extra obseruationē de celo, hac ratione. Adducatur locus Solis ad meridianum, & notetur pars Aequatoris quae simul meridianum contingit, ea dimoueatur à meridianum ad occasum per partes 15. & quadrans altitudinum ad locum Solis adducatur, is indicabit altitudinem Solis hora prima post meridiem. Pro secunda hora pars Aequatoris signata descēdat per 30. partes, pro tertia per 45. & sic pro singulis horis 15. partes accedant. Cognitis altitudinibus postmeridianis notae etiam sunt antemeridianae, nam Sol in aequali distantia à meridio aequales habet altitudines, ut hora prima & undecima, secunda & decima, tertia & nona, & sic ordine. Horarum autē quae ab ortu numerantur, altitudines inueniuntur, quando locus Solis in Horizonte ad ortum adducitur, et pars aequatoris quae simul exoritur notatur: nam pro prima hora moueatur sphaera ut ascendat 15. partes aequatoris, & accipiat altitudo loci Solis: pro  
hora

Observatio  
altitudinū  
pro horis  
ab ortu.

hora secunda ab ortu ascendant alia 15. partes,  
& sic pro singulis horis ordine 15. partes ascendat,  
& eleuatio loci Solis in quadrante accipiat.

Nota altitudine & loco Solis ac uerticali, poli  
altitudo ex his concipitur. Leuatur in sphaera po-  
lus apparens, tantum quod locus Solis in eclip-  
tica admotus sub uerticalem incidat pariter in  
deprehensam altitudinem: hoc situ sphaerae polus  
eius iustam habet eleuationem. Nota altitu-  
dine Solis et uerticali ac eleuatione poli, locus So-  
lis ex his cognoscitur. Mouetur sphaera ab ortu  
in occasum, donec gradus quispian eclipticae sub  
datam sectionem altitudinis & uerticalem inci-  
dat, & quonia duo aequae distantes à solstitio aut  
bruma incidunt, ex ratione anni facile conijci-  
tur uter illorum sit uerus locus Solis. Verunt-  
amen prope solstitia, non facile neque exacte per or-  
ganum Solis locus cognosci potest.

Ratio inue-  
niendi ele-  
uationē pos-  
si ex Solis  
altitudine.

Ratio inue-  
niendi locū  
Solis ex al-  
titudine.

QVIBVS, QVANDO, ET QVO-

ties Sol meridie sit in uertice: ac in quam

partem cadant umbrae meridiana.

**S**OL et stella alicui loco in uertice sunt, quando  
altitudinem meridianam habent nonaginta par-  
tium: talem autē altitudinem habet Sol in om-  
nibus locis intra Tropicos, in illis inquam locis

## DE AST. PRIN.

Quoties  
Sol sit in  
uertice illis  
qui sunt in  
tra Tropi-  
cos.

Quando  
Sol ijs in  
uertice sit  
qui in tra  
Tropicos  
sunt.

quorum latitudo nō est maior 23. partibus & se-  
misse, in his enim latitudo declinationē Solis non  
excedit: nam hi in terra non plus ab Aequatore  
distant, quā Sol ab eo in caelo declinat. Omni-  
bus autem qui inter Tropicos habitant, Sol in  
anno bis est in uertice, duobus enī locis in Signi-  
fero habet aequalem declinationem illorum lati-  
tudini: & illis quidem qui sub Aequatore habi-  
tant, in uertice est in initio Arietis & Librae, re-  
liquis quando Sol est in illis partibus Signiferi  
quae parem & eiusdem nominis cum latitudine  
loci declinationem habent. Quae nam uero sint  
hae partes Signiferi, et quando hoc fiat, canon de-  
clinationū partiū Signiferi ostendit. Queratur  
in area canonis declinatio par latitudini, cum in  
summa & ima tabula occurrent signa quae hanc  
declinationem habent, & ad latera canonis sig-  
norum partes: quod si latitudo loci est borea, Sol  
in duobus Boreis signis erit in uertice: si uero de-  
clinatio fuerit austrina, in duobus signis Austrini-  
s. Ptolemaei oppidum in margine Rubri ma-  
ris, ad primos elephantorum uenatus conditum,  
unde & Πτολεμαίς θηγῶν appellatur, latitudinē  
boream habet partiū 16. & semissis: haec latitudo  
si queratur in area canonis declinationum Pro-  
lemai, ubi maxima declinatio est 23. partium &

51. scrupulorū, in latere occurrent decimaquinta  
*Tauri & Leonis partes, & in his partibus Sol*  
*Prolemais in uertice erit, hoc Plinius ait, an-*  
*te solstitium 45. diebus & totidem postea fieri.*  
*Rapta metropolis Barbariae, non longe à mari,*  
*latitudinem austrinam habet 7. partium, huic in*  
*tabula declinationum respondent 18. pars Librae,*  
*& 12. Piscium, quamobrem Sol in his partibus*  
*Librae & Piscium, Raptae in uertice erit. Qui*  
*uero sub alterutro Tropicorum habitāt, his Sol*  
*semel tantū in anno fit in uertice, in punctis Tro-*  
*piciis. Huiusmodi loca quibus Sol in uertice est*  
*Onesicritus nominauit Ascia: nam quādo Sol il-*  
*lis est in uertice, nullas in meridie umbras ha-*  
*bent, atq; in Syene quae sub Tropico Cancris est:*  
*puteum huius experimenti gratia factum, solsti-*  
*tij die totum illuminari, tradit Plinius. Comme*  
*morat autem Cleomedes suo tempore media die*  
*Solstitij nullam fuisse umbram per 300. stadia*  
*prope Syenen, ita ut quauis uicina loca non di-*  
*stantia ab eadem 150. stadijs uersus nostrum po-*  
*lum, aut ultra uersus Aequatore fuerint æquae,*  
*id est expertia umbrae. Hac autē ratione quan-*  
*tum terrae respondet dimidio gradui cæli, tantum*  
*semper in meridie existit æquoy in his regionib⁹*  
*per quarum uerticem Sol eo die graditur. No-*

Quoties &  
 quādo Sol  
 in uertice  
 sit illis qui  
 sunt sub  
 Tropiciis.

Agxioi.



## DE AST. PRIN.

*Αμείωνος.* minantur etiam *ἀμείωνος* qui inter duos Tropicos habitāt, hoc est duplicis umbræ, nam quando Sol à uertice illorum ad Meridiem declinat, umbras meridianas dextras siue Septentrionales habent: quando uero ad Septentrionem ab illis Sol recedit, umbras habent sinistras siue meridionales, unde Lucanus de Arabibus:

Ignotum uobis Arabes uenistis in orbem,  
Umbras mirati nemorum non ire sinistras.

Qui uero sub Tropiciis uel inter illos & Polares circulos habitant, illorū umbra meridiana sem-

*Ελπίωνος.* per cadit uersus polum illis apparentem, & *ἐλπίωνος* nominantur: & illis qui extra Tropicos sunt, Sol nunquam fit in uertice. Quorum autem

*Πολίωνος.* habitatio est intra polares circulos, *πολίωνος* nominantur: nam Sol illis supra Horizontē integro circuitu circūfertur, eodemq̃ modo stili umbra in omnes Horizontis partes cadit.

## DE VMBRIS.

**V** Mbrarum ratio altitudines Solis sequitur, nam pro altitudinū ratione umbræ crescunt & decrescunt. Vmbrarum duo constituuntur genera, *Recta* & *Versa*. Umbra recta est, quam iacit gnomon Horizonti ad perpendicularum erectus: *Versa*, quam iacit stylus Horizonti equidistans

*Vmbra recta.*

*Vmbra uersa.*



distans, ut si stylus parieti infigatur. Habet umbra suam rationem ad altitudines Solis, & illi certa ac perpetua lege respondent, sic ut quando Sol 45. partibus eleuatur, umbra recta & uersa suis gnomonibus pares sunt. Altiore Sole erectus gnomon minore umbram iacet, & humiliore prolixiorem: contraria uero ratione se habent umbra uersa. Itaque umbris partes diei discerni possunt, antemeridiana enim Sole ad maiorem altitudinem conscendente decrescunt, meridiana totius diei sunt breuissima, postmeridiana rursus accrescunt. Aestate quoque singulis horis breuiiores sunt umbra quam in hyeme. Horas quoque diei ueteres umbris distinxere, cum ignotus esset usus horologiorum, in quibus ferrea rotula ponderibus ita librantur, ut diei noctisque spatium in 24. horas aequinoctiales perpetuo distinguant. In hunc usum Palladius in suis commentarijs de re rustica, umbrarum rationes Italicis agricolis praescripsit, atque ex earum magnitudine singulis mensibus docet cuiusque diei temporales horas aestimare. Umbrarum uero magnitudines non tantum obseruari possunt singulis diebus erecto gnomone, sed etiam in omnes anni dies quouis tempore ex sphaera desumi. Querantur enim altitudines Solis in singulas diei horas: hoc uero de horis aequa-

Quomodo  
partes diei  
ex umbris  
cognoscantur.

Quomodo  
ex umbris  
cognoscantur  
horae.

## DE AST. PRIN.

Quomodo  
ex altitudi-  
ne Solis de-  
prehendan-  
tur umbræ.

libus à meridie et ortu ante docuimus, de reliquis  
horarū generibus deinceps cum de horis agemus,  
trademus. Altitudine Solis in singulas horas co-  
gnita, describatur in plano linea recta  $AB$ , &  
alia huic ducatur ad rectos angulos è puncto  $C$ ,  
hæc gnomonis uice fungitur, itaq; diuidatur in  
quotlibet partes æquas: exempli causâ in 6. ta-  
lem enim diuisionē Palladius usurpat, propterea  
quod pedes 6. reddant ferè suam cuiusq; mensu-  
ram: partes gnomonis transferantur in lineam  
 $AB$ , à  $C$  uersus  $B$ : deinde ex summo gnomo-  
nis apice  $D$ , linea ducatur  $DE$ , wgs õpõas gno-  
moni  $CD$ , æquidistans uero lineæ  $AC$ , & cen-  
tro  $D$ , interuallo  $DE$  describatur quadrās cir-  
culi  $DEF$ , ac diuidatur in partes 90. hic qua-  
drans fungitur uice quadrantis altitudinum in  
sphæra. Cognita altitudine Solis pro quacunq;  
hora, numeretur altitudo in quadrante ab  $E$  uer-  
sus  $F$ , & regula admota altitudini & centro  $D$ ,  
notetur sectio lineæ  $CB$ , quæ sit  $G$ , linea  $CG$   
erit quantitas umbræ. Romæ die Solstitij alti-  
tudo Solis est partium 71. scrupulorum 50. nam  
altitudo Aequatoris est 48. partium 22. scrup.  
uelut ex umbra à Plinio tradita colligitur: nu-  
meretur hæc altitudo in quadrante  $DEF$ , &  
regula admota altitudini & centro fiat interse-

Fio

Etio in linea C B. quæ sit H, linea H C erit umbra meridiana siue horæ sextæ tēporalis Rōmæ die Solstitij, eſt autem ferè duorum pedum. Umbra hac ſeruit horæ sextæ menſe Iunio & Iulio ante & poſt Solſtitium, quandoquidem circa Solſtitia umbrae tarde creſcunt & decreſcunt. Hac ratione in ſingulas horas temporales aut æquinoctiales umbras deſcribere poſſumus, uel ad initia ſolū menſiū, ut Palladius fecit, uel ad medios quoq; menſes, aut decades menſiū. Nec tantum diei partes & horas diſcernunt umbrae, ſed etiam Solis altitudinē quolibet diei tēpore inde ratiocinari poſſumus. Numeretur enim umbra in linea C B, & ad finem umbrae & centrū D admoueatur regula, & ubi ea quadrantem D E F ſecat, fiat nota, quæ ſit G, arcus quadrantis E G eſt altitudo Solis. Veteres per meridianas umbras Solis die æquinoctij, latitudines regionum designarunt. Ad hunc modum Plinius inquit, Solis itaq; umbilici (quem gnomonem appellant) umbra in Aegypto Meridiano tempore, æquinoctij die, paulo plus quàm dimidiam gnomonis menſuram efficit. In urbe Roma nona pars gnomonis deest umbrae. In oppido Ancona ſuperest quinta trigeſima. In parte Italia, quæ Venetia appellatur, eiſdem horis um

Quomodo  
Solis altitu-  
dines per  
umbras coſ-  
gnoſcantur

Latitudi-  
nes regionū  
per umbras  
designan-  
tur.

# DE AST. PRIN.

bra gnomoni par sit. Ex his autem manifestum est, altitudinē Solis Aequinoctij die minorem esse in Aegypto quā Roma, & illic quā Ancona, in omnibus autem his locis 45. partes excedere, quandoquidem umbra gnomone breuior est. In Veneria uero Sol meridianus partibus 45. eleuatur, cū umbra gnomoni par fiat. Exacta uero altitudinum ex umbris supputatio à Geometricis fundamentis dependet: circini tamen usu hoc aliter quā antea docuimus cognosci potest, gnomone in quotcūq; partes diuiso, modo nota sit umbra & gnomonis quantitas, aut eorum inter se ratio: idq; hoc modo. Ducatur linea aliqua in qua umbræ partes notari possint, hæc Horizontem refert, ex puncto aliquo huius lineæ, quod docendi causa sit *A* litera signatum, educatur alia πρὸς ὀρθὰς ad rectos angulos, hæc in partes aliquot diuidatur, exempli causa pro urbe Roma nouem, ad finem partium apponatur litera *B*, ac deinde in linea Horizontis ab *A* litera uersus alterutram partem resecetur linea equalis umbræ partium octo, tanta enim est umbra æquinoctialis Romæ, & apponatur litera *C*. Ducatur deinde à fine umbræ seu litera *C*, ad summū lineæ *B*, linea recta, hæc cum duabus reliquis constituet triangulum rectangulum, cuius basis est umbra

Alia ratio  
inueniendi  
altitudines  
Solis per  
umbras.

umbra in linea Horizontis, linea altera rectum  
 angulum constituens est gnomon, hypotenusam  
 radii solis refert. Ponatur postremo pes unus cir-  
 cini in finem umbræ C, & alter extendatur ad  
 summum gnomonis apicem B, & cetero C inter-  
 uallo C B describatur circulus: deinde ex centro  
 C ducatur linea dimetiens ad rectos angulos lineæ  
 A C, quæ sit C D, hæc uerticæ est: arcus igitur  
 circuli D B à uertice ad locum solis, est di-  
 stantia solis à uertice, æqualis eleuationi poli so-  
 le existente in Aequatore: arcus uero à B usque  
 ad Horizontem est altitudo Solis, eadẽ cum ele-  
 uatione Aequatoris æquinoctij die. Diuiso cir-  
 culo in partes 360. quanta sit huiusmodi alti-  
 tudo, facile apparebit. Hac autem ratione non  
 modo æquinoctij die, sed quotidie ex umbris al-  
 titudines Solis, et per illas Aequatoris primum,  
 deinde etiam poli eleuatio deprehenditur. Cogni-  
 ta etiam umbra recta altitudo inuenitur in ta-  
 bula umbrarum & altitudinum, quam nos ex  
 Orontio subscripsimus. Umbra scilicet recta in  
 area queratur, occurret in latere altitudo. At  
 nota altitudine, in latere reperta, in area inueni-  
 tur umbra recta. Verum pro umbra uersa cõtra-  
 rio modo est numerandum: nã altitudinis 89. par-  
 tiũ umbra recta par est umbræ uersæ altitudinis

Qua ratio-  
 ne in tabu-  
 la umbræ  
 aut altitudi-  
 nes queran-  
 tur.

# DE AST. PRIN.

unius partis, & ideo numeratio umbræ uersæ à  
 fine tabulæ incipienda est. Aut si ordinē hunc nu-  
 merorum altitudinis sequi uolueris, pro umbra  
 uersa, non altitudinem sed eius cōplementum, id  
 inquā quod restat, ea à quadrāte subtracta in la-  
 tere quærito: umbra enim recta complementi al-  
 titudinis data, est æqualis umbræ uersæ data al-  
 titudinis. Sit enim altitudo Solis partium 35. hu-  
 ius complementum partes 55. umbra recta com-  
 plementi P. 8. scrup. 24. æqualis umbræ uersæ al-  
 titudinis 35. partium. Si uero data umbra uersa  
 altitudo quæritur, in area umbrarum rectarum  
 quæratum umbra æqualis umbræ uersæ, & alti-  
 tudo quæ in latere occurrit subtrahatur à qua-  
 drante, residuum altitudo est umbræ uersæ. Si  
 umbra uersa P. 29. scrup. 48. in area tabulæ um-  
 bra recta partium 29. & 42. scrup. habet alti-  
 tudinem P. 22. hac à quadrante sub-  
 tracta restant 68. partes al-  
 titudo umbræ  
 uersæ.

TAB.

TABVLA VMBRARVM AD  
singulas partes altitudinis Solis gno=  
mone in 12. partes diuifo.

Altitudo Umbra Solis. recta.			Altit. Umbra Solis. recta.			Altit. Umbra Solis. recta.		
P.	P.	S.	P.	P.	S.	P.	P.	S.
0	Vmbra infin.		30	20	47	60	6	56
1	695	44	31	19	58	61	6	39
2	343	39	32	19	12	62	6	23
3	228	57	33	18	29	63	6	7
4	171	37	34	17	47	64	5	51
5	137	9	35	17	8	65	5	36
6	114	10	36	16	30	66	5	21
7	97	44	37	15	52	67	5	6
8	85	28	38	15	21	68	4	51
9	75	46	39	14	49	69	4	36
10	68	3	40	14	18	70	4	22
11	61	44	41	13	48	71	4	8
12	56	27	42	13	20	72	3	54
13	51	59	43	12	52	73	3	40
14	48	8	44	12	26	74	3	26
15	44	46	45	12	0	75	3	13
16	41	51	46	11	35	76	3	0
17	39	15	47	11	11	77	2	46
18	36	54	48	10	48	78	2	32
19	34	51	49	10	26	79	2	20
20	32	58	50	10	4	80	2	7
21	31	16	51	9	43	81	1	54
22	29	42	52	9	22	82	1	41
23	28	16	53	9	3	83	1	28
24	26	57	54	8	43	84	1	16
25	25	44	55	8	24	85	1	3
26	24	37	56	8	6	86	0	50
27	23	35	57	7	48	87	0	38
28	22	34	58	7	30	88	0	25
29	21	40	59	7	13	89	0	12
30	20	47	60	6	56	90	0	00



# DE AST. PRIN.

Ratio inue-  
niendi men-  
suras altitu-  
dinum ex  
umbris.

Inueniuntur etiam per umbras & Solis alti-  
tudinem, turrium, aedificiorum, ac aliarum rerum  
qua in plano Horizontis perpendiculariter ere-  
ctae sunt, altitudines. Obseruetur altitudo Solis  
45. partium: tum enim umbra gnomoni suo aequa-  
lis est. Attamen dimetienda umbra corporum,  
quae metae aut pyramidis formam habent, à fine  
umbræ non ad proximam superficiem, sed ad me-  
dium usque corpus, siue ad id punctum quod sum-  
mo apici perpendicularare est, metiendum est. Non  
autem necesse est altitudinem Solis instrumentis  
obseruare, sed uel nostri corporis, uel alterius rei  
ut baculi erecti umbram obseruemus quando suo  
corpori par sit. Hanc dimetiendi rationem Tha-  
les Milesius inuenisse fertur, qui hac ratione  
mensuram altitudinis pyramidum deprehendit,  
umbram metiendo, qua hora par esse corpori so-  
let. Sole altiore 45. partibus aut humiliore, ac-  
cipiatur longitudo umbræ, deinde Solis altitu-  
do capiatur per sphaeram aut quadrantem, &  
umbra huius altitudinis quaeratur in tabula al-  
titudinum, tum altitudo rei umbrosæ per regulam  
trium numerorum proportionalium inuenitur  
hoc modo. Ponatur primo loco umbra deprehen-  
sa in tabula, deinde partes gnomonis, tertio loco  
umbra corporis cuius altitudo quaeritur: quam

enim rationem habet umbra nota ad gnomonem notum, eandem rationem habet umbra nota ad corpus cuius altitudo ignoratur. Sit exempli causa turris cuius umbra sit pedum 180. Solis altitudo partium 58. umbra huic respondens in tabula pedum 7. & semis siue 30. minutorum. Sic ratiocinor: umbra pedum 7. & semis, gnomonem habet pedum 12. quantum gnomonem habet umbra pedum 180. proueniunt pedes 288. quorum eadem ratio est ad 180. quæ 12. ad 7. & dimidium. Eiusdem turris umbra deprehendatur pedum 520. altitudo Solis partium 29. umbra in tabula huic addita pedum 21. & duorum trientum, numeri tres proportionales sunt, umbra 21. & duorum trientum, gnomon 12. umbra turris 520. his inter se multiplicatis & diuisis proueniunt pedes 288. eadem quæ ante turris altitudo. Absq; observatione altitudinũ Solis dimensiones fiunt, si baculo aut regula in partes duodecim uel quotlibet diuisa, eius umbram obseruemus. Umbra enim huius, quemadmodum etiam umbra tabule inscripta, primus numerus proportionalis erit, ipsius uero regula partes secundus numerus, & partes umbræ eius corporis cuius altitudo queritur tertius numerus.

DE AST. PRIN.  
DE ASCENSIONIBVS ET  
Descensionibus Signiferi.

**L**ocus de ascensionibus & descensionibus in tota doctrina primi motus præcipuus est, & magnas utilitates habet. Nam ascensionum doctrina causæ inæqualitatis dierum & noctium explicantur, & sine hac anni & mensium spatia comprehendendi non possunt, neq; themata cæli con-  
formari, & Stellarum ortus, aut Planetarum loca, ad certa & præfinita tēpora peruestigare. Demonstrationes, quæ fundamenta sunt huius doctrinæ, alibi traduntur à Ptolemæo 2. magnæ compositionis, & à Regiomontano in eiusdem Libri Epitome, atq; à Copernico 2. Libro de reuolutionibus orbium cælestium: extant etiam tabulæ directionum, in quibus tota ascensionum ratio numeris comprehenditur: nos simpliciter ascensionum doctrinam absque demonstrationibus & tabulis proponemus. Ascensio, ἀναφορά, signi ortus uel cuiusque partis Zodiaci, dicitur portio Aequatoris quæ cum eo signo uel parte oritur. Descensio uel occasus signi uel alicuius partis Zodiaci dicitur portio Aequatoris quæ cum eo signo uel parte Zodiaci unâ demergitur. Numerantur autem ascensiones & descen-

Quid sit Ascensio.

Quid sit Descensio.

Quare ascen-  
siones in  
Aequatore  
numeretur.

nes partium signiferi ideo in Aequatore, quod Aequator in quouis sphaera situ perpetuo equaliter mouetur, ita ut pari tempore pares ubique Aequatoris arcus oriantur & occidant. Nam motus caeli, cuius canon & mensura Aequator dicitur, est regularis, & quia eisdem cum hoc motu polos habet Aequator, ipse quoque regulariter mouetur: praeterea eandem semper ad Horizontem inclinationem seruat, & angulos quos cum Horizonte facit, caelo reuoluto non uariat. Verum Zodiacus inaequaliter mouetur, & in pari temporis spatio, impares Zodiaci arcus peroriuntur, & ex opposito occidunt. Nam conuertitur circa alienos polos, a quibus inaequaliter distat, & ideo etiam cum Horizonte inaequales angulos facit. Propter hanc inaequalitatem ascensiones & descensiones ad Aequatorem tanquam ad medium regulare conferuntur, & hic est norma & mensura motus Zodiaci. Nam aequatoris singulae partes quatuor scrupulis horae unius oriuntur, & singulis horis 15. partes aequatoris peroriuntur & occidunt. Zodiaci uero partes, aliae in maiori tempore oriuntur, sic ut quindecim partes Zodiaci maiori tempore quam horae spacio oriuntur, cum quibus scilicet plures Aequatoris partes oriuntur: & haec dicuntur à qui-

# DE AST. PRIN.

busdam recte ascendere, propterea quod tum Zodi-  
 acus cum Horizonte ferè facit rectos angulos:  
 aliæ autem Zodiaci partes oriuntur in minori  
 temporis spacio, sic ut integra hora plures quàm  
 15. Zodiaci partes peroriantur, cum quibus scilicet  
 pauciores æquatoris partes ascendunt: & he  
 dicuntur oblique oriri, propter obliquos angulos  
 quos facit Zodiacus cum Horizonte. Sed à  
 Ptolemæo, & in tabulis, ascensio recta appella-  
 tur ascensio partium signiferi in recto sphaera si-  
 tu, ἀναφορὰ ἐπὶ τῷ ὀρθῷ σφαίρας: ascensio au-  
 tem obliqua, quæ fit in obliqua sphaera positione,  
 siue maiori siue minori tempore signa ascendant,  
 ἀναφορὰ ἐπὶ τῷ ἐγκλιμένῳ σφαίρας. Vtri-  
 usq; generis ascensiones tã rectæ quàm obliquæ re-  
 feruntur in tabulas in singulos gradus eclipticæ:  
 hoc est, quæ nam partes æquatoris cum singulis  
 partibus eclipticæ ascendant: ut in sphaera recta  
 cum fine Tauri ascendit 57. pars & 48. scrup.  
 æquatoris, cum 15. parte Geminorum ascendit  
 73. pars & 43. scrup. æquatoris. Ascensiones au-  
 tem huiusmodi eandem habent ratione ad æqua-  
 torem, quam arcus eclipticæ ab initio Arietis  
 continuati: nam cum 60. partibus eclipticæ ab ini-  
 tio Arietis ad finem Tauri, peroriuntur æqua-  
 toris partes 57. & scrup. 48. In sphaera armil-  
 lari

Ascensio-  
 nes rectæ  
 et oblique.

Ratio inue-  
 niendi ascē-  
 siones rectas  
 & obli-  
 quas.

lari ascensiones hæ concipiuntur, quando singulæ partes Zodiaci ad Horizontem adducuntur, & pars æquatoris quæ simul in Horizontē emergit, notatur. Numerus ille partium æquatoris quæ simul cum gradu aliquo Zodiaci emergunt, nominatur etiam Cæli mediatio,  $\sigma\upsilon\mu\mu\epsilon\sigma\upsilon\upsilon\epsilon\gamma\alpha\upsilon\sigma\iota\varsigma$ . Quia cum eadem parte Zodiacus pertransit Horizontem rectum & Meridianum: imò quilibet Meridianus est alicuius loci Horizont rectus. Quando uero quærentur ascensiones signorum, ac certæ alicuius portionis Zodiaci, cuius aliud sit principium quàm Arietis initium: ut exempli causa, si quæraturs ascensio Geminorum, cum quot partibus æquatoris signum Geminorum emergat: quæraturs ascensio initij et finis arcus dati, tam in sphaera quàm in tabulis, & initium à fine subducatur, residuum erit ascensio data partis. Initij Geminorum ascensio recta est 57. partium, 48. scrup. ascensio finis Gem. est partium 90. subtractis 57. P. 48. scrup. à 90. P. residua sunt P. 32. scrup. 12. ascensio recta signi Geminorum. Hoc modo singulorum signorum, & maiorum ac minorum partium Zodiaci ascensiones quærentur. Ascensionibus cognitis ratio descensionum non obscura est: descensio enim alicuius signi æqualis est ascensioni oppositi signi. Nam

De descensionibus.



## DE AST. PRIN.

ut Euclides demonstrat in Phenomenis 11. Theoremate, Zodiaci circuli equalium & ex opposito circumferentiarum, in quo tempore altera oritur, & altera occidit, & in quo altera occidit, altera oritur. Quamobrē cum quæritur alicuius certe portionis Zodiaci descensio, accipiaturscensio partis oppositæ. Quod si singularum partium, siue arcus alicuius ab initio Arietis continuari descensio quæritur, adducatur ea pars in organo spherico ad occidentalem Horizontis partem: vel ascensioni partis oppositæ addantur 180. partes, ac partis datæ descensio proveniet: quippe quæ ab altera semicirculo distat: quod si ex additione numerus ultra 360. partes seu integrum circulum excrevit, abijciatur 360. partes, residuum erit descensio quæsitæ. Traduntur etiam ad utrumque spheræ situm certæ ascensionum regula. In spheræ recta quadrantes Zodiaci, qui ab aliquo cardinis puncto incipiunt, simul oriuntur cum æquatoris quadrantibus consimilibus, & ab eodem cardine inchoatis. Duo enim Coluri qui Zodiacum & æquatorem secant in æquos quadrantes, in polis mundi ad rectos angulos sese dirimunt, in spherâ uero rectâ, cum uterque polus sit in Horizonte, circuli hi per polos ducti bis quotidie Horizonti iunguntur, & simul etiam quadrantes Zodiaci

Regula ascensionum  
in spherâ  
rectâ.



diaci & æquatoris inter duos Coluros compre-  
 hensi. Partes uero quadrantum dissimiliter o-  
 riuntur: in illis enim quadrantibus qui à punctis  
 æquinoctiorum inchoant, initio sumpto à com-  
 muni sectione, perpetuo plures partes de Zodia-  
 co ascendunt: in illis uero qui succedunt punctis  
 solstitialibus, plus de æquatore, minus de Zodia-  
 co ascēdit, & tamē integri quadrātes simul per-  
 oriuntur. Cum 30. enim partibus Arietis, & 15.  
 Tauri, siue cū 45. partibus Zodiaci ab æquino-  
 ctio uerno, ascēdūt in sphaera recta 42. partes, 32.  
 scrup. sed cū Cancrī 30. & Leonis 15. partibus ori-  
 rur plus de Aequatore, nēpe partes 48. scrupu-  
 27. Signa uero & partes signorū, siue etiā quili-  
 bet arcus Zodiaci, in maiori tēpore oriūtur, quo  
 propiores fuerint pūctis Tropici, in minori, quo  
 remotiores, in minimo, quæ ad æquinoctiorū pun-  
 cta: sed quæ partes æqualiter ab aliquo cardine  
 distāt æquales ascēssiones habēt, quēadmodū Eu-  
 clides 12. & 13. Theoremate demonstrat. Cancrī  
 partes 30. ascēdūt cum 32. P. 12. scrup. Aequato-  
 ris, hoc est horis 2. scrup. horæ 8. & septūce plus uno  
 scrupulo. Leonis 30. partes oriūtur cū 29. P. 54.  
 scrup. Aequatoris: id est horis 2. minus duabus  
 quintis unius scrupuli horæ. Virginis 30. partes  
 oriuntur cum 27. P. 54. scrup. Aequatoris, siue

## DE AST. PRIN.

hora 1. scrup. 51. & tribus quintis unius scrupuli  
 horæ. Itaq; in maiori tempore Cancer oritur, in  
 minori Leo, in minimo Virginis signum, quod est  
 ad sectionē æquinotij. Quia autem pares ascen-  
 siones habent signa quæ equaliter distant ab ali-  
 quo cardine, necesse est in sphaera recta quatuor si-  
 gna semper eādē habere ascensionem, duo quæ  
 utrinq; cardini cōiuncta sunt, & duo his opposita:  
 ideoq; unius quadrantis ascensione cognita, nota  
 sunt ascēiones totius Zodiaci. Deinde quoniam  
 solū ea signa quæ puncta Tropica contingunt, in  
 maiori tempore oriuntur, quatuor tantū signa in  
 sphaera recta in maiori tēpore siue recte oriuntur,  
 Gemini, Cancer, Sagittarius, Capricornus: reli-  
 qua octo oriuntur oblique. Præterea descensio si-  
 gni, equalis est ascensioni eiusdē. Descensio enim  
 signi, equalis est ascensioni signi oppositi, sed in  
 sphaera recta opposita signa pares inter se ascen-  
 siones habent, atque ideo etiam descensiones. In  
 sphaera obliqua longe maior est uarietas tempo-  
 rumq; differentia, in partium Zodiaci Aequato-  
 risq; ascensionibus. In recta enim sphaera unica  
 diuersitatis causa est obliquitas Zodiaci, ideoq;  
 inæqualitas non magna est, quippe quæ duas par-  
 tes & semissem non æquat: sed in obliqua sphaera  
 accedit altera causa Horizōtis obliquitas, ideoq;  
 longe

Regulæ ob-  
 liquarum  
 ascensionū.

longe maiores fiunt mutationes inclinationum  
angulorumq; eclipticæ & Horizontis, quàm in  
sphæra recta: quò autẽ maior est obliquitas Ho-  
rizontis, eò etiam maior est inequalitas ascen-  
sionum. In obliqua igitur sphæra duo tantum se-  
micirculi Zodiaci qui à punctis æquinoctiorum  
incipiunt, cum Aequatoris semicirculis pariter  
emergunt. At in his semicirculis æquales arcus,  
inequaliter oriuntur: nam in primo semicirculo,  
cum quocunque arcu ab initio Arietis continua-  
to, pauciores Aequatoris partes exoriuntur: in  
altero autem semicirculo, cum quocunque arcu  
inchoato ab initio Libræ exoriuntur plures Ae-  
quatoris partes. Sed signa uel partes aliunde quã  
à punctis æquinoctialibus numerata, quò pro-  
piores sunt puncto æquinoctij uerni, eò in minori  
tempore emergunt: quò magis distant, eò maiori.  
Quæ uero signa æqualiter ab uno æquinoctiorum  
continuata uel remota sunt, ascensiones æquales  
habent: uelut Aries & Pisces, Taurus & A-  
quarius, Libra & Virgo, Leo & Scorpius. Ita-  
que in sphæra obliqua semper duo solummodo si-  
gna pares ascensiones habent. Sex autem signa  
in maiori tempore siue recte oriuntur, Cancer,  
Leo, Virgo, Libra, Scorpius, Sagittarius: reli-  
qua sex oblique ac in minori tempore oriuntur:

# DE AST. PRIN.

*hoc autem in Borea obliquitate, sed ubi Austri-  
nus polus eleuatur, hæc omnia conuersa ratione  
fiunt. Atq; hæc uarietas ex subiecta tabella co-  
gnosci potest.*

## Ascensiones rectæ signorum Zodiaci.

Signa zodiaci.	P.	S.		H.	M.	S.
♈ ♉ ♊ ♋	27	54		1	51	36
♌ ♍ ♎ ♏	29	54		1	59	36
♐ ♑ ♒ ♓	32	12		2	8	48

## Ascensiones obliquæ ad latitudi- nem 47. partium.

Signa zodiaci.	P.	S.		H.	M.	S.
♈ ♋	15	18		1	1	12
♉ ♌	19	16		1	17	4
♊ ♍	27	38		1	50	32
♋ ♎	36	46		2	27	4
♌ ♏	40	32		2	42	8
♍ ♐	40	30		2	42	0

Collatio re-  
ctarum &  
obliquarū  
ascensionū.

*Ex his Regulis utriusque sphaeræ facile de-  
prehendi potest, quomodo ascensionum obliquæ  
sphaeræ ratio differat ab ascensionibus sphaeræ  
rectæ.*

*recta.* In sphaera recta singuli quadrantes Zo-  
 diaci & Aequatoris simul peroriuntur, in obli-  
 qua solū duo semicirculi: praeterea signa opposita  
 in obliqua sphaera inequales ascensiones habent,  
 ideoq; etiam eiusdem signi ascensiones & descen-  
 siones sunt impares, quæ tamen omnia in sphaera  
 recta aequalia sunt. Ascensiones quoque obliquæ  
 arcuum continuatorum ab initio Arietis, in se-  
 micirculo Zodiaci boreo, minores sunt ascēsi-  
 bus rectis: sed in semicirculo austrino Zodiaci, ar-  
 cus continuati ab initio Libræ, in obliqua sphæ-  
 ra maiori in tempore ascendunt quàm in recta.  
 Diuersitas hæc ascensionum rectarum & obli-  
 quarum siue in excessu siue in defectu, *Diffe-* Differentia  
ascensionu  
lis.  
*rentia ascensionalis* uulgo nominatur. Ad cogno-  
 scendum talem differentiam, eleuetur in sphaera  
 polus, pro quacunque data obliquitate sphaeræ,  
 armilla uero solida suis polis adducatur sub po-  
 los mundi, ac pars Zodiaci admoueatur Hori-  
 zonti, atq; ad eādem adducatur armilla solida:  
 pars Aequatoris quæ simul Horizontem contin-  
 git, est ascensio obliqua: quæ autem contingit ar-  
 millam solidā, est ascensio recta: quæ Horizonte  
 & armilla solida intercipitur, differentia ascen-  
 sionalis. Quando autem differentia ascensionalis  
 infra Horizontem est, maior est ascensio recta

# DE AST. PRIN.

quàm obliqua: quando uero supra Horizontem est, tum maior est obliqua ascensio quàm recta. Partes uero Zodiaci, quæ equaliter declinant, easdem ascensionum differentias habent: ideoq; cognitis ascensionum differentijs, ad unum Zodiaci quadrantē, notæ etiam sunt reliquæ: omni enim quadrantum pares sunt ad Aequatorem habitudines. Et quia signa borea maiorem ascensionem habent in sphaera recta, differentie ascensionum ab illis subducendæ sunt: signis uero austrinis differentie sunt addendæ, quoniam earum ascensio obliqua maior est recta ascensione. Si gnorum oppositorum uel à diuersis æquinoctialibus punctis cōtinuatorum aut æque remotorum, ascensiones simul iunctæ pares sunt eorundem signorum rectis ascensionibus simul iunctis. Nam quanta differentia rectæ ascensionis unius signi additur, tanta ab ascensione alterius signi, quæ priori æqualis est, aufertur. Hinc etiam fit quod quando ascensio & descensio obliqua alicuius signi iunguntur, æquales sunt ascensioni & descensionis rectæ eiusdem signi. Nam eadem sunt descensionum & ascensionum differentia, sed in uno adduntur, in altero subtrahuntur. Obliquarum ascensionum ratio hætenus exposita, uera est, quando latitudo loci non est maior 66. partibus, hoc est

hoc est in locis inter polares circulos & Aequatorem. Quorum uero uertex est in arctico aut antarctico circulo, illorum uertici polus Zodiaci & ipse Zodiacus Horizonti quotidie iungitur: remoto autem polo Zodiaci à uertice, Zodiacus bifariam ab Horizonte secatur, & semicirculus Zodiaci ascendens in eodem momento super Horizontem eleuatur, alter uero deprimitur: alter uero semicirculus spacio 24. horarum ascendit, & eodem tempore semicirculus, qui ante subito emerferat, descendit. Porro in illis quorum uertex iacet intra polarem circulum & mundi polum, signa quaedam nunquam oriuntur & occidunt: quae uero oriuntur, in ascendente semicirculo praepostere oriuntur & recte occidunt: in semicirculo descendente recto ordine oriuntur & praepostere descendunt. Postremo sub ipsis mundi polis, quia Aequator Horizontis uice fungitur, nulla signa ascēdunt aut descendunt, sed perpetuo sex signa supra, & totidem infra Horizontē manent.

Ascensio-  
nes Zodia-  
ci sub arctico.

Ascensio-  
nes in locis  
inter arcti-  
cum & pos-  
los.

Ascensio-  
nes sub po-  
lis.

F



# DE PRINCIPIIS A STRONOMIAE LI- ber Secundus.



UPERIORI libro circulos & uarias cæli dimensiones, siue partiū cæli habitudines, circulatorum præterea συνανκφορὰς exposuimus: de-

inceps dierum & horarum rationem, ortum, occasum, & cætera phænomena stellarum inerrantium exponemus. Diem quod diuini sit operis, siue à Ioue eius rectore, qui Græce ζεὺς ἰουός, dictum esse author est Festus. Græci ἡμέραν nomināt, ac ueteres ἡμέραν, postea ἡμέραν authore Platone nominarunt, quoniam ἀσμελίοις τοῖς ἀνθρώποις ἐμείρουσιν, ἐκ τῶ σκότους τὸ φῶς ἐγένετο: alij ἡμέραν appellarunt ὅτι ἡμέρα ἡμέρα ποῖς. Diei autem nomen quandoque lucē ipsam significat, ut cum Poeta inquit:

Dies unde dicatur.

Diei nomē quid significet.

Eripiunt subito nubes cælumq; diemq;.

Aliquando uero diei nomen tempus significat, idq; uel diuturnius & indefinitum, ut cum dies luctum leuare dicitur: uel certo definitoq; spacio comprehensum, & tum aut tempus à luce ad tenebras significat, cui nox opponitur, aut dies

cum

cum noctibus coniunctos : quæ quidem prima & antiquissima est significatio : nam ut Moses inquit, factum est uestpere & mane dies unus : & hac ratione in rebus ciuilibus diei nomen usurpatur. Neque probandus est Imperator ille, qui cum centum triginta dierum essent cum hoste pactæ induciæ, noctu populabatur agros, quod dierum essent pactæ non noctium induciæ. Tempus à luce ad tenebras, quod omnes diem nominamus, Censorinus diem naturalem, sphericæ libelli diem artificialem nominant : sed diem simul ac noctem, Ptolemæus  $\nu\chi\theta\mu\epsilon\tau\omicron\upsilon$ , uulgares libelli diem naturalem, Censorinus ciuilem diem nominat. Ciuilis dies pro uariarum gentium consuetudine diuersa habet initia, uarièq; definitur. Babylonij definiunt esse tempus ab uno ortu Solis ad alterum : Hebræi tempus inter duas uestperas, siue ab uno occasu Solis ad alterum : à nocte autem incipiunt, quia in mundi creatione à tenebris ad lucem progressus factus est. Umbri à meridie in meridiem : Aegyptij & Romani à media nocte in mediam alteram, ciuilem diem annumerant. Hebræorum morem secuti sunt olim Athenienses, & hodie Itali atque Bohemi eundem morē in horis numerandis sequuntur, sed in festorum initijs & magistratibus incundis ple-

Diei ciuillis  
uaria initia

## DE AST. PRIN.

raque gentes *Europæ Romanum* morem sequuntur, & diē à media nocte inchoant. *Astronomorum pleriq; vυχθήμερον* à meridie numerāt ad diei sequentis meridiem, idq; non simpliciter quemadmodum in ciuili usu fieri solet, uerum Solis reuolutione dierum spacia metiuntur, & exactius omnem rationem naturalium dierum & τοῦ vυχθήμερον tradunt, quam nos quoque breuiter attingemus.

## DE NYXΘΗΜΕΡΩ

*Nυχθήμερον*  
quid, et  
eius initium.

**N**υχθήμερον uel vυχθήμερον, aut ἡμέρον ὡς siue, ut uulgo appellatur, dies naturalis, est tempus integræ reuolutionis Solis circa terram. Initium huius diei *Astronomi* à meridiano capiunt, quoniam ubique locorum æquator & Zodiacus easdem faciunt συναναφορὰς uel potius συµπεσοῦσιν ἡµέραις, per quæ vυχθήμερον metimur: sed in Horizontibus diuersis, diuersæ sunt horum circulorum συναναφορὰς, ex quibus magna dierum differentia sequeretur. Manifestum autem est, quod eo tempore quo sol circa terrā reuoluitur, & ad eundem meridianū à quo digressus fuerat reuertitur, totus quoque signifer & unā cum eo æquator conuertitur, ac preserea pars aliqua quæ diurno Solis progressu in  
Zodiaco

Zodiaco superadditur. Hæc autem adiectio τὴν  
 ὀρθότητα, quæ alioqui æqualia sunt, quantum  
 sensu percipi potest, inæqualia effecit, idq̃ dua-  
 bus de causis. Prima pendet à secundo motu qui De causis  
 Soli proprius est. Sol enim inæquali tēpore per inæquali-  
 tatis ὀρθότητα  
 ambulat semicirculos Zodiaci, boreum quidem  
 diebus 186. horis 8. scrup. 8. austrinum uero die-  
 bus 187. horis 21. scrup. 47. ut autem semicirculos  
 ita etiam semicirculorū partes Sol inæquali tem-  
 pore perambulat, ideoq̃ adiectiones motus So-  
 laris quæ superadduntur reuolutioni æquatoris  
 sunt inæquales. Et quāquam inæqualitas singu-  
 lorum dierum est exigua, nec subito sentitur, ta-  
 men si colligatur & coniungatur, diuersitatem  
 parit non negligendam. Secunda causa diuersi-  
 tatis est Zodiaci obliquitas, cum paribus enim  
 Zodiaci portionibus impares Aequatoris por-  
 tiones cooriuntur, tam in sphaera recta quàm ob-  
 liqua: quamobrem si nulla inæqualitas esset mo-  
 tus Solaris, tamen hæc diuersitas συναναφορῶν  
 Zodiaci & Aequatoris, dierum quāritatem ua-  
 riar. Cum uero dies inæquales non possint es-  
 se mensura cælestium motuum, Astronomi dies Diuisio ὀρθο-  
 tatis  
 alios constituerunt æquales & medios, per quos  
 motuū æqualitatē metiri liceret, idq̃ fit hoc mo-  
 do. Adiectiones siue ἐπικυρώματα omniū dierum

# DE AST. PRIN.

anni, simul collecta, sunt æqualia annuo motui Solis: quomobrem motus Solis annuus siue eius integra reuolutio diuiditur in 365. partes, & pars 365. additur reuolutioni æquatoris, 59. scrup. ferè, & hoc tēpus nominatur dies æqualis siue medius aut mediocris, & à quibusdam Astronomicus, Græcis ἐμάλον νυχθημερόν: integra inquam reuolutio æquatoris, & rāta insuper portio quātam sub eo tempore Sol æquali motu pertransire uidetur. Dies uero inæqualis ἀνῶμαλον νυχθημερόν, est integra Aequatoris conuersio, & præterea id quod cū progressu Solis apparente Meridianum pertransit. Sunt huiusmodi dies cum æquali diei tum etiā ipsi inter se inæquales. Nominantur uero diuersi, differentes, apparentes & uulgares, quod ad uulgatum Meridianum terminati appareant omnibus. Vt autē dies apparentes in æquales conuertātur, necesse est ut prius motus Solis cognitus sit, qui cum hoc libro non exponatur, rationem æquationis dierum omittimus: præsertim cum ubique in canonibus motuum, tabulæ dierum æquationis primo loco ponantur, ex quibus cognito motu Solis facile dies apparentes & æquales inter se conuertantur.

**D**ies naturalis, uel ut alij appellant artificialis, nocti opponitur, & est tempus ab ortu Solis ad eius occasum, quo supra finitorem Sol lucet. Nox uero est tempus ab occasu Solis ad eius exortum, quo Sol sub finitore inferius hemisphaerium perambulat, & umbra terræ hemisphaerium superius opacat, donec tandem Sole reddito discutitur. Vulgus quidem omne tempus à luce ad tenebras diem nominat: sed quoniam quandoque citius aut tardius lucefcit, & non facile initia & fines lucis à tenebris discerni possunt, Astronomi alios quàm uulgus terminos diei constituerunt, nempe exortum & occasum Solis, qui facile obseruari potest. Quemadmodum uero integra Solis circa terram conuersio tempus  $\tau\theta$   $\nu\chi\theta\mu\epsilon\gamma\omicron\nu$  definit, ita reuolutio Solis supra finitorem diem, & reuolutio sub Horizonte noctem definit, partes  $\tau\theta$   $\nu\chi\theta\mu\epsilon\gamma\omicron\nu$ . In recto sphaeræ situ dies ipsi inter se atque etiam cum noctibus perpetuo aequales sunt, & tam dies quàm noctes duodecim horis aequalibus constant. In obliqua autem sphaera omnibus qui extra arcticos habitant, bis tantum dies nocti fit aequalis,

Diei & noctis definitio.

Dierum & noctium æqualitas & inæqualitas.

# DE AST. PRIN.

tum scilicet cum Sol mouetur per circulum, qui propter hanc æqualitatē Aequinoctialis nominatur, reliquis diebus anni, dies perpetuo sunt noctibus inæquales, & eas superant quando Sol mouetur in signis quæ declinant ad polum apparentē, ab illis autem uicissim superantur cum Sol per illa signa graditur quæ ad polum non apparentem declinant. Discrimina uero dierum & noctium, siue ut Cleomedes ait  $\pi\epsilon\sigma\sigma\theta\iota\upsilon\gamma\epsilon\iota$  &  $\upsilon\pi\alpha\gamma\epsilon\iota\sigma\iota\varsigma$ , non sunt ubiq; terrarum æqualia, sed quæ loca sunt propiora æquinoctiali, in illis dies minus crescunt & decrescunt: quæ uero remotiora, in illis æstiuæ dies plus crescunt, & hiberni magis minuuntur. In omnibus uero locis quæ latitudinem boream habent, tum maximi dies sunt & noctes breuissimæ, quando Sol in Cancri tropico graditur: longissimæ autem noctes & dies breuissimi, quādo Sol per Capricorni tropicum mouetur. Intermedijs diebus cum Sol à Capricorno ad Cancrum ascendit, dies crescunt, noctes uero decrescunt: postea Sole à Cancro ad Capricornum descendente mutatis uicibus dies decrescunt & noctes augentur. Quāta uero est nox longissima, tantus etiā est dies maximus: ac uicissim, quantus est dies minimus in Capricorno, tanta etiam est minima nox in Cancro. In reliquis etiam signis

gnorum



gnorum partibus, quæ equaliter ab eodem æqui-  
 noctij puncto remota, aut inter se oppositæ sunt,  
 quantus est dies unius, tanta est nox alterius: ut  
 quantus est dies Sole gradiente per decimam  
 Tauri partem, tanta est nox cum Sol per 20.  
 Aquarij aut 10. Scorpj partem mouetur. Sed  
 in illis partibus quæ equaliter ab eodem Tro-  
 pico remota sunt, dies & noctes pares sunt: uelut  
 in Tauri 20. & Leonis 10. item 10. Aquarij &  
 20. Scorpj. Huiusmodi autem partes equaliter  
 ab æquatore uersus eundem polum declinant.  
 Augmenta uero, quibus singulis diebus uel etiã  
 mensibus dies & noctes crescunt atq; decrescunt,  
 non sunt paria, sed ut Cleomedes tradit, cum dies  
 augeri incipit, primo quidem mense augetur duo  
 decima parte excessus, quo dies maximus mini-  
 mum superat, secundo sexta, tertio & etiã quar-  
 to quarta parte, quinto rursus sexta, & sexto  
 duodecima parte augetur. Itaq; si dies maxi-  
 mus minimum sex horis superat, primo mense  
 dies semihora excrescet, secundo hora, tertio ho-  
 ra & semihora, & sic tribus mensibus horis tri-  
 bus augebitur. Quarto uero rursus sesquihora  
 additur, quinto hora & sexto semihora, & sic sex  
 horis excrescet quibus dies maximus minimum  
 superat. Verum hæc Cleomedis sententia quo ad

DE AST. PRIN.

*sensum non autē exacta calculi ratione uera est. Sed tamen generatim singulorum dierum nō  
dūm quā uarietatis minor est circa puncta Tro-  
pica, maior in partibus remotioribus, maxima  
circa equatorem, equalis in illis locis qua equa-  
liter ab equatore distant. Omnis huius di-  
uersitatis causa sunt duae, obliquitas uiae Solaris,  
& Horizontis. Nam si Sol motu proprio mou-  
retur uel in equatore, uel in aliquo illi aequidi-  
stantium, tum uel ubique dies noctibus essent ae-  
quales, uel saltem in quouis Horizonte totius  
anni dies inter se atq; item noctes noctibus aequa-  
les essent. Deinde manente obliquitate uiae So-  
laris, si nulla obliquitas esset Horizontis, dies ni-  
hilominus noctibus essent aequales. Sed cū extra  
equatorem semper et Horizon & Zodiacus ob-  
liqui sint, dies etiam sunt inequales. Hoc au-  
tem cognosci potest ex ascensionibus & ex circu-  
lis parallelis, per quos Sol diurno motu reuolu-  
tur. Quouis die sex signa siue semicirculus Zo-  
diaci oritur & occidit, nocte item totidem signa  
oriuntur & occidunt. Si enim uel plures uel pau-  
ciores partes oriarentur ab eo tempore quo pars  
una Zodiaci ab ortu ad occasum reuoluitur, ne-  
cessario sequeretur quandoque plus, quandoque  
uero minus media parte Zodiaci esse supra Ho-  
rizontem,*

rizontem, quod falsum est. Nam Zodiācus &  
 Horizō cū sint magni sphaera circuli se in aquas  
 partes diuidūt. Quoniam autem partes Zodiāci  
 inaequaliter ascendūt, semicirculus Zodiāci à lo-  
 co Solis inchoatus non potest esse diei mensura,  
 sed aequatoris portio, quae cum hoc semicirculo  
 exoritur, diem, & quae cum illo descendit, noctem  
 metitur, siue maior siue minor sit semicirculo.  
 Portio haec aequatoris nominatur arcus diurnus,  
 & eius residuum de circulo arcus nocturnus.  
 In sphaera igitur recta cum semicirculo Zodia-  
 ci, à quacunque parte is inchoetur, semper exori-  
 tur semicirculus aequatoris, ideoq; etiam dies  
 inter se sunt aequales: quandoquidem eadem est  
 omnium mensura, aequatoris medietas, noctibus  
 quoque dies aequales sunt, quoniam in sphaera re-  
 cta pari tempore signa ascendunt & descendunt.  
 In sphaera autem decliui duo tātum semicirculi,  
 qui à punctis æquinoctialibus principium ducūt,  
 cū confinibus semicirculis Aequatoris peroriun-  
 tur, ideoq; tum solum dies nocti est aequalis.  
 Dies uero longissima est, & nox minima, cum  
 Sol in Cancro est, ideo quod totus semicirculus à  
 Cancro inchoatus recte oritur, & cum singulis  
 partibus Zodiāci semper plus de aequatore ascen-  
 dit. Semicirculus uero qui à Capricorno inchoa-

# DE AST. PRIN.

tur, totus oblique ascendit, & cū singulis Zodiaci partibus minus de aequatore ascendit, ideoq̃ dies cum est breuissimus, nox longissima. Cum semicirculis uero, qui in Borea parte Zodiaci initium habēt, semper plus de aequatore ascendit, & dies ideo noctibus prolixiores sunt. Nam quāuis aliqua partes minori tempore oriuntur, tamen plures maiori tempore, siue recte oriuntur, atque be sua tarditate uelocitatem priorum rependunt: & quo initium semicirculi Solstitio propius est, eò plus de aequatore cum toto semicirculo peroritur, plures enim partes recte & maiori tempore oriuntur. Cum semicirculis autem, qui in parte Zodiaci austrina incipiunt, semper minus de aequatore peroritur, & dies ideo noctibus sunt breuiores. Plures enim partes Zodiaci in minori tempore seu oblique oriuntur, idq̃ eò magis, quò initium semicirculi puncto brumali propinquius fuerit. Omnis autem hac ratio diuersitatis dierum, quatenus per semicirculorum Zodiaci & aequatoris συναντησεις explicatur, ab Euclide in Phenomenis, alio tamē nomine, prolixe demonstratur. Exponitur præterea tota ratio aequalitatis & inequalitatis dierum per parallelos Solis. Paralleli uero Solis, sunt equidistantes circuli, quos Sol quotidiana mundi con

Diuersitas  
tis dierum  
expositio  
per paralle  
los Solis.

uersione

uersione describit. Hi paralleli reuera non sunt circuli, neque æquidistant, spiræ sunt: sol enim nunquam postero die in eundem locum, ex quo parallelum describere orsus est, redit. Attamen quoniam non multum à circulis differunt, absq; errore pro circulis usurpantur. Etenim cum imaginatione huiusmodi circulos concipimus, Solem in eadem parte eclipticæ immotum manere fingimus, & sic diurna conuersione circulum æquatori parallelum describere. Paralleli huiusmodi in sphaera recta omnes ab Horizonte secantur in partes æquales, quandoquidem Horizon per eorum polos describitur, ideoq; in sphaera recta dies noctibus sunt æquales, quandoquidem par spaciū est quo Sol supra, & id quo infra Horizontem uoluitur. At in obliqua mundi positione solus æquator ab Horizonte in æquas partes diuiditur, ideo tum solummodo dies noctibus æquantur cum in eo Sol uoluitur: reliqui uero circuli æquidistantes inæqualiter ab Horizonte secantur, eorum enim qui sunt ab æquatore ad polum apparentem, maior pars est supra, minor sub Horizonte, sed eorum qui ad alterum polum declinant, maior pars sub Horizonte est, & minor supra, ideoq; in his nox, in illis dies prolixior est. Quo autem maior est sphaeræ obliquitas,

## DE AST. PRIN.

eò magis circuli æquidistantes in partes inæquales ab Horizonte diuiduntur, sic tamen ut qui æqualiter declinant alternatim partes æquales habeant: quanta enim unius portio supra Horizontem est, tanta alterius pars est sub Horizonte. Ideo quantus est dies in uno eorum, tanta est nox in altero. Et quia singuli æquidistantes per duas Zodiaci partes describuntur, Sol quoq; bis in eodem circulo mouetur, & ideo duo semper dies in anno & inter se pares sunt, & bis etiam duæ noctes æquantur. Veteres per partes Tropicorum ( qui extimi sunt inter parallelos Solares ) diei maximi & minimi quantitatem indicarunt: de Tropico enim Aestiuo Aratus interprete Cicerone, inquit:

Hunc octo in partes diuisum noscere circum  
Si potes, inuenies supero conuertier orbe,  
Quinque pari spacio, partes tres esse relictas,  
Tempore nocturno quas uis inferna frequentet.

*De Tropico uero Brumali idem inquit:*

hinc orbi quinque tribute  
Nocturnæ partes supra, tres luce dicantur.

*Ex hac diuisione, ut docet Proclus, sequitur maximum diem horarum æquinoctialium quindecim esse, noctem uero nouem. Totus enim circulus in horas 24. secatur, huius numeri quin-*

que

que octaua partes faciunt 15. & tres octaua faciunt 9. Hac diei maximi & noctis minima quantitas accidit in climate Athenarum, ubi polus apparet leuatur ab Horizonte partibus 40. semis. Describuntur paralleli Solares in plano duplici forma: primum per lineas rectas, numeratis utrinque a circuli diametro (quae aequatorem refert) singulisque: equidistantium declinationibus: quam rationem Ioannes de Rojas in suo Planisphaerio secutus est: deinde per circulos, eo modo quo aequator et Tropici duo in uulgaribus planisphaerijs depinguntur, numeratis singulorum declinationibus. Horizontes quoque obliqui non aliter quam in eisdem planisphaerijs describuntur. In sphaera armillari paralleli quidem non sunt descripti, partes tamen parallelorum, quae supra & infra Horizontem sunt, hoc est arcus diurni & nocturni, hoc modo inueniuntur pro quacunque sphaera obliquitate. Eleuato polo pro data obliquitate sphaera adducatur locus Solis in Horizontem in ortu, & pars aequatoris simul ascendens notetur: reuoluatur deinde sphaera donec locus Solis Horizontem in occasu tangat, & denuo notetur pars aequatoris in ortu ascendens, arcus aequatoris ab hac nota ad priorem est arcus diurnus dati loci Solis, hoc ablato ex

Ratio numerandi parallelos Solis.



## DE AST. PRIN.

*eo magis circuli æquidistantes in partes inæqua-  
les ab Horizonte diuiduntur, sic tamen ut qui  
æqualiter declinant alternatim partes æquales  
habeant: quanta enim unius portio supra Hori-  
zontem est, tanta alterius pars est sub Hori-  
zonte. Ideo quantus est dies in uno eorum, tan-  
ta est nox in altero. Et quia singuli æquidistan-  
tes per duas Zodiaci partes describuntur, Sol  
quoq, bis in eodem circulo mouetur, & ideo duo  
semper dies in anno & inter se pares sunt, & hi  
etiam duæ noctes æquantur. Veteres per partem  
Tropicorum ( qui extimi sunt inter parallelos  
Solares ) diei maximi & minimi quantitatem  
indicarunt: de Tropico enim Aestiuo Aratus  
interprete Cicerone, inquit:*

*Hunc octo in partes diuisum noscere circum  
Si potes, inuenies supero conuertier orbe,  
Quinque pari spacio, partes tres esse relictas,  
Tempore nocturno quas uis inferna frequentet.*

*De Tropico uero Brumali idem inquit:*

*hinc orbi quinque tributa  
Nocturnæ partes supra, tres luce dicantur.*

*Ex hac diuisione, ut docet Proclus, sequitur  
maximum diem horarum æquinoctialium quin-  
decim esse, noctem uero nouem. Totus enim  
circulus in horas 24. secatur, huius numeri quin-*

que octaua partes faciunt 15. & tres octaua faciunt 9. Hac diei maximi & noctis minima quãritas accidit in climate Arbenarum, ubi polus apparet leuatur ab Horizonte partibus 40. semis. Describuntur paralleli Solares in plano duplici forma: primum per lineas rectas, numeratis utrinque à circuli diametro (quæ equatorem refert) singulis: ut: æquidistantium declinationibus: quam rationem Ioannes de Roias in suo Planisphærio secutus est: deinde per circulos, eo modo quo æquator et Tropici duo in uulgari-  
bus planisphærijs depinguntur, numeratis singulorum declinationibus. Horizontes quoque obliqui non aliter quàm in eisdem planisphærijs describuntur. In sphaera armillari paralleli quidem non sunt descripti, partes tamen parallelorum, quæ supra & infra Horizontem sunt, hoc est arcus diurni & nocturni, hoc modo inueniuntur pro quacunque sphaera obliquitate. Eleuato polo pro data obliquitate sphaera adducatur locus Solis in Horizontem in ortu, & pars æquatoris simul ascendens notetur: reuoluatur deinde sphaera donec locus Solis Horizontem in occasu tangat, & denuo notetur pars æquatoris in ortu ascendens, arcus æquatoris ab hac nota ad priorem est arcus diurnus dati loci Solis, hoc ablato ex

Ratio nũ-  
merandi pa-  
rallelos So-  
lis.

# DE AST. PRIN.

toto circulo, nempe ex 360. partibus, relinquitur  
 arcus nocturnus. Quot autem graduum super  
 aequatore est arcus uel diurnus uel nocturnus, to-  
 tidem est idem arcus super parallelo Solis. In ta-  
 bula uero ascensionum queratur ascensio obli-  
 qua loci Solis & partis oppositæ, & loci Solaris  
 ascensio ab altera subtrahatur, residuum est ar-  
 cus diurnus: quod si numerus auferendus altero  
 maior est, addantur alteri 360. partes, & tunc  
 subtractio fiat. Per differentias uero ascensio-  
 num arcus diurni inueniuntur, si Sole existenti  
 in signis Boreis differentia addatur 90. parti-  
 bus, in signis uero Austrinis à 90. partibus au-  
 feratur: quod enim alterutro modo prouenit, est  
 arcus semidiurnus: qui si dupletur, integer arcus  
 diurnus producitur. Quare autem addatur aut  
 subtrahatur differentia ascensionum, ex ascen-  
 sionum doctrina facile cognosci potest: in sphaera  
 enim recta arcus semidiurnus perpetuo est 90.  
 partium siue quadrantis, in sphaera autem obli-  
 qua augetur uel minuitur tantum, quantum a-  
 scensiones obliquæ augentur aut minuuntur.  
 Arcus diurnus diuidatur per 15. proueniunt ho-  
 re & partes prolixitatis diei. Itē arcus noctur-  
 nus pari modo diuidatur, uel numerus horarum  
 diurnarū subtrahatur à 24. & proueniet quan-

ritas nocturna. Dierū ratio haecenus exposita, Dierum ratio sub ar-  
 illorum est qui inter aequatorē & arcticū circu- tico circulo & sub  
 lum habitant: qui uero habitāt sub ipso arctico, polo.  
 diē maximum habēt horarum 24. & noctem ma-  
 ximā eiusdem quantitatē. Punctū enim Solsti-  
 tij nunquā sub Horizontem descendit, brumale  
 autem punctum nunquam oritur: quāobrem in  
 hoc quidem sub Horizonte Sol integram con-  
 uersionem facit, in altero autem supra Horizon-  
 tem. Qui uero habitāt intra arcticum circulum,  
 lucem per aliquot dies aut etiam menses conti-  
 nuatam habent: Horizontem enim illorum partem  
 aliquam signiferi abscindit quā nunquam occi-  
 dit, eamque tanto maiorem, quanto poli eleuatio  
 maior est: quā diu igitur Sol per hanc partem  
 signiferi graditur, continuatam lucem habent.  
 Ex opposito uero Zodiaci pars priori aequalis  
 nunquam oritur, & quum per eam Sol graditur,  
 habent eo tempore continuam noctem. Sub ipso  
 polo arctico aequator est in Horizonte, & Zo-  
 diaci semicirculus Borealis perpetuo supra Ho-  
 rizontem, Austrinus uero sub Horizonte uolui-  
 tur. Cum igitur Sol graditur per apparentem il-  
 lis semicirculum, lucem continuam habent, to-  
 to eotempore quo Sol est in signis Boreis, sex  
 mensium & amplius: reliquo tempore anni con-

# DE AST. PRIN.

Ortus &  
occasus So  
lis.

Calculus  
prædictorū.

tinua in illis locis nox est. Cognito arcu diurno aut semidiurno, tempus ortus Solis inuenitur si arcus semidiurnus in horas conuersus subtrahatur ab horis 12. residuum est hora qua Sol oritur: tempus occasus ipse numerus horarum arcus semidiurni indicat. Exemplum calculi quantitatis diei ac noctis, & ortus atque occasus Solis hoc esto. Sit tempus datum Calendæ Iunij, locus Solis 20. pars Geminorum, latitudo loci partium 47. ascensio loci Solis P. 51. scrup. 52. pars Zodiaci Soli opposita 20. P. Sagittarij, huius ascensio P. 286. scrup. 221. subtracta ascensione loci Solis ab ascensione partis oppositæ residua sunt 234. partes & 30. scrupula, arcus diurnus. Eiusdem loci Solis ascensio recta sunt P. 79. scrup. 7. hac subtracta ab ascensione obliqua relinquatur differentia duarum ascensionum P. 27. scrup. 15. hac addita 90. partibus, quoniam signum est boreum fiunt 117. P. 15. scrup. arcus semidiurnus, qui si geminetur fit integer arcus diurnus priori æqualis 234. P. 30. scrup. Diuiso arcu diurno per 15. proueniunt horæ 15. scrup. 38. longitudo diei, hac subtracta à 24. horis residua sunt horæ 8. scrup. 22. quantitas noctis. Arcus semidiurni horæ 7. scrup. 49. his ablatis à 12. restant horæ 4. scrup. 11. oritur igitur 11. scrupulo post horam quartam

quartam matutinam, & occidit 49. scrupulis  
post septimam horam postmeridianam.

DE MAIORIBVS DIEI  
noctibusq; partibus.

**V**Eteres diem primum in duas partes distin- Diel noctis  
cuiusq; parte.  
xere ante & post meridiem, & in duode-  
cim. tabulis, ut Cēsorinus refert, nulla horarum  
fit mentio, sed tantum tempus ante & post meri-  
diem nominatur. Alij diem quadripartito diui-  
serunt, & noctem similiter, quam rem militaris  
consuetudo testatur, in qua uigilia  $\Phi\upsilon\lambda\alpha\kappa\acute{\eta}$ , pri-  
ma, secunda, tertia, & quarta dicitur. Sunt præ-  
terea alia diei noctisq; tempora suis discreta no-  
minibus. Diluculum est ante lucem cum incipit  
dignosci dies, Græci  $\acute{\upsilon}\pi\omicron\tau\omicron\lambda\upsilon\kappa\omega\gamma\epsilon\varsigma$  &  $\acute{\alpha}\mu\epsilon\lambda\lambda\omicron\gamma\mu\upsilon\nu\kappa\tau\alpha$  nominant. Mane principium diei  
cum lux uidetur, quod tum manat dies ab orien-  
te, aut quod bonum antiqui dicebant manum.  
Hæc pars Græce  $\omicron\rho\theta\epsilon\rho\omicron\varsigma$  &  $\pi\omicron\delta\iota\omicron\rho\theta\epsilon\rho\omicron\varsigma$  dicitur, &  
 $\pi\rho\omega\iota$  &  $\epsilon\omega\varsigma$ . Sole deinde exorto ad meridiem,  
hoc est ad medium diem dicebant. Tum meri-  
dies, quæ est medium diei, Græci  $\mu\epsilon\sigma\acute{o}\sigma\eta\varsigma\ \eta\mu\epsilon\text{-}$   
 $\rho\alpha\varsigma$   $\kappa\alpha\iota\ \pi\omicron\delta\iota\ \mu\epsilon\sigma\eta\mu\epsilon\rho\iota\alpha\mu$  dicunt, &  $\eta\lambda\acute{\iota}\omicron\upsilon\ \acute{\upsilon}\pi\epsilon\rho$   
 $\kappa\epsilon\phi\alpha\lambda\acute{\eta}\varsigma\ \iota\varsigma\alpha\mu\epsilon\lambda\acute{\iota}\nu\varsigma$  postea de meridie dicebatur, et  
tempus occiduum quod Græci uocant  $\sigma\tau\epsilon\iota\lambda\iota\nu\omicron\upsilon\mu$

# DE AST. PRIN.

καὶ ὅρ. *Suprema deinde dies, quæ & summum diei, & serum diei nominatur, in duodecim uero tabulis dicitur occasus Solis suprema tempestas esto. Post supremam diem uesper* εὐπείρα, *cum stella prima exorta. Crepusculum, cum dies etiā iam nunc sit, an iam nox, multis dubiū est: sic appellatum quod res incertæ creperæ dicuntur. Omne deinceps tempus inter uesperam & iubar nox intempesta, auctore Varrone, nominatur, item concubium, silentium noctis, conticinium. Alij tamen noctis tempus quod uesperam sequitur primam facem nominant, & primas tenebras, & quod sequitur concubium, cum itum est cubitum, inde intempesta nox, qua nihil agi tempestiuum est, dehinc ad mediam noctem, & sic media nox dicitur, Græcis μεσονύκτιον et ἀμολγόν. Tempus huic proximum de media nocte & mediæ noctis inclinatio dicitur, hoc sequitur gallicinium ἀλεξίγρυφοφονία, tum conticinium ὤπτον ὡδ' ὅρ' ὀρνιθα. Verum partes hæ partim ciuili usu distinguuntur, partim astronomica ratione obseruantur. Et meridies quidem est, quando Sol supra Horizontem medio spacio inter ortum & occasum circulum Meridianum transit, media nox quum Sol in ima cæli parte per eundem circulum mouetur medio spacio inter occasum et*

ortum.



ortu. Diluculum uero est, cum dilucescit, & stellæ quæ nocte apparuerūt euanesçūt. Hæc est Aurora quæ Soli orienti portā aperit, de qua Ouidius:

ecce uigil nitido patefecit ab ortu  
Purpureas Aurora fores, & plena rosarum  
Atria, diffugiunt stellæ, quarum agmina cogit  
Lucifer & cœli statione nouissimus exit.

Crepusculum cum dies euanesçit & stellæ apparere incipiunt quæ ante luce latebant, & quod diei reliquum est nocti cedit. Initium diluculi & finis crepusculi est, quando Sol in circulo descripto per polos Horizontis & centrum Solis, partibus 18. ab Horizonte abest in hemisphærio latente. Initium diluculi in sphaera hac ratione concipitur, locus oppositus loco Solis admoueat<sup>ur</sup> ad 18. partem altitudinis in quadrante altitudinum ab occasu, & pars quæ Horizontem tangit notetur, moueatur deinde sphaera donec locus Solis & ei oppositus tangerant Horizontem, tum arcus æquatoris inter descensionem partis è diametro Soli oppositæ & notam ante factam, est mensura diluculi. Crepusculi uero quantitas, est arcus æquatoris qui cum parte Zodiaci Soli opposita ascendit, quousq; ea pars altitudinem habeat 18. partium quadrantis altitudinum. Diluculi finis est ortus Solis, initium

Crepusculi  
& diluculi  
obseruandi  
ratio.

## DE AST. PRIN.

autem inuenitur si totum tempus diluculi ab ortu Solis subtrahatur. Crepusculi initium est occasus, finis inuenitur addito tempore crepusculi ad occasum Solis.

## DE HORIS.

**H**Oræ nomen uaria significat, Græcis præfertim: cum tamen ad tempus refertur aliquando quatuor quæ uocant anni tempora significat, aliquando annum Aegyptiacum trimestrē, cuius author fuit Horus rex, à quo etiā nomen habet. Quin Persæ & Assyrij, quos nos annales nominamus, horas uocitarunt. Vnde apud Lucianum legimus οἱ πρεσβυτεροὶ ἄστρονομοὶ ὥραι. Latini tamen & etiam ipsi Græci hoc nomen transtulerūt ad uiginti quatuor horas diei noctisq; complectentes spacium. Finxerunt uero horas esse Deas, & illis imagines fecerunt, ut Pausanias refert, ac Solis quidem filias esse dicit Homerus: sed noster Ouidius eiusdem æseclas facit, his uersibus:

A dextra leuāq; Dies, & Mensis, & Annus,  
Seculaq; & posita spatijs æqualibus horæ.

Horæ unde  
dictæ.

Horas Hesiodi scholiastes ἀπὸ τοῦ ὥρευσεν dictas uult, quod sint custodes Iouis aulæ, et ut Ouidius tradit, cum Iano foribus cæli præsideant. Plato

ἀπὸ τῶ ὀρίζου horarum nomen deducit. Et si au-  
 tem hac de anni temporibus dicta ab illis sunt,  
 ad horas tamen dierum partes non inepte acco-  
 modari possunt. Quis primus diem in horas di-  
 stribuerit non traditur. Romæ quidem diu hora-  
 rum usus ignotus fuit. Nam in duodecim tabu-  
 lis, ut ait Plinius, ortus tantum & occasus nomi-  
 natur. Post aliquot annos adiectus est meridies.  
 L. deinde Papyrius Cursor, princeps, Romanis  
 Solarium horologium statuit ante annos duode-  
 cim quàm cum Pyrrho bellatum est: Varro ta-  
 men tradit horologium primum statutum in pu-  
 blico à M. Valerio Messala Cos. primo bello  
 Punico. Centum deinde annis post Scipio Nas-  
 ca primus aqua diuisit horas æque noctium ac  
 dierū. In Græcia Gnomonice inuenisse, & pri-  
 mum horologium Lacedæmone ostendisse, ferunt  
 Anaximenē Milesium, Anaximādrē & Tha-  
 letis discipulum, qui circa 55. olympiade... uixit.  
 Diogenes tamē Laertius hoc Anaximandro ex  
 Phauorini authoritate ascribit. Verum longe  
 ante hæc tempora horarum usum apud Hebræos  
 fuisse testantur sacre literæ, in quibus mētio fit  
 horologi Achaz. Victorinus inquit Trismegi-  
 stum, quum in Aegypto esset, sacrum quoddam  
 animal Serapidi duodecies toto die urinā facere

A quonam  
 horæ sint  
 inuentæ.

## DE AST. PRIN.

obseruasse, idq̃ pari semper interposito tempore, unde ipse diem 12. horis dimensum esse coniecit, exindeq̃ hunc horarum numerum constituit. Sūt tamen qui uelint ex cœli dimēsiōne in 12. partes, horas itidem duodecim inuentas diurnas, & totidem nocturnas. Horarum uero tam diurnarum quàm nocturnarum aliæ æquales sunt, aliæ inæquales, de utrisq̃ separatim agemus, & primo de æqualibus.

## DE HORIS AEQUALIBVS.

Horæ definitio.

**H**Ora æqualis est uigesima pars totius diurni & nocturni temporis, & completitur 15. tempora æquatoris. Nam toto æquatore in 24. diuiso, colliguntur 15. tēpora seu partes, mensura unius horæ. Non autem æqualibus existentibus diebus seu nychthemero, horas quoq̃ ipsas inæquales esse necesse est: attamen quoniam hæc inæqualitas est exigua, 15. partes æquatoris pro certo et æquali spacio cuiusq̃ horæ accipimus, hæc rem crassius hoc loco tractantes: quod si quis summam calculi ἀκριβέως desiderat, hunc ad tabulas astronomicas remittimus. Horæ æquales propter diuersa initia diei ciuilis diuerso modo numerantur. Vulgo numerantur à meridie duodecim ad mediā noctem, et inde denuo duodecim ad alterum

Horarum uulgares & astronomicæ.

alterum meridiem. Astronomi uero ab uno meridie ad alterum continuato ordine 24. horas numerant. Itaq; horæ uulgares ad mediam usque noctem eadem sunt cum astronomicis, sed à media nocte in astronomicas additione duodenarij commutantur: ut illæ uicissim eiusdem numeri subtractione in horas uulgares conuertuntur. Numeratur etiam horæ æquales ab ortu Solis, <sup>Horæ ab ortu.</sup> & finiuntur, uel ad occasum eius in numero quantitatibus diurnæ, uel ad sequentis diei ortum in numero 24. Prioribus duæ Germaniæ urbes utuntur, Norimberga & Ratispona. Commutatur autē horæ ab ortu in uulgatas horas, addito tempore seminocturno, quod si numerus duodenario maiore excreuerit, duodecim ex eo auferantur. Usitata autē horæ in eas quæ ab ortu numerantur, reducuntur, subtractione seminocturni temporis, si fuerint antemeridianæ, sed si postmeridianæ addantur duodecim, & tum demum seminocturna quantitas temporis subtrahatur. Per spheram autem horæ ab ortu cognoscuntur, si ad datum tempus accipiatur ascensio obliqua, & arcus æquatoris inter illam & ascensionem loci Solis diuidatur per quindecim. Sit enim Sol in 20. parte Geminorum cuius ascensio obliqua est 51. part. & 52. scrup. ascensio obliqua dati temporis

# DE AST. PRIN.

Horæ ab  
occafū.

esto 163. part. 52. scrup. arcus inter duas ascensio-  
nes 112. partes quibus per 15 diuifis proueniunt ho-  
ræ 7. scrup. 28. ab ortu Solis. Postremum ge-  
nus horarum equalium ab occafu numeratur, et  
id quoq; duplici ratione: nam uel ad fequentis  
diei exortum in fpatio nocturnæ quantitatis fi-  
niunt, ut Norimbergæ, uel numerantur ad alte-  
rius diei occafum in 24. hæ noftra ætate Italis,  
Bohemis ac Polonis in ufu funt. Commutan-  
tur huiusmodi horæ in ufitatas fubtractione fe-  
minocturni temporis, & etiam duodenarij, quan-  
do numerus duodenario maior ex prima fubtra-  
ctione relinquitur, quod tamen non fit nifi in ho-  
ris pomeridianis. Vulgatæ uero horæ in eas qua  
fun ab occafu commutatur, fi horis à media no-  
cte addatur tempus feminocturnum, illis autem  
quæ à meridie numerantur ad occafum ufq; So-  
lis, addantur præterea duodecim, ab horis uero  
poft Solis occafum auferatur tempus occafus So-  
lis. Concipiuntur per fphæram, fi gradus defcen-  
dens obferuetur, & arcus inter eum & obliquam  
defcenfionem loci Solis diuidatur per quindecim.  
Sit exempli caufa ut ante Sol in 20. p. Gemino-  
rum huius defcenfio obliqua 106. P. 22. scrup. dati  
autem temporis defcenfio obliqua 296. P. 37. ar-  
cus medius 190. P. 15. scrup. qui facit horas 12.  
fcrup.

*scrupula 41. tempus ab occasu Solis.*

DE HORIS INÆ-  
qualibus.

**H**Oræ inæquales bifariam numerantur, in Hora inæqualis quid sit.  
Zodiaco & in æquatore, de his priore loco  
dicemus. Horam inæqualem definiunt esse duo-  
decimam diei aut noctis partē: & quoniam dies  
cum sibi inuicem tum etiam noctibus inæquales  
sunt, horæ quoque & sunt & etiam nominantur  
inæquales. Ideoq; apud antiquos authores sæpe le- Horarum inæqualium usus apud ueteres.  
gimus horas æstiuas & solstitiales pro longiori-  
bus, brumales et hybernas pro breuioribus, ut cū  
Vergilius ait, *Iam nox hybernas bis quinq; per-*  
*egerat horas.* Huiusmodi enim horæ inæquales  
in frequēti usu apud ueteres fuerunt: nā illi diem  
clepsydra in partes duodecim distinguebant, &  
prorata diei magnitudine plus minusue aquæ af-  
fundebant. In Euangelio cum dominus inquit  
duodecim esse horas diei, et alibi cum operarij in  
uineam alij mane, alij uero hora tertia, et meri-  
die, & nona demum hora conducuntur, de huius-  
modi horis fit mentio. Notum est epigramma  
Martialis quo commemorat quid singulis horis  
Romani soliti sint agere,



## DE AST. PRIN.

Prima salutantes atq; altera continet hora:

Exercet raucos tertia caufidicos.

In quintam uarios extendit Roma labores:

Sexta quies lassis: septima finis erit:

Sufficit in nonam nitidis octaua palestris:

Imperat extructos frangere nona thoros.

Hora libellorum decima est Eupheme meorum,

Temperat ambrosias cum tua cura dapes.

*Est & Gracum eiusdē ferē argumenti distichon*

*Εξ ἄραι μορθεῖς ἰκανώταται, αἱ δ' ἔμειν' αὐτὰς*

*Γράμμασι δ' ἀκνύμεναι, ἵνα δὲ ζῶνσι βροτῖς.*

**Horarum  
nomina.**

Quin et nomina horarum (horas enim inter deas relatas esse ante diximus) ad temporis qualitatem, & ea quæ singulis horis agebantur alludū.

Higinius enim hæc horarum nomina commemorat, Auge, Anatole, Musia, Gymnasia, Nymphes, Mesembria, Sponde, Elete, Aëte, Hecypris, Dysis. Horas inæquales Ptolemaus æquales temporales nominat, multi huiusmodi

**Planetariz  
horæ.**

horas planetarias nominant. Nam ueteri Aegyptiorū more, ut Dion in historia C. Iulij Cæsaris tradit, non modo dies, sed etiam singule diei nomina, & horæ alicui ex stellis errantibus, quas Planetas nominamus, assignantur. Prima nempe diei hora illi tribuitur planeta à quo dies demonstratur, & secunda proxime sequenti, & per ordinem in numerando ad eundem fit regressus.

*Itaque*

Itaque sabbathi, quem diem Saturni nominamus, prima hora Saturno assignatur, secunda Ioui, & ita ordine, itaq; octaua denuo Saturno assignabitur, nona Ioui, & si continuato ordine in circulū numerantes progrediamur, sequētis diei prima Solis erit, à quo dies etiam nomen accipit, tertij autem diei hora prima Lunam dominam habebit, à qua totus dies nominatur, & sic deinceps reliqui dies & horæ planetis assignantur.

Quantitas horæ inæqualis inuenitur diuiso arcu diurno aut nocturno per duodecim. Sole enim existēte in 20. parte Geminorum arcus diurnus est 234. P. 30. scrup. huius pars duodecima 19. P. 32. scrup. quantitas horæ temporalis. Eadem ratio est si arcus semidiurnus, aut dimidium diurnæ quantitatis per sex diuidatur. Vel sumatur differentia rectæ & obliquæ ascensionis loci Solis, & eius pars sexta addatur horæ æquinoctiali si Sol fuerit in signis Boreis, si autem fuerit in Austrinis auferatur. Quota autem sit hora temporalis inuenitur, si horæ ab ortu Solis in sua tempora resolutæ diuidantur per quantitatem horæ temporalis. Sit enim hora 9. & 41. scrup. à media nocte, Sole existēte in 20. parte Geminorum. Quoniam Sol oritur hora 4. scrup. 11. tempus ab ortu sunt horæ 5. scrup. 30. quæ faciunt 82. P. 30.

Horæ inæqualis inueniendæ ratio.

# DE AST. PRIN.

Scrup. quantitas horæ inæqualis 19. P. 32. scrup. in quam si horæ ab ortu diuidantur, prodeunt 4. & residua sunt 4. P. ac. 30. scrup. dico igitur esse iam elapsam horam 4. inæqualem. Inæquales horæ diurnæ conuertuntur in usitatas, si resoluantur in sua tempora, & addito tempore semino. Sturno totum illud diuidatur per quindecim.

Horæ inæ-  
quales  
ronij.

Alterum genus horarum inæqualium quas in Zodiaco numerari diximus, à clarissimo mathematico Orótio Fineo, quæ honoris causa nomino, traditur, qui inquit, horas inæquales esse interualla temporis quibus singuli quindecim gradus eclipticæ, à loco Solis uel eius opposito numerati, supra Horizontem ascendunt. Has autem contendit ueras esse horas inæquales et planetarias, quæ ueteribus in usu fuerint: id quod tamen ueterum testimonijs, quemadmodum fieri oportebat, non probat. Ptolemæus certe secundo libro magnæ compositionis, tātummodo temporalium horarum, de quibus diximus, & æqualium, mentionem facit. Dion uero, cum Aegyptiorum rationem tradit, qui Planetis dies assignarunt, de nullo nouo & peculiari horarum genere loquitur, sed de horis quæ in usu erant, nempe temporibus. Neq, mihi uerisimile fit, uel Hebræis qui duodecim tantū horas diei habuerunt, uel Roma

nis aut Græcis, has horas quæ nulla uulgariratione obseruari possunt, uulgo in usu fuisse. Si tamen alicui libet has quoq; horas cognoscere, quærat in tabulis declinationum singularum 15. partium Zodiaci ascensiones, initio facto à loco Solis, & singularum quoq; horarum tempus inueniet. Exempli causa Sole existente in 20. P. Gemini minorum signiferi 15. partes ascendunt cum 15. P. 56. scrup. æquatoris, aliæ deinde 15. cum 18. P. 1. scrup. tertiæ 15. partes cum 19. P. 49. scrup. Eodemq; modo reliquarum horarum mensura inuefigari, & in usitatas horas conuerteri potest.

## DE HORARVM partibus.

**H**oram quidam diuidunt in quatuor puncta, punctum in decem momenta, Horarum partes. momentum in uncias duodecim, unciam in 47. atomos: atomus uero, ut ipsa uox indicat, diuidi et secari in partes non potest. Latini autem authores momentum & punctum pro breui quidem tempore, sed tamen indefinite accipiunt. Astronomi horam partiuntur in sexaginta scrupula prima, & quoduis primum in totidem secunda, & sic deinceps eodem modo & ordine quo & in circulatorum partitione progrediuntur. Et quauis hæc diuisio

## DE AST. PRIN.

propria sit horarum equalium, tamen eodem modo inaequales quoque horas partiri possumus, ita tamen ut scrupula inaequalia intelligamus.

Quod si horam assem facimus, scrupula quoque partium assis nomen accipient, itaque 5. scrupula erunt uncia. 10. sextans, 15. quadrans, 20. triens, 25. quincunx, 30. semis, 35. septunx, 4. bes, 45. dodrans, 50. deunx. 55. dextans. Secunda autem scrupula & tertia, accipient nomina partium un-

Alphonſina  
dierum di-  
uifio.

ciae. Alphonſus in dierum partitione peculiari ratione utitur: diem enim non in horas, sed in sexaginta aequales partes diuidit, quae scrupula & minutias nominat, unumquodque deinde scrupulum in alia sexaginta scrupula secunda partitur, & hac sexagenaria partitione progreditur ad minimas usque partes. Praetulit enim haud dubie reliquis numeris sexagenarium, quod nullus alius tot multiplices partes habeat, ideoque etiam dierum sexagenas constituit, cuius rationis explicatio aliò pertinet.

## DE HOROLOGIIS

Solaribus.

**G**nomonem ueteres nominarunt eam partem Astronomiae, quae per umbras discernit horarum interualla, & cursum Solis explicat.

Eius

Eius ratio à multis separatim exposita est, nos quatenus tota huius rei observatio ex sphaera dependeat breuiter indicabimus. Et quoniam pro diuersis horarū generibus diuersæ sunt horologiorum designationes, primū agemus de usitatis horis quæ à meridie numerantur, deinde etiam de alijs horarū generibus. Circuli in sphaera duodecim imaginatione concipiendi sunt, qui sese in polis mundi secant, & æquatorem in 24. equalia segmenta partiuntur: hi horarij circuli nominantur, & in æquatore 15. partibus, quod horæ spaciū est, distant: primus inter hos est meridianus. Tota horologiorū ratio uersatur circa hos circulos, & ipsum sciothera seu gnomonem, qui uel mundi, uel horizontis, aut meridiani, uel uerticis circuli axem refert. Circuli uero horarum uel in planam aliquam superficiem deducuntur, uel in sphaericam, uel in aliquam aliam irregularem. Planarum superficierum tres sunt regulares in quibus horologia describuntur. Prima quæ ad libellam strata est in ipso horizonte, & ideo horizontalis nominatur. Secunda priori ad perpendicularum insistit, et à linea cardinis secatur ad rectos angulos, hoc est una facie Septentrionem & altera Meridiem directe respicit: hæc quia posita est in plano uerticis circuli, eius qui per ueri

Circuli horarij.

Gnomon.

Horologiorum genera.

## DE AST. PRIN.

Horologia  
plana sphæ  
ræ rectæ.

Orientis & Occidentis puncta describitur, uertic  
calis nominatur. Tertia superficies posita est in  
plano Meridiani, & una parte Ortum, altera  
Occasum respicit. In huiusmodi superficiebus pro  
diuersis poli eleuationibus diuerso modo circuli  
horarū describuntur. In sphaera recta in plano ho  
rizontis circuli horarij abeunt in lineas æquidi  
stantes. Sed in superficie uerticāli circuli, abeunt  
in lineas rectas, quæ in eodem centro concurrunt,  
& circulum in æquas partes secant. In meri  
diani autem superficie eodem modo quo & in ho  
rizonte in lineas æquidistantes abeunt. Quoniā  
uero paralleli horarij eodem modo in omnibus  
regionibus describuntur, breuiter eam rationem  
perstringam. Describantur in plano due lineæ  
æquidistantes & tertia has ad rectos angulos se  
cans, super hac describatur circulus qui duas æqui  
distantes utrinque contingat, hunc æquatorem ho  
rarium nominant, diuiso hoc circulo in partes  
æquas 24. rectæ ex centro per singulas partes  
exeant, hæc secabunt utrinque æquidistantes lineas,  
sectionibus undecim, quarū media est linea quæ  
æquidistantes ad rectos angulos secauit, reliquæ  
sectiones inter se oppositæ rectis lineis coniungan  
tur, quæ huic æquidistant, duabus uero æqui  
distantibus, quas primo descripsimus ad rectos  
angulos



angulos insistent. Gnomon uel stilus horarū index longitudinem habet semidiametri æquatoris horarij. Lineæ aquidistantes intra quas horariæ lineæ descriptæ sunt, in sphaera recta in plano horisontis extendantur ab ortu in occasum, in meridiani plano horisonti insistant ad rectos angulos. Sub mundi polo horologium in plano horisontis idem est cum uerticali sphaeræ rectæ. Sed Horologia  
sub polo. horologiū Horizontale sphaeræ rectæ, quod æquidistantibus lineis constat, sub polo fit uerticale.

Describuntur autē horologia sphaeræ rectæ, & sub ipso polo, nō tam propter illas regiones, quàm quod ubiq; descripto horologio tali in aliquo plano, si illud eleuetur pro climatis ratione, horas æque indicat ac si sub æquatore aut polo positum esset. In omnibus regionibus zonæ temperatæ Horologia  
plana spærg  
obliquæ. horarij circuli horisontem & uerticalem inæqualiter secant, & propius cōeunt circa meridiem, maxime distant circa horam sextam, æqualia spacia habent qui æqualiter à meridie distant. Describuntur in plano si primum æquator horarius ut ante diuidatur in 24. partes & lineæ per singulas ad lineā ut uocant contingentia perducantur, uerum deinde lineæ horariæ ad centrum circuli perducuntur qui rata proportionē æquatore maior est, super eadem tamen lineā cum

## DE AST. PRIN.

*æquatore describitur, & ab eadem uel opposita parte lineam contingentia tangit. Proportionem autem semidiametrorum æquatoris & uerticalem circuli atq; horisontis sic inuestigatur. Describitur quadrans circuli  $ABC$ , in hoc numeretur eleuatio æquatoris à  $B$  uersus  $C$ , & ducatur linea  $AD$ , hæc æquatorē refert, ducatur deinde alia linea huic ad rectos angulos in puncto  $E$ , hæc erit axis mundi, & lineam  $AB$  secat in puncto  $F$ , lineam  $AC$  in puncto  $G$ , erit igitur  $AE$  semidiameter æquatoris,  $AF$  horisontis, &  $AG$  uerticalem circuli semidiameter. Stilus umbrarum index in huiusmodi horologijs axem mundi refert, & eundem cum axe mundi situm ac eleuationem habere debet, itaq; eosdem facit angulos quos linea  $FEG$ . Obseruandum hoc est in omnibus locis quorum latitudines simul iunctæ faciunt partes 90. quod unius loci horologium horisontale, in altero esse uerticale, & alterius uerticale priori loco esse horisontale. Itaq; ubi polus 45. partibus attollitur, eodem modo, & paribus interuallis horologia in horisonte & uerticali circulo describuntur. Ratio autem huius rei manifesta est, quod in hac poli eleuatione horisontis & uerticalem æquales angulos cum æquatore faciunt, in cæteris autem anguli permutati æquali*

aequales sunt, ut ubi polus 47. partib<sup>9</sup> attollitur,  
 angulus aequatoris & horizontis est 43. partiū,  
 aequatoris autem & uerticālis 47. partium, ue-  
 rum ubi 43. partium est latitudo, aequatoris &  
 uerticālis circuli angulus est 43. partium, aequa-  
 toris & horizontis 47. In superficie uero me-  
 ridiani circuli horarij in omni sphaera situ abeūt  
 in lineas aequidistantes, & eo modo quem ante  
 tradidimus describuntur. Lineae tamen aequidi-  
 stantes cum quibus horarum paralleli rectos an-  
 gulos faciūt, in aequatoris situ ac eleuatione con-  
 sistui debent. Nam ut in sphaera horarij circuli  
 aequatorem ad rectos angulos secant, ita etiā li-  
 neas quae hos circulos referunt pares quoq; angu-  
 los cum aequatore facere oportet. Tres superfi-  
 cies de quibus diximus quandoq; uel à recta per-  
 pendiculi ratione inclinant, uel declinant à suo  
 situ ut non directe aliquem cardinum caeli respi-  
 ciant, uel simul inclinant & declinant. In his  
 igitur aliae sunt circulorum horariorū sectiones,  
 & stilus alio modo erigitur, id quod facile hic  
 imaginatione concipere potest, qui ante cognouit  
 quae ratione circuli horarij in planis iam dictis  
 describantur. Quod si quis exactam horum ra-  
 tionem desiderat, petat ex libellis qui ex professo  
 rationem conficiendorum horologiorum tradūt.

# DE AST. PRIN.

Horologia  
in superfi-  
ciebus sphae-  
ricis.

*Sphaerica superficies in quibus horologia descri-  
buntur sunt duorum generum, conuexa & concaua.  
Concaua habent designationes circularum hemi-  
sphaerij non apparentis, idque uel in recto sphaerae situ,  
quale Berosus sub hemicyclij nomine descripsisse  
traditur, uel in obliqua sphaera quod Aristarchus  
Samius inuenit, & Scaphen nominauit. Prae-  
terea possunt designationes hemisphaeriorum deli-  
neari, uel qua sphaera per meridianum, uel etiam qua  
per uerticalem secatur, cum in recto tum in ob-  
liquo sphaerae situ. Describuntur in his hemisphae-  
rijs non modo circuli horarij, uerum etiam Aequa-  
tor, & paralleli signorum Zodiaci, uel duodecim  
mensium quos Sol diurno motu describit. Prae-  
terea arcus horarum ab ortu aut occasu, atque etiam  
inaequalium, diuisis extremis parallelis pro ho-  
rarum ratione. Index in huiusmodi hemisphae-  
rijs semidiametri sphaerae habet longitudinem, &  
uel in polo mundi, uel in sphaerae centro figitur.  
Quandoque regula tenuis per transversam diame-  
trum hemisphaerio concauo imponitur, & in huius  
medio fit foramen ex aduerso centri, per hoc ra-  
dius solaris incidens horas indicat. Quae uero hic  
de circularum descriptione in concaua hemisphaerij  
superficie tradidimus, ea etiam ad conuexum he-  
misphaerium (quod ueteres discum appellarunt)*  
pertinet

pertinent, in quo eodem modo hæc omnia descri-  
 buntur. Præter horarias lineas, describuntur De inscri-  
 nō modo in sphericis, sed etiam in planis horolo-  
 logijs paralleli solares, æquator, tropici, & qui ptione pa-  
 per signorū initia ducuntur, item paralleli mē-  
 sium. His adscribuntur dierum & noctium lon-  
 gitudines, tempus quo Sol oritur & occidit, &  
 alia huius generis. Inscriptiones horū fiunt duo-  
 bus modis: primum per quædam instrumenta,  
 deinde per umbrarū longitudinem, hac ratione.  
 Descriptis lineis horarū æqualium, accipiat in  
 linea horæ duodecimæ centrum à primo distans,  
 & illuc figatur gnomon nouus ad rectos angulos  
 qui primū contingat, hic diuidatur in partes 12.  
 ac linea aliqua in plano descripta partes hæc ali-  
 quoties in illam transferantur. Pro inscribendo  
 tropico cancri in horologio horizontali queratur  
 altitudo Solis meridiana & umbra recta quæ  
 huic respondeat, ac partes umbræ officio circini  
 transferantur in lineam horæ duodecimæ, posito  
 uno pede circini in centro gnomonis, & altero in  
 linea extenso puncto signetur umbra, pro hora  
 deinde prima pari modo umbra accipiat, & in  
 lineam horæ primæ & undecimæ transferatur.  
 Nam ut in primo libro ostendimus, horæ quæ  
 æqualiter à meridie distant easdem altitudines

## DE AST. PRIN.

*& umbras habent. Hoc modo notatis umbris  
 singularum horarum puncta omnia in unam li-  
 neam coniunguntur, quæ tropicū Cancrī refert,  
 & eodem modo etiam reliqui paralleli inscribun-  
 tur. Attamen in horologijs uerticālibus, non ut  
 ante umbra recta sed uersa est accipienda. Ho-  
 ras ac Solis parallelos, & ea quæ illis adsignata  
 sunt, indicabit gnomonis erecti extremitas, uel  
 nodulus impositus primo indici, eo loco quo à gno-  
 mone recto tangitur. Horæ æquales, item ab or-  
 tu, & occasu inscribi possunt, si Solis paralleli  
 pro huiusmodi horarum ratione partiantur, &  
 ab uno ad alterū ducantur rectæ lineæ, in aqua-  
 tore uero omniū horarū lineæ sese secant. Præter  
 traditas horologiorum formas sunt aliæ plures,  
 quæ in diuersis atq; irregularibus superficibus  
 describuntur, & ex umbrarū ratione dependent.  
 Describuntur etiam horariæ lineæ iuxta umbræ  
 uersæ rationem in Cilindris conuexis & conca-  
 uis, & alijs diuersis formis. Nos tantum breui-  
 ter hoc loco indicare uoluimus. quomodo præci-  
 pua horologiorū genera ex sphaera desuman-  
 tur, ut aditum patefaceremus, ad cogno-  
 scendum eorum libros qui copiose  
 his de rebus scripserunt.*

## STELLARVM INERRAN-

tium numerus, magnitudines,  
& asterismi.

**S**Tellarum inerrantiũ consideratio, si motus illis proprius spectetur, ad aliam tractationẽ pertinet, uerum non de motu nunc agemus, sed de illis phenomenis quorũ magna ex parte causa est primus ac diurnus motus. Principio tamẽ numerum magnitudinem ac nomina siderum indicabo. Numerus stellarum inerrantium incognitus et infinitus est, uerum ex tanta immensitate ab Astronomis obseruata sunt stellæ mille uiginti duæ. Cum autem magnitudine, luce, ac splendore multum inter se differant, sex illi constituerunt differentias, & maximas ac omnium splendidissimas primæ magnitudinis stellas nominarunt, alias secundæ, terciæ, & quartæ, ac quintæ etiam, & sextæ magnitudinis, prout splendore ac magnitudine à primis recedunt, & his minores nebulosas & obscuras ex re ipsa appellarunt. Sunt autẽ stellæ primæ magnitudinis 15. secundæ 45. terciæ 208. quartæ 474. quintæ 216. sextæ 50. obscuræ 9. nebulosæ 5. Has omnes ueteres partim in uarios asterismos descripserunt, ut facilius possent cognosci quæ alioqui

Stellarum  
numerus.

Magnitu-  
dines stellas  
rum.

Asterismi  
quare sine  
inuenti.



## DE AST. PRIN.

*magnitudine & colore similes erant, & nominibus exprimi: partim nullo nomine imposito nulloq; asterismo quasi depictas sed circa alias sparsas informes & ἀμορφῶτους appellarunt. Quod & Aratus apud Ciceronem his uersibus docet.*

Nam quæ sideribus clavis natura poliiuit,  
Et uario pinxit distinguens lumine formas,  
Hec ille astrorum custos ratione notauit,  
Signaq; signauit cœlestia nomine uero.  
Has autem quæ sunt paruo sub culmine fuscæ,  
Consimili specie stellas pariliq; nitore,  
Non potuit nobis nota clarere figura.

Vnde nomina imposita sunt sideribus.

*Imposita autem sunt asterismis cœlestibus nomina, aut à figura ut delcoron à similitudine literæ Græcæ, aut ab inuentoribus, qui uel à se, uel ab alijs stellas à se obseruatas denominarunt, alij ut historias quasdam perennes facerent, alij ut principibus adularentur, ueluti Conon qui Ptolemæo regi assentans Berenices comam inter sidera retulit: quibusdam etiã asterismis nomina sunt imposita, à siderum effectû, aut aliqua alia similitudine cum ea re à qua denominati sunt.*

Asterismorum nomina.

*In numero asterismorum authores etiam ueteres multum inter se uariant, nam alij 42. alij 48. Plinius 72. imagines cœlestes dicit esse. Huius autem rei hæc est causa, quod à quibusdam quædam imagines penitus omittuntur, ab alijs uero*

non

non modo illæ recensentur, sed etiam multæ quas alij uno nomine comprehenderūt, separatim numerantur. Veluti Ophiuchum quidā unam faciunt imaginem, alij duas, unam Ophiuchi, & alteram serpentis quo Ophiuchus cingitur. Nos in harū enumeratione Ptolemæū sequemur. Diguntur autem omnes imagines cæli in tres ordines, quedam enim in signifero sunt positæ, has primo libro enumeravimus, aliæ sunt extra signifenum partim ad Austrum, partim ad Septentrionem sitæ, has Boreas et Septentrionales, illas Austrinas nominamus. In Borea parte sunt duæ Signa Boreæ.  
*Ἰφιχου* & *ἄμαξαι*, harum maiorem Græci *ἡλικυ* Helicem, minorem *κυνοσουρα* Cynosuram nominant, Latini Septentriones & plaustra appellarūt. Inter *Ἰφας* Draco ingens uoluitur & utraq, cingit. Infra hunc est eius imago qui genibus nixus subsidet, quem ideo Græci *Ἐγωνασι* nominarunt, Cicero Nisum appellat, quidam uero Herculem: iuxta hunc Corona Borealis, & sub ipso Ophiuchus *ὀφιοῦχος*, Angui tenens, aut Serpentarius sinistro pede Scorpionem premit: cingitur hic angui seu serpente, quæ aliqui peculiariter enumerant, quidā ambos uno asterismo complectuntur. *Ἰφας* etiam sequitur Bootes custos ursarum, qui ideo *ἄρκτοφύλαξ* no-

# DE AST. PRIN.

minatur. A fronte maioris *Vrsa* iuxta *Geminorum* sidus est *Heniochus*, *ἠνιοχος* auriga, qui & *Erichtonium* nominat: supra hunc *Cassiopea* & *Cepheus* ad caudam *Cynosurae*: ante ipsum *Perseus* est, qui dextra manu harpen tenet, sinistra uero caput *Medusae*. Iuxta *Persea* est δα τωσού uel τριγωνόν *Triangulus*, capiti uero eius insistit *Andromeda*. *Andromeda* sequitur *Pegasus*, & alterius cuiusdam equi caput, quod *Ptolemaeus* πτόσημης ἱππου nominat, inde *Delphin*, ac *Aquila*, quam quidam *Vulturem* uolantem appellarunt, inde alia *Auis* uel *Ales* ὄρνις *Ptolemaeo* & *Arato*, *Miluius* ut opinor *Plinio*, alij *Cygnus* uel *Olor*, inter duas aues fertur *Sagitta* οἰσός, sed ad *Cygni* latus posita est *Lyra*, seu *Fidicula*, & *Fidis* ac *Fides* *Latinis*, quibusdam *Vultur* cadens. Prope *Aquilam* inter stellas ἀμωρφώτους est *Antinous*, in gratiam *Adriani* relatus inter sidera. In *Austrina* parte est splendidum sidus *Orionis*, sub cuius pedibus *Lepus* quem *Canis* *Sirius* insequitur, pone hunc *Argo* *nauis*, Ante ipsum *Orionem* *Fluuius* πτόταυς, *Eridanus* *Arato*, & iuxta eum *Cetus* κηλός, *Pistrix* *Ciceroni*. Sub *Capricorno* piscis est *austri-*  
*nus*, ante hunc uero *Corona austrina*, quam quidam ὀυγανίσκος nominant, & *Thuribulum* uel

Signa Aus-  
trina.

*Αρα θυμιατῆριον & θυτήριον, ac iuxta illā Cen-*  
*taurus Chiron qui Feram iaculo fert. Deinde*  
*Anguis, supra quem positus est Coruus & Cra-*  
*ter, ad caput autem Serpentis Procyon, seu An-*  
*secanis. Atq; hæc quidem sunt nomina siderum,*  
*sive constellationum aut asterismorū. Sunt au-*  
*tem etiam quædā stellæ singulares in huiusmodi*  
*imaginibus peculiaribus nominib⁹ notatæ, quas*  
*breviter commemorabimus. In dorso Tauri sex*  
*stellæ Græcis πλειάδες, à Latinis Vergiliæ no-*  
*minantur, inter quas ea quæ plus reliquis fulget*  
*καρπώϊας Facula appellatur: in eiusdē fronte*  
*sunt quinque stellæ ὑάδες à Græcis uocatæ, à La-*  
*tinis Succulæ. In Cancro stellæ quæ nubem refe-*  
*runt ὄφειον præsepe, & duæ stellæ quæ circa præ-*  
*sepe cernuntur ὄνοι, aselli appellantur. In Leone*  
*est splendida stellæ quæ βασιλίσκος, regia stellæ,*  
*& à situ καρδιά λέοντος Cor Leonis dicitur. In*  
*Virginis sinistra manu hæret fulgida stellæ quā*  
*σάχυρ spicam nominant, quæ uero iuxta dextrā*  
*eius alā fixa est, προσηγνῆς Prouindemia,*  
*uel Anteuindemia, & Vindemitor uel Vinde-*  
*miator nominatur. At quatuor stellæ quæ in A-*  
*quarij dextra cernuntur, κάδων, Urna dicuntur:*  
*infra eundem est tenuis fusio stellarū, quæ Græce*  
*ἰγμόδονα nominatur à Vitruuio. Quæ autē Pi-*

Singulari  
 aliquot Rele  
 larum no  
 mina.

# DE AST. PRIN.

scium caudas coniungunt stellæ λῖνοι lineæ nellineolæ, & δ'εσμοὶ uincula appellatur, & inter has splendida συνδ'εσμός nodus. In Bootis zona, uel ut alij uolunt inter genua, est Arcturus. Fidicula splendidissima stella, Lyra totius sideris nomine appellatur. Perseum ferre sinistra caput Medusæ, cuius stellæ γογγύνοιοι nominantur, & dextra ἀρπυ ante diximus. In Aurigæ sinistro humero est ἀΐξ, Capra uel Capella Olenia, & in eiusdem manu ἑριφοί, Hædi. In ore Canis maioris est lucidissima stella quæ Canis, & Canicula, Syrius, & Isis nominatur. Procyon etiam appellatur sideris nomine, stella primæ magnitudinis in Cane minori. In gubernaculo Argus lucet Canopus, uel Canobus, ut alij scribunt. Nomina signorum cum Ausonius tum alij carmine complexi sunt, nos Ioachimi Camerarij uersus hic apposuimus, quibus si quis plenius aliquid desiderat, habet cum Arati, tum etiam Camerarij Phenomena, opus mole exiguum, sed uaria eruditione plenum, ut eiusdem authoris omnia. Quæ autem historia seu potius fabulæ siderum delictant, petat ex Hygino.

Nomina disce puer ueterum studiose laborum,  
Siderea & cœli cognosce micantia signa.  
Signa uocant, quibus illa uides insignia templa.  
Sed numerum denum quater atq; octo esse dederūt.

Vrse

Vrse summa tenent aquilonis frigora, per quas  
 Ingens in morem fluij perlabitur anguis. (n.e.,  
 Huc subit Arctophylax, sed & huc mox gemma Coronæ  
 Inde genu nixus, post quem Lyra: deinde Volucris.  
 Tum Cepheus & Cassiope, tum uector & ille  
 Falcatum extollens cæsa enssem gorgone Perseus.  
 Hinc Deloton & Andromeda, hinc stas Pegase, sed te  
 Delphin excipit, huc Telū, hoc Aquila, Anguitenensq̃.  
 Signifer hæc sequitur decliui circulus orbe  
 In quo Aries, Taurus, Gemini, Cancer, Leo, Virgo.  
 Cbele, Scorpis, Arcitenens, Caper, Amphora, Pisces.  
 At Notus undifero tenet hæc simulachra sub axe.  
 Armatum Oriona, Canem in quo Syrius ardet.  
 Quis Procyonq̃; Lepusq̃; & Iasonis additur Argo:  
 Hidrusq̃; & Centaurus, & Ara incognita nobis.  
 Tum Notius piscis, Cetusq̃; ac Eridani unda.

## DE ORTV ET OCCASV stellarum inerrantium.

**S**Tella oriri dicitur cum ex Horizonte emer-  
 git: occidere cum sub horizontem mergitur.  
 Oriuntur autem & occidunt omnes stellæ in recto  
 sphaera situ, siue sub æquatore, illic enim axis ac  
 uterq̃; polus iacet in horizonte. Sed sub ipso mun-  
 di polo nullæ stellæ oriuntur aut occidunt, sed he-  
 misphaeriū unum perpetuo est supra horizontem,  
 & alterū sub eo, ac æquator horizonti iungitur.  
 Ceterū in omnibus alijs regionibus quadā stellæ



# DE AST. PRIN.

Arctici cir-  
culi ueteres  
rum.

oriuntur ac occidunt, quædā uero perpetuo, quæ-  
dam nunquam apparet. Has igitur ueteres cir-  
culis parallelis, quos arcticos nominarunt, com-  
plexi sunt, & ab illis quæ oriuntur & occidūt se-  
pararunt. Describuntur autem hi circuli ex polo  
mundi & interuallo ad horizontem, ut Cleome-  
des inquit, *Ἄρτι τοὺς ἀρκτικούς ἡ δὲ πρὸς τὸν πόλιν  
ὡς διασπασί τῶν πρὸς ἐκείνους ὁρίων τι.* Illi igitur  
qui prope æquatorem habitāt paruos habent ar-  
cticos, quoniam parum illis polus attollitur, ac  
paucæ sunt stellæ quæ illis aut nunquā aut sem-  
per appareant. Qui uero longius ab æquatore re-  
cedunt, maiores habent arcticos, idq; pro magni-  
tudine eleuationis polaris: quo enim altius polus  
supra horizontem tollitur, eo etiam maior est cir-  
culus qui ex polo & interuallo ad horizontem  
describitur, ita ut quibusdā locis æquent, in qui-  
busdam etiam magnitudine superet Arctici cir-  
culi Tropicos, quod & Proclus docet, qui in qui-  
busdam locis, inquit, Solstitialem tropicum in  
arcticum plane abire, ita ut duo hi circuli coeant  
proq; uno habeantur, ac in quibusdā locis arcti-  
cum, æquatore, & horizontem eundem situm  
positumq; obtinere, nempe sub polo: contra sub  
æquatore arcticos plane euanescere. Sæpe quoq;  
ueteres huiusmodi circularū meminere, & unum  
quidem



quidem maximū eorum qui nunquam apparent,  
 alterum maximum semper apparentium nomi-  
 nant. Habent uero hi circuli singularem usum in  
 inquirendo ortu & occasu stellarū, nam in omni  
 climate stellæ quæ sunt intra horum ambitum,  
 nō ueniunt sub considerationem. In illis igitur  
 stellis quæ oriuntur & occidunt, non tantum or-  
 tus & occasus spectatur, nam quotidie oriuntur  
 & occidunt, sed χηματισμὸς ipsarum ad Solem,  
 siue συνανατολὴ & συγκατάδ' υἱοῖς, ac omnis ua-  
 rietas ortus & occasus, fit accessu solis ad sidera,  
 & eiusdem recessu. Describuntur uero à Ptole-  
 meo multæ formæ χηματισμῶν, uerum hic Au-  
 tolycum uetustum authorem sequar, is matuti-  
 nos & uespertinos stellarum nō errantium ortus  
 & occasus, diuidit in ueros & apparentes. Ve-  
 torum matutinus ortus est, cum unā cum Sole  
 astrum oritur. A recentioribus Ortus Cosmicus  
 appellatur, à Ptolemæo ἑὼς συνανατολὴ. Ma-  
 tutinus occasus cum Sole oriente astrum occidit,  
 Occasus Cosmicus uulgo, Ptolemæo ἑὼς συγκα-  
 τὰδ' υἱοῖς. Vespertinus cum Sole occidente astrū  
 oritur, Ortus Acronychus, uel Acronychus, &  
 corrupta uoce Chronicus, Ptolemæo ἑὼς περιεὰ ἀνα-  
 τολὴ. Vespertinus occasus cum Sole occidente  
 astrum occidit. Occasus Acronychus, ἑὼς περιεὰ

Ortus &  
 occasus  
 ueri.

# DE AST. PRIN.

Ortus &  
occasus ap-  
parentes.

συγκατάδοις. Apparentiū matutinus ortus  
est, cum prius quā Sol oriatur, astrum aliquod  
tum primū oriens apparuerit. Ortus Heliacus,  
et emersus, ἐπιτολή, Ptolemæo φάσις et ἑω-  
πεία προανατολή. Matutinus occasus, cū prius quā  
Sol oriatur astrum aliquod primū occidens ap-  
paruerit, ἑωπεία πρόσδοις Ptolemæo. Vesperti-  
nus ortus cum post Solem occidentem astrū ali-  
quod postremo apparuerit oriēs, ἑσπερία ἐπιτο-  
λή. Refertur autem ad ortum Acronychum.  
Vespertinus occasus cum posteaquam Sol occide-  
rit, astrum aliquod postremo occidens apparue-  
rit, ἑσπερία ἐπικατάδοις, potest autem ad oc-  
casum Acronychum referri. Vespertinum occa-  
sum semper sequitur occasus Heliacus qui etiam  
ἑσπερία ἐπικατάδοις ac κρύψις et ἀφανισμός,  
Latine occultatio nominatur, et stella que latet  
ὕπαιγος dicitur. Præter has formas ortus et  
occasus, alij etiam matutini et vespertini ortus  
et occasus à Ptolemæo commemorantur. ἑωπεία  
προανατολή, ortus matutinus subsequens, cū post  
Solis exortum stella confestim oritur sed non cer-  
nitur. ἑωπεία ἐπικατάδοις, matutinus occasus  
sequens, cum Sole orto stella confestim occidit.  
ἑσπερία προανατολή ortus vespertin⁹ præcedens,  
cum stella paulo ante Solis occasum exoritur, sed

Matutini et  
vespertini  
ortus &  
occasus, ab  
Autolyco  
omissi.

proprie

propter Solis lucem non apparet. Ἐπειγὰ πρὸ-  
 duois Occasus uespertinus præcedens, cum stella  
 ante Solis occasum occidit, quam Sol consequi-  
 tur. Veri ortus exacte obseruari possunt, nam Ratio ob-  
 cum per instrumenta, tum etiam per tabulas fa- seruandi or-  
 cile inuenitur pars Signiferi cum qua stella in tus ueros et  
 quocunq; Horizonte oritur aut occidit, & quo occasus.  
 tempore Sol ad illam partem aut ei oppositā per-  
 ueniat, quibus cognitis omnis uerorum ortuum  
 & occasuum uarietas patet. Nam Sole tenense  
 eam partem cum qua stella oritur, sit ortus matu-  
 tinus uerus: & si in opposita parte Sol fuerit, stel-  
 la oritur ortu uespertino uero: si autem Sol sit in  
 ea parte Zodiaci cum qua stella occidit, sit occa-  
 sus uespertinus, & si in opposita sit Sol, sit matu-  
 tinus occasus. Ab his differunt apparentes or- Stellarum  
 tus & occasus, penes cuiusq; sideris magnitudi- apparitio-  
 nem & claritatem, & stellarum latitudinem, ac nes quando  
 Zodiaci ad Horizontem inclinationem. Descri- fiant.  
 ptit autē sunt limites aliqui occultationis & ap-  
 parentiæ, subterraneis circumferentijs circulo-  
 rum qui per polos sunt horizontis, quos Vertica-  
 les nominant, & inter ipsum finientem atq; So-  
 lem capiuntur, & appellantur arcus uisionis. Ex  
 quoniam sex sunt magnitudines stellarum, sex  
 quoq; sunt differentiæ arcus uisionis. Stelle enim

## DE AST. PRIN.

*primæ magnitudinis incipiūt tegi atq; occultari,  
 & emergere atq; apparere Sole 12. partibus di-  
 stante: secunda magnitudinis eodem 13. distante  
 partibus: tertiæ 14. quartæ 15. quintæ 16. sexta  
 17. Minutissimæ uero stellæ apparent, quando  
 Sol 18. partibus ab horizonte remotus est, qua  
 distantia quidā horizonti subterraneum paral-  
 lelum describunt, in quo accipitur initium dilu-  
 culi, & crepusculi uestertini finis: nam dum Sol  
 hunc attingit diescit aut nox impletur. Cognita  
 igitur parte Signiferi cum qua sidus oritur uel  
 occidit, & arcu uisionis noto, tot partes signiferi  
 querendæ sunt inter orientem gradum et Solem,  
 quot sufficiāt concernantq; Solis profunditatē:  
 ab Horizonte, iuxta præscriptū arcum uisionis  
 propositi sideris, et pro partium Signiferi numero  
 emersus uel occultationis tempus numerare opor-  
 tet. Quæ uero de altitudine Solis primo libro do-  
 cuimus per omnia conueniunt cum eius descensu  
 sub terram, neq; alio quàm positione differunt.  
 Expeditissima autem ratio numerandi hæc est,  
 ut pars opposita loco Solis, admoueatur ad finem  
 arcus uisionis, numerati in altitudinū quadrante  
 supra Horizontē, tum accipiat arcus Zodiaci  
 inter Solis locum & horizontem. Ordo uero &  
 uarietas ortuum & occasuum ab Autolyco pro-  
 positio*

positionibus siue traditionibus 19. explicata est, que hic subiectæ sunt. Possunt autem ea quæ his propositionibus traduntur, facile intelligi & cognosci si globus cælestis, seu solida sphaera adhibeatur: in illa enim quiuvis, nisi plane rudis et imperitus sit harum rerû, facile oculis subijcere potest omnem uarietatem ortus & occasus.

DE ORTV ET OCCASV STELLARUM non errantium traditiones Autolyçi, Georgio Valla interprete.

**C**uiuslibet stellæ non erraticæ matutini ortus & occasus apparentes, sunt ueris posteriores. At uespertini ortus & occasus apparentes, ueris sunt priores. Propositio prima.

Quodlibet astrum ex non uagis à matutino apparente ortu, qualibet nocte spectatur oriens ad uespertinũ usq; apparentem ortum. At nullo alio tempore. Estq; tempus in quo astrum spectatur oriens minus dimidiij anni. 2.

Astrum quodlibet nõ errans à matutino apparente occasu quauis nocte spectatur occidens ad uespertinũ usq; apparentem occasum. At alio tempore nullo. Estq; tempus in quo stella spectatur occidens minus dimidio anno. 3.

## DE AST. PRIN.

- 4 *Stellæ omnes nō uagæ quæcunq; in Signifero, à matutino apparente ortu matutinū apparentem occasum faciūt per dimidium anni, quæ autem ad Septentrionem longiore tempore, at quæ ad Meridiem breuiore.*
- 5 *Omnia astra quæ in orbe sunt Signiferi à uespertino apparente ortu, uespertinū apparentem occasum faciunt per dimidium anni, ad Septentrionem pluri, ad Meridiem minori spacio.*
- 6 *Stellarum quæuis fixarum ortus & occasus facientiū cum Sole pariter oritur quolibet anno ferè uerum ortum matutinum faciens, itidem etiam pariter occidit.*
- 7 *Astrum non uagum quodlibet à matutino uero exortu, uespertinum uerum exortum facit per dimidiū anni ferè. Et à uespéro uero occasu matutinum uerum occasum.*
- 8 *Cuncta quæ sunt astra in orbe signorum possunt uespertinam fulsionem matutinam fulsionem faciunt primam ad dies aliquot ac noctes nusquam comparent.*
- 9 *Astrorū quibus à matutino uero exortu matutinus uerus occasus efficitur minore tempore anni dimidij, eo tempore quod minus est quam anni dimidium, astrum & occidit & oritur Sole existente sub terra. Alio autem tempore huic  
aquali*

equali, astrum neq, occidet, neq, orietur Solē existente sub terra.

Signiferi unum dodecatemorium, in quo est Sol, neq, oriens neq, occidens spectatur, sed occultatur. Itidem etiam quod per diametrum est neq, oriens neq, occidens spectatur, sed noctem perpetuam supra terram apparet. 10

Duodecim signorum præcedens in quo est Sol oriens matutinum apparet. Sequens autem matutinum occidens. 11

Noctu undecim signorū circūferentia cernitur, sex quidē præstructorū, quinque uero oriētium. 12

Stellarum fixarū quæcunq, à Signifero comprehenduntur in Septentrionem uel in meridiem urgentes ab ortu matutino in ortum uespertinū præsto sunt tempore quinquemestri. 13

Habitantibus Septentrionalem zonam, singula non uaga astra ortus & occasus uespertinos & matutinos unoquoq, anno faciunt. 14

Vnaquæq, stella in Signifero posita à matutino ortu, in uespertinum ortum aduenit. A uespertino autem ortu in matutinum occasum. At à matutino occasu in uespertinum occasum. A uespertino occasu in matutinū ortum intra dies triginta. Atq, hoc tempore neq, oriens neq, occidens cernitur. Verū ab ortu matutino in uesper- 15



## DE AST. PRIN.

- 4 *Stellæ omnes nō uagæ quæcunq; in Signifero, à matutino apparente ortu matutinū apparentem occasum faciūt per dimidium anni, quæ autem ad Septentrionem longiore tempore, at quæ ad Meridiem breuiore.*
- 5 *Omnia astra quæ in orbe sunt Signiferi à uespertino apparente ortu, uespertinū apparentem occasum faciunt per dimidium anni, ad Septentrionem pluri, ad Meridiem minori spacio.*
- 6 *Stellarum quæuis fixarum ortus & occasus facientiū cum Sole pariter oritur quolibet anno ferè uerum ortum matutinum faciens, iidem etiam pariter occidit.*
- 7 *Astrum non uagum quodlibet à matutino uero exortu, uespertinum uerum exortum facit per dimidiū anni ferè. Et à uespéro uero occasu matutinum uerum occasum.*
- 8 *Cuncta quæ sunt astra in orbe signorum post uespertinam fulsionem matutinam fulsionem faciunt primam ad dies aliquot ac noctes nusquam comparent.*
- 9 *Astrorū quibus à matutino uero exortu matutinus uerus occasus efficitur minore tempore anni dimidij, eo tempore quod minus est quàm anni dimidium, astrum & occidit & oritur Sole existente sub terra. Clio autem tempore huic equali*

equali, aſtrum neq; occidet, neq; orietur Sol exiſtente ſub terra.

Signiferi unum dodecatemorium, in quo eſt Sol, neq; oriens neq; occidens ſpectatur, ſed occultatur. Itidem etiam quod per diametrum eſt neq; oriens neq; occidens ſpectatur, ſed noctem perpetuam ſupra terram apparet. 10

Duodecim ſignorum præcedens in quo eſt Sol oriens matutinum apparet. Sequens autem matutinum occidens. 11

Noctu undecim ſignorū circūferentia cernitur, ſex quidē præſtructorū, quinque uero oriētium. 12

Stellarum fixarū quæcunq; à Signifero comprehenduntur in Septentrionem uel in meridiem urgentes ab ortu matutino in ortum ueſpertinū præſto ſunt tempore quinquemeſtri. 13

Habitantibus Septentrionalem zonam, ſingula non uaga aſtra ortus & occaſus ueſpertinos & matutinos unoquoq; anno faciunt. 14

Vnaqueq; ſtella in Signifero poſita à matutino ortu, in ueſpertinum ortum aduenit. A ueſpertino autem ortu in matutinum occaſum. At à matutino occaſu in ueſpertinum occaſum. A ueſpertino occaſu in matutinū ortum intra dies triginta. Atq; hoc tempore neq; oriens neq; occidens cernitur. Verū ab ortu matutino in ueſper- 15

# DE AST. PRIN.

tinum ortū intra quinq, menses peruenit. Hocq, tempore oriens inspicitur. At à uestertino ortu in occasum matutinū præsto erit ad triginta dies, ac neq, oriens neq, occidens apparet. Sed à matutino occasu in uestertinū occasum ad quinq, menses peruenit, idq, tempus occidens spectatur.

16 Cuncta quæ à Signifero comprehenduntur in partem Septentrionalem, illorum matutini occasus, ortus matutinos antecedunt. Quæ uero capiuntur à signifero ad meridiem, illorum matutini ortus matutinos occasus antecedunt.

17 Stellarum sub Signifero ad Meridiem si unà occidentia astra ab unà orientibus abfuerint minus signi circumferentia ea à matutino ortu consequentem uestertinū ortū facient. Inde occasum matutinum, inde uestertinū occasum. Occultabuntur uero diutius astris in signifero cōstitutis.

18 Omnia astra sub Signifero comprehensa ad Meridiem cum simul occidentia ab eis quæ simul oriuntur ad signi circumferentiam distant, illa eadem nocte uestertina oriuntur, & matutina occidūt. Et diutius occultantur eis quæ in Signifero posita sunt.

19 Assumpta sub Signifero ad Meridiem, si unà occidentia à simul orientibus abfuerint signi maiore circumferentia, illa à matutino ortu in  
maruti

matutinū occasum agent. Deinde in uestertiniū  
ortum, deinde in uestertinum occasum, & eadem  
die orientia & occidētia spectabuntur à matu-  
rino occasu in uestertiniū ortum usq;. Diutiusq;  
culabūtur quàm quæ sunt astra in Signifero.

DE RELIQVIS ΣΗΜΑΤΙΣΜΟΙΣ  
stellarum inerrantium & Solis.

**O**Rtus & occasus matutini, & uestertini  
quos hætenus exposuimus, tū fiunt quan-  
do Sol & stella simul sunt uel in una parte hori-  
zontis, uel in partibus oppositis: sed à Ptolemæo  
numeratur etiā alia species, quam ortum & oc-  
casum meridianum nominare possumus, ab ipso  
ὀρεμ. βρινὸς ἀπὸ τοῦ ὀρίσ, & μεσημ. βρινὸς ἀπὸ τοῦ ἀπ-  
pellatur. Ortus Meridianus duplex est, alter Ortus &  
occasus  
meridianus  
diurnus ἡμερινὸς qui non apparet: quando Sole  
existente in medio cæli, meridie stella exoritur:  
alter nocturnus νυκτερινὸς qui cernitur: quando  
Sole existente in Meridiano sub terra, stella me-  
dianoctē oritur. Occasus meridianus est quan-  
do Sole existēte in Meridiano, stella est in occi-  
dētia horizontis parte. Est autē hic quoq; duplex:  
diurnus, quando Sol est in medio cæli supra ho-  
rizontem: nocturnus, quando Sol est in medio

# DE AST. PRIN.

Mediatio  
caeli.

caeli sub horizonte. Postrema species  $\chi\eta\mu\alpha\tau\iota\sigma$ .  
 $\mu\omega\nu$  quae à Ptolemaeo enumeratur,  $\mu\epsilon\sigma\sigma\upsilon\rho\acute{\alpha}\nu\eta\mu\alpha$   
nominatur, idq̃ uel est matutinum, uel meridia-  
num, uel uespertinū.  $\Pi\epsilon\rho\iota\nu\omicron\nu\sigma\ \mu\epsilon\sigma\sigma\upsilon\rho\acute{\alpha}\nu\eta\mu\alpha$  ma-  
rutina caeli mediatio, fit quādo Sole oriente stella  
est in meridiano, uel sub terra, uel supra terram.  
Est autē alia caeli mediatio uera, quando statim  
in ipso Solis exortu stella caelum mediat  $\epsilon\omega\nu$   
 $\sigma\upsilon\mu\mu\epsilon\sigma\sigma\upsilon\rho\acute{\alpha}\nu\eta\mu\alpha$   $\alpha\lambda\lambda\theta\iota\nu\omicron\nu\sigma$ , alia sequens, quae no-  
minatur  $\epsilon\omega\nu$   $\epsilon\pi\iota\mu\epsilon\sigma\sigma\upsilon\rho\acute{\alpha}\nu\eta\mu\alpha$   $\mu\eta$   $\phi\alpha\iota\nu\omicron\mu\epsilon\nu\omicron\nu\sigma$ ,  
cum statim post Solis exortum stella ad Meri-  
dianum accedit, alia antecedens, cum paulo ante  
Solis exortum stella ad Meridianū accedit, haec  
si fiat supra horizontē, cerni potest. Meridiana  
caeli mediatio  $\mu\epsilon\sigma\epsilon\mu\beta\rho\iota\nu\omicron\nu\sigma\ \mu\epsilon\sigma\sigma\upsilon\rho\acute{\alpha}\nu\eta\mu\alpha$ , uel est  
diurna quae non apparet, eaq̃ duplex, cum stella  
aut cum Sole supra horizontē in Meridiano est,  
aut illi ex diametro opponitur: uel nocturna, &  
illa quoq̃, aut non apparet, & sub horizonte sit,  
aut cerni potest, quādo Sole existente in imo ca-  
li, stella caelū mediat. Vespertina caeli mediatio  
 $\omicron\psi\iota\nu\omicron\nu\sigma\ \mu\epsilon\sigma\sigma\upsilon\rho\acute{\alpha}\nu\eta\mu\alpha$ , fit cum Sol est in occidua  
horizontis parte, stella autem in Meridiano, siue  
supra siue infra horizontem. Huius tres sunt  
 $\omicron\rho\mu\alpha$ :  $\epsilon\sigma\pi\epsilon\rho\iota\nu\omicron\nu\sigma\ \epsilon\pi\iota\mu\epsilon\sigma\sigma\upsilon\rho\acute{\alpha}\nu\eta\mu\alpha$   $\phi\alpha\iota\nu\omicron\mu\epsilon\nu\omicron\nu\sigma$ ,  
quando statim post Solis occasum stella caelum

medias

mediat supra horizontem: ἐσπερινὸν συμμεσση-  
 ῖν αἰθρινόν, quando Sole occidente stella in  
 Meridiano est: ἐσπερινὸν προμεσσηῖν αἰθρινόν,  
 quando paulò ante occasum Solis  
 stella Meridianum pertransit.

## DE VSV CONFIGVRA-

tionum Solis & stellarum.

Configurations & aspectus seu σχημα-  
 τισμοὶ stellarum inerrantium, non modo  
 cum Sole uerum cum reliquis quoq; erronibus, &  
 cum singulis Zodiaci partibus considerari &  
 proponi possunt. Sunt autem hæc ideo ab artifici-  
 bus exposita, quod occulta quadam ui in huius-  
 modi cardinibus sidera prædita sunt. Hoc autē  
 Luna apparet, hac enim exoriēte mare aestuat  
 & ad littora fluxu uehementi impellitur, cum  
 autem Luna Meridianū contingit mare refluit,  
 postq; Luna occidat, tum enim denuo intume-  
 scit & littora implet, donec Luna ad imam cæli  
 partem perueniat. Inter omnes tamen siue ἡμε-  
 ρίστους, seu siderū positus in cardinibus, præ-  
 cipua ratio semper habita est ortus & occasus.  
 Nam ab exortu & occasu siderum ueteres ac-  
 cepit certissima tempestatum indicia, & no-

Stellarum  
 occulta uis  
 in cardini-  
 bus cæli

Stellæ in-  
 dicia tem-  
 pestatum  
 præbent.



# DE AST. PRIN.

Stellarum  
ortu & oc-  
casu anni  
tempora di-  
stinguuntur.

stra quoq; atate eadem hinc desumi possunt. So-  
lis enim calores quaedam sidera augent, id quod  
Syrium facere omnes norunt, sed alia sidera Sole  
ad ipsa accedente, tempestates & pluuias cient,  
ideoq; etiam pluuiæ Hyades dicuntur, & nim-  
bosus Orion. Huius autem rei ignoratio saepe  
non modo priuatos homines, sed etiam maxi-  
mas respublicas in magnas calamitates coniecit,  
id quod M. Aemilio & Seruio Fulvio Rom.  
Coss. accidit, qui frustra nautis monentibus in-  
ter Orionis & Canis emersionem nauigantes in-  
gentem classem naufragio amiserunt. Præte-  
rea per stellarum ortus & occasus anni tempora  
olim distinguebatur, item tempora arationis, sa-  
tionis, messis, uindemia: & huiusmodi temporum  
notationes frequentes admodum occurrunt, cum  
apud poetas, & quandoq; etiã historicos, tum ma-  
xime apud scriptores rei rusticæ, & nonnunquã  
apud medicos. Itaq; & si nostra atate, qua certa  
est anni ratio, & Ephemerides siderum ubiq; ha-  
bentur, hæc temporum notatio non est necessaria,  
tamen nihilominus hæc cognitio utilis est & in-  
cunda, tum ad intelligenda ueterum scripta, tum  
ut nos quoq; hæc eadem imitari possimus. In ex-  
plicandis autem locis ueterum authorum, cum  
motus Solis est cognoscendus, tum etiam par-

Signi



Signiferi cum qua stella olim oriebatur & occidebat. Non enim iisdem cū partibus olim oriuntur & occidebant stellæ, cum quibus nunc oriuntur & occidunt, & cum alia parte Romæ, cum alia in Græcia, aut Alexandriaoriebantur. Atq; hac de causa ab erudito quodam libello Macrobusi additæ sunt tabulæ loci Solis in Zodiaco, & partium Signiferi cum quibus insignioris stellæ olim Romæ aut Alexandriaoriebantur. Ibidem etiam erudite explicatur, quomodo veterum authorum loca, quibus ortus aut occasus alicuius stellæ describitur, intelligenda sint, & tota hæc ratio, multis illustribus & uarijs exemplis declaratur, quæ nūc repetere superuacuum foret. Quoniam autem ortus & occasus apparentes de cælo obseruari non possunt, nisi stellæ prius notæ fuerint, breuiter exponam quomodo stellarum notitia paretur. Constituat primū globus in eundem cum cælo situm tempore obseruationis, id quod fieri poterit si stellæ alicuius notæ uerticali & altitudine obseruata, eam locum stellæ in globo adducatur: uel contra hora, pro horarum numero reuoluto æquante, globus statuatur ad lineam meridianam. Deinde adducatur in sphaera quadrans altitudinum super stellam cuius notitiam habere cupi-

Quomodo  
notitia stel-  
larum com-  
paretur.

## DE AST. PRIN.

mus, & index in quadrante ponatur in eius con-  
 tactum, tum enim uisus pro indicatione indicis in  
 cælum productus, stellam assequetur, qua tamen  
 ut certius cognoscatur, obseruentur etiam uicine  
 stellæ, earumq; in globo dispositio, & iuxta eas ce-  
 litus apparentes dijudicentur. Non improba-  
 rim autem hac in re eorum consilium, qui absq;  
 ullis imaginibus stellas cum in plano, tum in glo-  
 bo depingunt, seruata earum inter se ordinata  
 dispositione, et magnitudinibus apte notatis. Es-  
 enim ex huiusmodi picturis iuxta cardinum celi  
 situm dispositis, nota una aut altera insigniori  
 stellâ, aliarũ quoq; notitia comparari potest, ra-  
 tione nõ obscura aut difficili. Planeta quoq; fixi  
 ipsorũ ex Ephemeride cognito, eodem modo quo  
 fixa in notitiam perueniunt: præsertim cum hæc  
 quoq; nota insignes sint, quod non æque ut stelle  
 inerrantes scintillant. Exacta tamen tra-  
 ctatio de motibus planetarum, & ipso-  
 rum phænomenis, alterius loci est.

F I N I S.

IOANNES PARKHURSTVS

*Anglus studiosæ publi.*

PINXIT in ardenti radiantia sidera scuto

Pelidæ, celebris conditor iliados.

Notitiam astrorum magnis heroibus esse

Rem scitu dignam significare uolens.

Lex Atlas Luna docuit, Solisq; labores,

Quare humeris cælum sustinuisse ferunt.

Dicitur armipotens inter fera prælia Cæsar

Cæli &amp; stellarum sæpe uacasse plagis.

Talia prædulci cecinit crinitus iopas

Cantu, qui citharam tangere doctus erat.

His igitur minimè cum displicuisse sciamus,

Atq; alijs summa nobilitate uiris:

Sapias, nunquam pigeat studiosa iuuentus

His animum studijs applicuisse bonis.

Non modo iucunda est ars hæc pulcherrima, uerum

Vtilis, id uarijs experiere modis.

Hunc librum gnaua si sedulitate reuoluas,

Tum cernes uerbis pondus inesse meis.

Quem tibi doctrina clarus, clarus pietate

Simlerus scripsit, grato animoq; dedit.

Si placet hoc scriptum, placitum sperat &amp; author,

Post maiora dabit, post meliora dabit.

## Emendanda

pagina 3. pro πολυμερὴν lege πολυμερῶ. Pag. 8. Manilij  
 carmina adducuntur de Arctico & Antartico circulo,  
 quæ tamen pertinent ad circulos perpetuo aut nunquã  
 apparentes, qui pagina 63. describuntur. Pagina 49.  
 noctibusq; lege noctisq;.